






John Carter Brown
Library
Brown University



Bibliotheca Prioratus S. Petri Monasterio

PARAPHRASE DE L'ASTRO- LABE,



contenant { Les Principes de Geometrie.
La Sphere.
L'Astrolabe, ou, declaration
des choses celestes.
Le Miroir du Monde, ou,
exposition des parties de
la Terre.



A LYON,
PAR IEAN DE TOVRNES.
M. D. XLVI.



RPJCE



IACQUES FOCARD

DE MONTPELLIER,

à maistre Noel Alibert Lyonnois, va-

let de chambre du Roy son

singulier amy,

Salut.



I l'amytié, Amy trescher, est entre nous admirable pour seulemēt attraire deux conformitez en vn subiect, de combien sera plus esmerueillable la Vertu, qui seule vnit & homogene ensemble deux differentes, & entierement rebelles complexions en vne correspondence? Certainement ie ne doubte-
ray point, que la vertu ne soit d'autant plus recommandable, que son effect est icy bas operation des intelligences superieures, & que l'amour mesme n'est de foy sinon ministre d'icelle Vertu. Et pource ne se fault esbahir, si le plus souuent elle contrainēt deux personnes incongneues, & eslongnees, à non seulement s'entr'aymer, mais encore à si bien se conformer en vn mesme vouloir, qu'il semble (& à la verité) qu'elle execute en nous ce, que les Intellectz cele-

stes nous influent de si loing: ce que ta rare, & gentille nature ha peu experimenter en moy, laquelle à l'imitation de son moteur iamais ne cesse ou de se exercer à toutes choses autant diuinement haultes, qu'elles sont haultement diuines, ou de exciter les autres à l'ensuyure. Autrement, certes, n'eusse ie peu participer en ceste nostre mutuelle affection, non plus qu'un arresté pourroit accompagner celluy, qui court. Et par ainsi ne voulant à ton imitation mal employer mes heures oyſiues, oultre ma vacation m'addonnay à exercice approchant le tien, c'estoit en Astrologie, ou y ayant esté quelque peu esclairé de ses eternalz & perpetuelz feux celestes, me mys à en tirer ceste (telle qu'elle) paraphrase plus pour vn soulagement de ma memoire, que pour espoir ne voulenté que i'eusse lors d'edifier autrui: laquelle toutesfois pour l'assurance de ceste nostre amyable priuauté ie te communiquay en tesmoignage de l'association, que i'auoys à ton continuel, & louable travail des choses supernaturelles. Et congnoissant que aucunement elle te complaisoit, soubz la confiance, que ie peu appercevoir en ton iugement, ie deliberey de l'estendre pour apres la hazarder, & commettre à la veue de tel (possible) qui ne l'estimera assez exactement parfaicte, comme elle n'est, pour le profond scauoir de ceulx, qui y ont plus aysément versé, que moy: mais assez me deura suffire, que ie y puisse acheminer les plus ignorantz, laissant à ceulx, qui y sont plus haultement instituez, de paracheuer ce, à

ce, à quoy la debilité de mon imagination n'a peu
attaindre. Et quand ce ne seroit que pour complai-
re à ceste tienne louable intention d'animer chascun
à la vertu, j'ayme trop miculx avec le particulier
proufit d'un seul desplaire generally à plusieurs
aureilles trop delicates, que m'eslongner (tant
soit peu) de la voullenté de celluy, des
vertuz duquel ie vouldrois tout
autant dependre, que de
son amytié.

Et
à Dieu.



SPERNIT OTIA VIRTUS.

The first part of the book is a history of the
city of London from its foundation to the
present time. It is a very interesting and
valuable work, and is well worth a
read. The second part of the book is a
history of the city of London from the
present time to the future. It is a very
interesting and valuable work, and is
well worth a read.

The third part of the book is a history of the
city of London from the future to the
present time. It is a very interesting and
valuable work, and is well worth a
read.

The fourth part of the book is a history of the
city of London from the present time to the
future. It is a very interesting and
valuable work, and is well worth a
read.

The fifth part of the book is a history of the
city of London from the future to the
present time. It is a very interesting and
valuable work, and is well worth a
read.

The sixth part of the book is a history of the
city of London from the present time to the
future. It is a very interesting and
valuable work, and is well worth a
read.

The seventh part of the book is a history of the
city of London from the future to the
present time. It is a very interesting and
valuable work, and is well worth a
read.

The eighth part of the book is a history of the
city of London from the present time to the
future. It is a very interesting and
valuable work, and is well worth a
read.

The ninth part of the book is a history of the
city of London from the future to the
present time. It is a very interesting and
valuable work, and is well worth a
read.

The tenth part of the book is a history of the
city of London from the present time to the
future. It is a very interesting and
valuable work, and is well worth a
read.

TABLE ALPHA.

BETIQUE.



A



Lhidade, Pa-	Astrolabe	1.17
ge 32	Auster	9
Almicantha -	Axe	8.9
ratx 25	Azimuths	26

Altimetrie 102

Anel 33

Angle 5

Angle droit 5

Angle obtus 5

Angle aigu 5

Angle courbe 5

Angle spherai 6

Antipodes 7

Arc 4

Arçs des heures inegales

28

Arçs des maisons celestes

29

Arismetique inuentee par

les Pheniciens

100

Ascension de signe

83

Ascension du Soleil

17

B

B Aculus Iacob 107

B Boreas 9

C

C Caracteres des si-
gnes 11

Centre 3.9

Cercle 3

Cercle meridional 13

Cercle arctique 16

Cercle antartique 16

Cercles concentriques 20

Cercles excentriques 20

Cieulx du Zodiac 8

A 4

Circ

T A B L E

Circonference	3	Doigt	103
Climat	77	E	
Clou	33	Eclipse de Soleil	12
Colures	15	Eclipse de Lune	12
Continens , ou terre fer -		Elevation de Pole	41
me	149	Equator	9
Corps	2	Equinocce	10.27
Coudee	103	Eschele Altimetre	21
Crepuscle	48	Estoilles fixes ont visue -	
		clairté	67

D

D Eclination du So -
leil

Demy cercle 4

Diametre 3

Dioptra, ou Alhidade 32

Diuers instrumens de Geo

metrie 107

Diuersité des iours 10

Diuersité d'Astrolabes 22

Diuersité d'heures 58

Diuisiõ d'heures 23

Diuisiõ du monde 6

Diuisiõ de la Terre, pa -

ge 150

Diuisiõ du Zodiaque 31

F

F Ace d'Astrolabe 23

Figure 3

Figure du pied 104

Figure pour domifier 89

Figure platte 3

Figure solide 3

Filé du Zodiaque 30

G

G Eometrie 99

G Geometrie inuentee

par les Egyptiens 100

Geometrie cause de inuen -

ter

ALPHABETIQUE.

ter plusieurs choses	101	Ligne	2
Geometrie diuisee en deux	102	Ligne crepusculaire	19
		Ligne ecliptique	32
Geometrie mise en escript		Ligne perpendiculaire	5
par plusieurs	101	Lignes diametrales	18
		Lignes paralleles	77
H		Limbe, ou bord	23
		Longitude des cites	13
H Auteur mesuree en		Longitudes faciles à trou-	
deux sortes	109	uer	81
Heure	53		
Horizon	13	M	
Horizon oblique	25		
Horizons diuers	14	M Agnitude des estoil-	66
		les	
I		Miroir du Monde	34
		147	
I Ndex, ou Ostensor	33	Mediclinium, ou Alhida-	
Iour artificiel	10	de	32
Iour naturel	10	Mere de l'Astrolabe	23
Isle	149	Mesurer	103
Isthmus	149	Mesures diuerses	102
L		Mydi	13
		Miliaire	104
L Ette dominicale	21	Mouuement des cieulx	pa
Lieues	104	ge	8
		A 5	Nad

TABLE ALPHABETIQUE.

N		<i>N</i>	
N	<i>Adair</i>		<i>Stade</i> 103
		35	<i>Superficie</i> 2
			<i>Stereometrie</i> 102. & 146
O		<i>O</i>	<i>T</i>
O	<i>Rdre des planet-</i>		<i>Able des climat</i> 76
	<i>tes</i>	51	<i>Tables des longitudes</i>
P		<i>P</i>	<i>& latitudes</i> 157
P	<i>Alme</i>	103	<i>Terme</i> 3
	<i>Pas</i>	103	<i>Toise</i> 103
<i>Peninsula</i>		149	<i>Triangle</i> 105
<i>Perche</i>		103	<i>Tropique de Cancer</i> 16.27
<i>Pied</i>		103	<i>Tropique de Capricorne</i> 16.
<i>Planimetrie</i>		102	<i>&</i> 28
<i>Poinct</i>		2	<i>V</i>
<i>Poles</i>	8.9. & 66		<i>V</i>
<i>Premier mobile</i>	7		<i>Mbre droicte</i> 109
<i>Proprieté des douze mai-</i>			<i>Vmbre reflexe</i> 109
<i>sons</i>	96		<i>Voye du Soleil</i> 12
S		<i>S</i>	<i>Z</i>
S	<i>ignes diuisés en 30. de-</i>		<i>Enith</i> 13
	<i>grés</i>	11	<i>Zodiaque</i> 10
<i>Solstice estinal</i>		16	<i>Zodiaque diuisé en 360.</i>
<i>Solstice yuernal</i>		16	<i>parties</i> 11
<i>Sphere</i>		9	

FIN.

TABLE DES

CHAPITRES.



DE LA PRACTIQUE

DE L'ASTROLABE.



POUR trouuer en quel signe & degré
est le Soleil chascun iour, & son degré op-
posite, qui est nommé Nadair. CHAP. I.

Page

35

Pour trouuer le vray Mydi par le Soleil. CHAP. II.

page

37

Pour colloquer la haulteur du Soleil, ou d'une estoille fixe
sur les Almicantharatz. III. 40

Pour trouuer l'elevation du Soleil à Mydi, c'est à dire,
combien de degrés il est esleué sur ton cercle meridional
chascun iour : & par icelle elevation, sçauoir &
trouuer le iour incongneu. IIII. 42. & 43

Pour trouuer l'heure egale, tant de iour, que de nuit.

CHAP. V.

45

Pour trouuer le leuer & coucher du Soleil tous les iours,
& le crepuscule d'iceulx, qui est le poinct du iour, &
de la nuit. VI. 47

Pour sçauoir combien y ha de temps, que le Soleil est leué,
ou couché. VII. 49

Pour trouuer les heures inegales, nommees heures des Pla-
nettes

nettes, au iour artificiel, & semblablement à la nuit.	
CHAP. VIII.	49
Pour reduire les heures egales en heures inegales.	IX. 52
Pour sçauoir & trouuer tout d'une veüe, les heures egales & inegales par le dos de ton Astrolabe.	X. 54
Pour sçauoir combien de temps une estoille demeure dessus, ou deffoubz l'Horizon, & à quelle heure elle leue, ou couche.	XI. 56
Pour trouuer la longitude, la latitude, & la declination des estoilles fixes: ensemble combien les degrés de l'ecliptique declinent du cercle equinoctial.	XII. 58
Pour trouuer les quatre angles du Ciel, qui sont les quatre maisons principales.	XIII. 61
Pour trouuer avec quel signe & degré, leue, ou couche une estoille fixe.	XIII. 61
Pour trouuer combien le degré du Soleil, ou une estoille fixe leue loing du droit Orient, & se couche: Pareillement trouuer à toute heure, en quelle partie du monde se trouuent le Soleil, & les Estoilles.	XV. 62
Pour congnoistre & trouuer en toutes regions, les quatre parties du Monde, c'est à sçauoir Orient, Occident, Septentrion, & Mydi.	XVI. 64
Pour congnoistre de nuit les estoilles, par celles qui sont notees en ton Aranea.	XVII. 65
Pour congnoistre combien le Soleil approche tous les iours, ou eslongne de nostre Zenith, qui est le point vertical.	XVIII. 70
	Pour

CHAPITRES.

Pour ſçauoir par le Soleil combien vne ville, ou autre lieu, ha de latitude, laquelle eſt autrement nommee eleuation de Pole. XIX. 71

Pour trouuer l'eleuation du Pole, par les eſtoilles fixes. 73

CHAP. XX.

Pour ſçauoir la longitude de deux villes, ou autres lieux. 79

CHAP. XXI.

Pour congnoiſtre la diſtance de deux villes, ou autres lieux, apres auoir congneu leur longitude, & latitude. XXII. 80

Pour trouuer l'afcenſion des ſignes, ou l'arc de l'ecliptique, en la Sphere droicte. XXIII. 83

Pour congnoiſtre l'afcenſion droicte de chaſcun degre du zodiac, ou des eſtoilles fixes. XXIII. 84

Pour ſçauoir l'afcenſion des ſignes, ou arc de l'ecliptique, en la Sphere oblique. XXV. 85

Pour eriger, ou trouuer les douze maiſons celeſtes à toute heure, ſpecialement les quatre angulaires, fondamentales des autres. XXVI. 87

Pour congnoiſtre l'aſpect, ou regard des Planettes. 92

CHAP. XXVII.

Pour ſçauoir l'horoscope, & degres aſcendans de noz reuolutions des natiuités, elections, & autres choſes. 94

CHAP. XXVIII.

DE

DE LA PRACTIQUE
DE L'ESCHELE
ALTIME-
TRE.



Es genres, & especes de Geometrie.	CHA- PITRE I.	Page 102
Pour sçauoir la haulteur d'une Tour, ou autre chose, par l'ombre d'icelle.		II. 110
Pour sçauoir la haulteur de toutes choses, quand le Soleil ou la Lune sont esleués plus, ou moins, de quarantecinq degres,		III. 111. & 112
Pour trouuer la haulteur de toutes choses accessibles, estâs en lieu plain, par la ligne visuelle.		IIII. 115
Pour sçauoir la haulteur de toutes choses, estâs en lieu plain, desquelles on ne peult approcher.		V. 122
Pour sçauoir la haulteur d'une Tour, qui est situee dessus un mont, ou rocher,		VI. 128
Pour sçauoir la longueur d'un champ, ou autres planures.		VII. 132
Pour sçauoir la profondeur d'une fosse, cisterne, ou d'un puits.		VIII. 139
Pour trouuer la longueur d'une circonference.		IX. 143
Pour reduire un rond en quarré.		X. 145
Pour sçauoir le cube d'un corps.		XI. 146
		LA

DE LA THEORIQUE

DV MIROIR DV

MONDE.



*EclARATION, & diffinition des noms de Geogra-
phie.*

CHAP. I. 148

De la diuision de la Terre.

II. 150

Declaracion du Miroir du Monde.

III. 151

DE LA PRACTIQUE

DV MIROIR DV

MONDE.



*Pour. trouuer l'assiette d'une chascune Region,
Cité, ou lieu circonuoysin, au Miroir du Mon-
de.*

I. 183

*Pour sçauoir en quelles Regions, Isles, & Cités, le Soleil,
& autres Estoilles, à certains iours & heures se
meuent verticalement.*

II. 184

*Pour congnoistre sur quelz, le Soleil, vne fois, deux fois,
ou iamaïs se meult sur leur chef.*

III. 184

*Pour sçauoir quelle heure il est, en quelque Region, ou Cité
en tout temps.*

IIII. 186

FIN DES TABLES.

THE LANCET

OF LONDON

1847

THE LANCET
OF LONDON
1847

THE LANCET

OF LONDON

1847

THE LANCET
OF LONDON
1847

THE LANCET

OF LONDON



PARAPHRASE DE L'ASTRO-

L A B E.



DECLARATION DES PRINCIPES DE GEOMETRIE.

*



A V R A Y E do-
ctrine, selon le diuin Pla-
ton, est, par la congnoissan-
ce des choses vniuerselles,
venir aux particulieres :
Et pource que l'Astrola-
be depend de la Sphere,
veu qu'il est Sphere solide,
mise en plate figure : il est

requis auant toutes choses faire declaration des Cercles,
Et parties de la Sphere. Et auant que venir à la decla-
ration d'iceulx, ie mettray icy aucuns principes de Geo-
metrie: cōme ha faict Faber Stapulensis, Et Glareanus,


a


auant


auant l'exposition de leur Sphere : à cause qu'il leur sembloit vtile, & à moy, pour ce que ie le dy estre necessaire : & dauantage, à la fin d'iceluy i'ay mis le miroir du monde pour la raison cōtenue au proëme d'iceluy. Venant donc à la Geometrie, cōmenceray par le poinct.


LE Poinct est vne chose indiuisible n'ayant en soy portion ne mesure.


LIGNE est vne imagination continuelle depuis vn poinct iusques à l'autre.

 LIGNE droicte est celle qui est faicte par adionstement d'un poinct à l'autre le plus prochainement qu'il se peut faire.

 LIGNE oblique, ou courbe, est assez congneüe par la diffinition de la contraire, qui est la droicte.

 LIGNES paralelles, ou equidistantes, sont celles qui à leur traict de longueur sont tousiours egales en largeur, comme les deux ornieres d'une charrette.

 LIGNES non paralelles, sont assez congneües par la diffinition de ses contraires, les paralelles.

 SUPERFICE, est grandeur produicte de lignes ayant longueur, largeur, sans profondeur.


CORPS, ou solide, est grandeur causee de superficies ayant toutes les trois dimensions : à sçauoir longueur, largeur, & profondeur. En quoy fault noter, que les Mathematiciens imaginent par flus, ou addition des poinctz, en longueur estre faicte la ligne. Du flus de la ligne en largeur le superficie : le flus de la superficie produict le corps.

Par

Par ainsi sont trouuez les trois dimensions à sçauoir longueur en la ligne, largeur à la superficie, & profondeur aux corps, lequel s'il est contenu d'une seule superficie sera dict Sphere, comme monstre la figure A, & si de plusieurs sera dict cube, comme la figure B.



TERME est la fin d'une chascune chose. Comme les poinçts sont les fins des lignes, les lignes extremités des superficies, les superficies les bouts des corps.



FIGURE, est ce qui est contenu d'un, ou de plusieurs termes d'un terme. Comme le cercle de plusieurs, comme triangles, quadrangles.

FIGURE platte, est celle qui est composée des lignes.

FIGURE solide, est celle qui contient les trois dimensions, à sçauoir, longueur, largeur, & profondeur.

CERCLE, est figure platte contenue d'une seule ligne circuyante, ou enuironnant: au milieu de laquelle est un poinçt, duquel toutes lignes droictes tirees à la ligne circuyante sont egales, c'est à dire, que ladicte ligne circuyante, ou enuironnante est distante du poinçt du milieu de tous costez également.

CIRCONFERENCE de cercle, est la ligne qui contient le cercle.

CENTRE du cercle, est le poinçt du milieu, duquel les droictes lignes tirees à la circonference sont egales.

DIAMETRE de cercle, est toute ligne droicte, qui passe par le Centre, les extremités de laquelle touchent la circonference du cercle. Et fault noter, que ceste ligne

a 2 droicte

Notable.

droicte est appelée Diametre aux Cercles, à la Sphere est nommée Axe, & aux angles est dicté dimetiens, ou mesurant, quand les diuise également, & si les diuise inégalement sera dicté ligne incidens, ou couppant.

DEMY cercle, est figure platte contenue du Diametre du cercle entierement, & de la moytié de la circonference.

Exemple.



L'exemple de toutes ses diffinitions est tel A, B, D, C, E, toute ceste superficies est nommée cercle. A, B, D, C, circonference d'iceluy B, C, ou A, D, diametre. E, le point, ou centre du cercle. A, B, C, demy cercle. E B, E A, E C, E D, lignes prouenants du centre à la circonference égales. A, B, E, la quarte partie du cercle, ou autrement dict, quadrant d'iceluy.

ARC de Cercle, est figure contenue d'une droicte ligne, non passant par le centre, les extremités de laquelle touchent la circonference du cercle: ceste droicte ligne est nommée la corde de l'arc, pource qu'elle diuise le cercle en deux parties inégales: & le cercle ainsi diuisé nous nommerons la partie grande, cōtenant le centre. L'arc grand, & l'autre figure non contenant le centre, l'arc petit du cercle. Ainsi tu peux facilement veoir la difference, qui est entre la corde & le Diametre. Le diametre passe tousiours par le centre, & diuise la figure en deux parties égales. Et la corde ne passe par le Centre, ains diuise la figure en deux parties inégales, qui sont appelés Arcs, l'un grand, & l'autre petit.

Notable.

ANGLE, est une figure faicte par l'atouchement de deux lignes s'eslargissant depuis leur atouchement.

ANGLE droit, ou spherical, est faict par l'atouchement de deux lignes droictes, quand celle qui descend sus l'autre est perpendiculaire.

LIGNE perpendiculaire, est celle, qui descendant sus l'autre, ne s'enclinant plus à un costé, que à l'autre : par ainsi les angles produictz par icelle ligne sont egaulx, & es cercles enclorront droitement la quarte partie.


ANGLE obtus, ou mouffe, est celuy qui est plus grand que le droit.

ANGLE aigu, est celuy qui est moindre que le droit.

Ces angles sont faicts, quand la ligne perpendiculaire decline plus à un quartier, que à l'autre. Et tous ces angles aux cercles sont faicts de lignes droictes à la difference des autres produictz de lignes courbes, ou obliques. Comme l'angle courbe & spherical. Et de ce te baille exemple d'angle droit par la figure suyuante A, B, C, & A, B, D, lesquelz sont faicts par la ligne droicte diametrale, ou perpendiculaire, laquelle tombe sur la droicte ligne, qui est C, D.

Notable.

Exemple.



Exemple.



Exemple à la figure sequente d'angle aigu & obtus. E, F, H, est l'angle aigu, duquel E, H, est moindre, que le quart, ou quadrant du cercle. F, F, G, angle obtus plus grand, que le quadrant du cercle.

ANGLE courbe, ou circulaire, est celuy que les lignes courbes, ou circulaires du cercle comprennent, comme lon

voit aux sections des cercles.



ANGLE *sphéral*, est celuy qui est contenu par les circonferences, ou interfections de deux cercles de la Sphere, lequel est manifesté aux interfections des cercles, comme verras par exemple.

Les Geometriens mettent dauantage autres exemples & figures des angles, mais ie ne t'ay icy mis que celles des cercles necessaires, & conduisantes à l'intelligence de la Sphere, & Astrolabe. Et ce te souffrira quant aux principes de Geometrie.



EXPOSITION DE LA SPHERE.



N APRES pource que la congnissance du Monde est tresvtile pour l'intelligēce de la Sphere, il conuient premierement icy parler d'ice-luy, & de ses parties.

Diuision du
Monde.

L'VNIVERSEL rond, & mobile, est diuisé en deux parties, dont l'une est corruptible, & l'autre incorruptible. La partie corruptible contient les quatre elements, & corps composés d'iceulx: entre lesquels

quelz la Terre, comme centre, est au milieu estant immobile. Apres elle, ensuit l'eau, de laquelle, & autres corps ponderueux, le mouuement est de descēdre en bas. Au dessus d'icelle sont l'Air, & le Feu: le mouuement desquelz, & autres corps legers, est de monter. Et mōtent en hault iusques à la Sphere de la Lune.

L'autre partie incorruptible contient les neuf cieulx, Seconde partie.
 lesquelz enuironnent circulairement la Terre, & se meuuent à l'entour d'icelle seulement de mouuement circulaire. Dont s'ensuit, que les Antipodes, non moins que Antipodes.
 nous, tirent au centre, ce que le Poète ha tresbien dict, affirmant, que de toutes pars encores soubz la Terre (au regard de nous) le Ciel est tousiours dessus.

DES cieulx, le premier mobile ha vn seul mouuement, qui est d'Orient en Occident, retournant en Premier mobile.
 Orient sur les extremités d'une ligne droicte. Ce mouuement est tresmanifeste, paracheuant sa reuolution en 24. heures: auquel espace de temps contraint aussi les autres cieulx faire semblable mouuement, comme nous aperceuons clairement par le cours des deux luminaires, & autres estoilles, lesquelz par iceluy leuent & couchent, & font le Iour & la Nuit: tellement, que nous pouuons dire ce mouuement estre vniuersel & commun à tous les cieulx de la machine celeste.

Et pource que tout mouuement circulaire est fait sur deux poincts d'une ligne droicte, il nous fault imaginer une droicte ligne venant de Septentrion, passant par le
 a f centre

Axe. centre finissant à Mydi, laquelle nous nommerons *Axe du Monde*: les deux bouts, ou extremités d'icelle, seront nommés *Poles du Monde*, l'un artique, & l'autre antartique: l'artique nous est apparent, & l'antartique à noz *Antipodes*. Le dy apparent pource, que nous voyons une estoille nommee *Abrucaba*, laquelle est prochaine d'iceluy environ quatre degrés: car le vray Pole est un point feint. Et ce te suffise quant au mouuement du premier mobile.

Cieulx du zodiac, & des sept planettes **LES** Cieulx (tant celuy auquel sont les estoilles fixes, que ceulx des sept planettes) ont deux mouuements, l'un naturel & propre à eulx, qui est d'Occident en Orient, retournant en Occident, chascun sur leurs Poles: dont ceulx du Ciel stellé, ou du zodiac, qui est partie de la huitiesme Sphere, sont distans des poles du monde, environ 24. degrés, selon Ptolomee.

L'autre mouuement non naturel & contraire à eulx, est faict, comme dessus est dict, d'Orient en Occident, retournant en Orient: & ce en l'espace de 24. heures, par le rauissement & violence du premier mobile. Et combien qu'ilz soient ainsi meuz du premier mobile, ce nonobstant ilz se meuuent contre iceluy d'un mouuement naturel à eulx, qui est, comme est dict, d'Occident en Orient, & ce sus les poles de leurs cieulx accomplifants leursdicts mouuements en diuers espace de temps: car le firmament accomplit sa reuolution en 36000. ans, Saturne en 30. ans, Iupiter en 12. Mars en 2. le Soleil, Venus,

nus, & Mercure en un an, & la Lune en 27.iours & huit heures.

Après auoir eu l'intelligence des mouuements de la partie celeste, il conuient à present declairer la Sphere, & ses parties.

SPHERE est un corps rond & solide, contenu de Sphere. une superſice, au milieu de laquelle y ha un point, duquel toutes les lignes tirees à la superſice ſont egales.

AXE de la Sphere est une droicte ligne paſſant par Axe. le centre, de laquelle les extremités touchent la superſice, ou circonference de la Sphere, & ſur icelle la Sphere ſe meult, comme la rouë enuiron ſon eſcieu.

CENTRE de la Sphere est le point du milieu. Centre.

POLES de la Sphere, ſont les deux points qui finissent, ou terminent l'Axe, car (comme est dict) toute ligne est terminee de deux points. Poles.

La Sphere est compoſee de ſix grands cercles, ainſi nommés à cauſe qu'ilz la diuiſent en deux parties egales. Composition de la Sphere.

Et de quatre autres petis, ainſi appellés pource que d'iceulx est diuiſee en deux parties inegales. Des grands cercles l'un est nommè Equator, & est celuy qui de toutes ſes parties diſtant egale- ment des poles du monde, di- uise la Sphere en deux parties egales, l'une est dicte ſe- pentrionale, ou boreale, pource que d'icelle vient le vent Equator.

Boreas : & est celle qui est vers le Pole artique. L'autre qui est vers le Pole antartique est appellee meridionale, ou australe, pource que d'icelle partie vient le vent Boreas est le vent de Bize. Auſter, le vent de Mydi.

- Cestuy cercle est dict equinoctial, pource que toutesfois & quantes que le Soleil est soubz iceluy, qui est deux fois l'an, est equinocce par toute la terre. Equinocce n'est autre chose, que egalité des iours artificiels aux nuicts:
- Equinocce.** & sont nommés iours artificiels, à cause que toutes gens d'art peuuent vacquer à leurs œuvres, le Soleil estant sur leur horizon, ou hemisphere. Le premier equinocce est celui du Prin temps enuiron le vnziesme iour du moys de Mars, quand le Soleil est soubz le premier poinct du signe d'Aries, car il leue, ou est veu, sur l'Horizon à six heures, & caché à six. L'autre equinocce est en Autonne enuiron le treiziesme iour du moys de Septembre quand le Soleil est soubz le premier poinct du signe de Libra: car il est alors derechef soubz le cercle Equator, & demeure douze heures sus chascue horizon, & douze des soubz, qui est la moytié du iour naturel. Le iour naturel
- Iour naturel.** n'est autre chose, que la reuolution, que faict le premier mobile autour de la terre en l'espace de 24. heures, lesquelles prennent leur commencement (selon les Astronomiens) d'un Mydi à l'autre: car les Babyloniens les prennent d'un Soleil leuant à l'autre: & les Atheniens d'un Soleil couchant à l'autre, ce que pour le iour d'huy est obserué par les Italiens. Mais la plus part de nous, prenons le iour d'une minuiet à l'autre, comptans deux fois douze heures. Et fault noter, que à cause de ceste egalité des iours aux nuicts, est aussi ledict cercle nommé Equator.
- Zodiac.** LE second cercle nommé Zodiac, est un cercle grand, diuisant

diuisant le cercle equator en deux parties egales aux deux poinçts, qui sont le commencement du signe de Aries, & de Libra: duquel vne moytié decline vers Septentrion, à ceste cause est appellee septentrionale: & l'autre vers mydi, nommee meridionale: & les poles d'iceluy, qui sont poinçts desquelz la ligne ecliptique est distante de toutes ses parties egalement, l'un de la partie septentrionale, dict Septentrional: & l'autre de la partie meridionale, dict Meridional, distant, ou eslongné des poles du monde environ 24. degrés. Les Latins le nomment cercle des signes, à cause que les douze signes sont contenus en iceluy, desquelz les noms, l'ordre, & le nombre, te sera demonstré en la table sequente, en laquelle les six, qui sont depuis le commencement du signe de Aries, iusques au commencement du signe de Libra, sont Septentrionaulx, & les autres six qui sont depuis le commencement de Libra iusques au commencement de Aries, sont Meridionaulx.

Signes	Aries.	Taurus.	Gemini.	Cancer.	Leo.	Virgo.
Septentrio naulx.	♈ 1	♉ 2	♊ 3	♋ 4	♌ 5	♍ 6
Signes	Libra.	Scorpius.	Sagittarius.	Capricor.	Aquarius.	Pisces.
Meridio- naulx.	♎ 7	♏ 8	♐ 9	♑ 10	♒ 11	♓ 12

DAVANTAGE, chaque signe est diuisé en 30. de-
grés, parquoy s'ensuit, que tout le zodiac contient 360. par-
ties nommees degres, comme l'equinoctial & tous autres
cercles.

cercles. Et selon les Astronomiens chascue degré est diuisé en 60. minutes, chascue minute en 60. secondes, chascue seconde en 60. tierces, & tousiours suyuant iusques à 10.

Notable.

Et fault diligemment noter, que ce cercle est différent à tous autres cercles de la Sphere: car tous les autres sont prins & entendus pour lignes, n'ayans aucune largeur. Cestuy est prins pour superficie, ayant longueur & largeur: tellement, que chascue signe ha 30. degrés en longueur, & 12. en largeur, selon Ptolomee: & la ligne circulaire, qui diuise la largeur d'iceluy zodiac en deux, laissant six degrés d'un costé, & six de l'autre, est la voye du Soleil, à cause que le Soleil se meult continuellement soubz icelle. Les autres planettes se meuent aucunesfois declinans d'icelle vers la partie Septentrionale, autresfois vers la partie Australe, & aucunesfois se meuent soubz icelle: & toutes & quantesfois que le Soleil & la Lune se rencontrent linealement, soubz icelle est fait eclipse, ou faulte de lumiere du Soleil, ou de la Lune. Du Soleil, quand la Lune estant nouuelle, ou à la conionction, est entre nostre œil & le corps du Soleil: qui est signe bien apparent, si en celuy eclipse ne voyons le Soleil, que ce ne vient à faulte de sa lumiere (car il est la lumiere de tout le monde) ains pour cause que la Lune estant entre le Soleil, & nostre œil, empesche que ne pouuons recevoir sa lumiere. Eclipse de Lune, quand icelle est au plein diametralement opposite du Soleil: tellement, que alors l'ombre de la Terre surmonte le corps de la

Voye du Soleil, ou ligne ecliptique.

Eclipse de Soleil.

Eclipse de Lune.

Lune

Lune, empeschant qu'elle ne nous puisse donner aucune clarté, qui est signe bien euident la Lune receuoir du Soleil sa lumiere, comme aussi tous autres planettes. Et à cause des eclipses qui aduiennent soubz icelle ligne, est nommee d'auantage ligne Ecliptique.

LE troiesme cercle est le Cercle meridional, lequel Cercle méridional. passant par les poles du monde, & par nostre Zenith, diuise la Sphere en deux parties egales. L'une est Orientale, & l'autre Occidentale. Ce cercle est dict Meridional, à cause que toutesfois & quantes que le Soleil par le rayonnement du premier mobile paruiet à iceluy en quelque lieu que ce soit, & en quelque temps, il est fait Mydi: & Mydi. Mydi n'est autre chose que la moytié du iour naturel, ou artificiel, à ce s'ensuit, que toutes Cités estans soubz vn mesmes Mydi distent & sont loingts egaleement d'Orient & d'Occident: & au contraire s'ilz approchent plus d'Orient, ou d'Occident, ont diuers Mydi: & l'arc du cercle Equinoctial couppé par deux cercles Meridionals est appellé longitude des Cités, ou autres lieux. Et la latitude d'icelles est l'arc du cercle Meridional couppé par le Longitude des Cités. cercle Equator, & le Cercle paralelle, ou Zenith d'icelles.

Zenith en nom Arabic, est vn poinct au dessus de nous Zenith. respondant perpendiculairement sus nostre chef. Les Latins le nomment poinct vertical. Le poinct opposite du Zenith est nommé nadair, & par nous sera appellé le poinct des piedz.

LE quatriesme cercle est nommé Horizon. & pour Horizon. l'intell

l'intelligence de luy, fault noter que en quelque partie que ce soit, la moytié du ciel est tousiours apparente, & l'autre moytié cachee: & soit aux grandz, ou aux petis iours six signes sont sus l'Horizon, & six deffoubz. Donc nous dirons Horizon estre le Cercle auquel tout homme estant en lieu descouuert, & tournant sa veüe autour de luy, sa veüe vient à faillir: & les termes, ou extremités de la veüe sont les endroiçtz ausquelz lon voit le Ciel ioindre avec la Terre, ou Eaue (comme il semble) & à cause de ce sera dict Cercle terminateur de la veüe, & aussi Cercle diuisant la partie du Ciel apparente de celle qui est cachee, ou si mieulx aymés, cercle separant le iour de la nuict: car autre chose ne cause nuict, que le Soleil estant soubz ledict Horizon, comme luy estant dessus donne le iour. Et fault noter que toutes diuerses regions ont diuers Horizons, & de tous Horizons le zenith sera dict le pole, à cause qu'il est distant egaleement de toutes parties d'iceluy. D'auantage ledict Horizon ha deux differences: l'un est dict droit pour ceulx qui habitent soubz l'equinoctial, car à iceulx l'un des poles du monde n'est point plus esleué sur l'Horizon que l'autre: tellemēt, que les habitans soubz iceluy Equinoctial peuent veoir les deux poles sur leur Horizon. L'autre Horizon est dict oblique, seruant à ceulx qui habitent delà, ou deçà l'equinoctial, qui sont les parties Australe, ou Septentrionale, pource qu'un pole est seulement veu sur l'Horizon, & l'autre caché soubz iceluy. Et d'autant, que s'eslon-

gnant.

Notable.

Differēces de
Horizon.

gnant de l'equator d'un costé ou d'autre sera un pole sur l'horizon, d'autant sera l'autre pole dessous, & d'autant le Zenith ou pole de l'horizon distera de l'equator. Par ainsi est tresmanifeste ce que auons dict, que toutes diuerses regions ont diuers horizons, & de tous horizons le Zenith est leur pole. Et pour plus facile & claire intelligence de ce que dessus, t'ay icy mis une figure par laquelle pourras veoir tout ce que auons dict, & dirons cy apres:



IL y ha aussi deux autres grands cercles nommés Colures, lesquelz ne seruent à la Sphere, que pour soutenir les parties d'icelle. Car à vray dire, l'office qu'on leur attribue

tribue de distinguer les solstices & equinoces, appartient aux deux Tropiques, & Equinoctial, comme verrons : & à cause de ce n'en sera fait aucune mention en l'Astrolabe, & par ainsi icy finirons la description des six grands cercles, & parlerons de quatre petis, commençans par le cercle Artique.

Cercle Artique.

Le cercle Artique est un cercle petit, descript du pole du zodiac Artique, par le rauissement du premier mobile enuiron le pole du monde Artique.

Cercle Antartique.

Le cercle Antartique est descript par le pole du zodiac Antartique, enuiron le pole du monde Antartique, par le rauissement du premier mobile, ce que facilement tu peulx comprendre, si bien te souuient de ce que auons dict les poles du zodiac estre deux poincts distans egale-ment de toutes les parties de la ligne Ecliptique. L'un de iceulx vers le pole Artique, & l'autre vers le pole Antartique, distans d'iceulx enuiron 24. degrés.

Tropique de Câcer, ou solstice estival.

Le troisieme des cercles mineurs, est le cercle ou Tropique de Cancer, descript du soleil, declinant du cercle equator, vers la partie septentrionale tant que faire se peult, par le rauissement du premier mobile : & ce cercle est fait quand le soleil entre au premier poinct du signe de Cancer, qui est enuiron le douzieme iour du mois de Iuing, & alors disons estre le solstice estival, pource que le Soleil ne peult estre plus esleué sur nostre Horizon.

Tropique de Capricorne, ou solstice yuernal.

TROPIQUE, ou cercle de Capricorne, est le quatrieme cercle mineur, que descript le Soleil declinant de l'equator

l'equator vers la partie Australe, tant que faire ce peult, par le rauissement du premier mobile : & ce cercle est faict quand le Soleil entre au premier point du signe de Capricorne, qui est enuiron le douzieme iour du moys de Decembre : & alors disons estre le Solstice d'yuer, pour ce que le Soleil ne peult plus estre eslongné de nous.

DECLINATION du Soleil est, quand le Soleil de Declination,
& ascension
du Soleil.
l'equator va aux Tropiques.

ASCENSION du Soleil est, quand le Soleil tend des Tropiques, au cercle Equator.

FIN DE LA SPHERE.



LA THEORIQUE DE L'ASTRO- LABE.



TOVTEs choses necessaires à l'intelligence de l'Astrolabe ia premieres & declairees, conuient à present venir à nostre principale intention, qui est de la declaration dudit Astrolabe.

ASTROLABE comme il est dict, est Sphere solide mise en figure platte, par lequel on ha la cõgnissance des mouuemens des Astres, & vtilités procedans d'iceulx.

b

Or

Or à vray dire, les utilités que d'iceluy mettons par chapitres, sont petites, au regard de celles que met Ptolomee en son *Almageste*. Et brief, les utilités qui viennent de luy, ne se peuuent dire, tant sont grandes: parquoy me porteray d'en escrire plus auant.

Diuision d'As-
trolabe.

L'Asrolabe est diuisé en deux parties, l'une est nommée anterieure, ou face d'iceluy, à laquelle y ha vne concavité appelée la Mere: de ceste partie parleròs cy apres. L'autre est nommée posterieure, ou dos de l'Asrolabe, de laquelle s'ensuit la declaration.

Lignes diamé-
trales.

PREMIEREMENT en iceluy dos sont deux lignes diametrales, s'entrecoupons au centre de la table, diuisans les cercles contenus en iceluy dos, en quatre parties egales, seruant aux quatre parties du monde, Orient, Occident, Septentrion, & Mydi: lesquelles conuient diligement noter pour l'intelligence de la situation des parties du monde. La premiere vient de la partie fenestre, ou Orientale, à la partie dextre, ou Occidentale: & est nommée l'Horizon droict & vniuersel. La moytié, qui est depuis le poinct d'Orient iusques au centre, est appelée la ligne Orientale, à cause que le Soleil paruenant à icelle nous cause le iour. L'autre moytié, qui est depuis le centre iusques au poinct d'Occident, est dictée Occidentale, pour raison que le Soleil paruenant à icelle nous apporte la nuit. L'autre ligne diametrale descend de l'aneau, ou partie Meridionale, à la partie Septentrionale, & est appelée la ligne du milieu du ciel: tellement, que la moytié d'icelle

Diametre de
l'Orient.

Diametre de
Mydi.

d'icelle, qui est depuis l'aneau ou poinct de mydi iusques au centre, est dictée la ligne de mydi, à cause que le Soleil montant de la ligne Orientale, quand paruiet à icelle, fait mydi. L'autre moytié, qui est depuis le centre iusques au poinct de Septentrion, qui est le nadair de mydi, est dictée ligne de mynnict: pource que quand le Soleil (lequel descend depuis la ligne de mydi iusques à la ligne de mynnict) paruiet à icelle il nous cause mynnict.

SECONDEMENT, en la partie exteriereure du dos, sont descriptz cinq cercles contenant quatre interualles, ou espaces, diuisés (comme dict est) en quatre parties egales par les deux lignes diametrales; commençant à la ligne de l'horizon, tirant à la ligne du milieu du ciel. Au plus hault interuale sont mis les nombres des degrés des hauteurs, ou eleuations du Soleil & estoilles sur l'horizon, en comptant iceulx de cinq en cinq, commençant à l'horizon, tendant à la ligne du milieu du ciel, iusques à 90.

L'INTERVALE suyuant, sont les degrés singuliers, comptés d'un à un, & marqués l'un de blanc, & l'autre de noir, qui sont rapportés aux nombres susdicts marqués en chiffre de 5. en 5.

A V tiers interuale sont contenus les nombres de degrés des douze signes, comptés de 10. en 10. iusques à 30. qui est un signe.

A V quatriesme interuale sont les noms & caracteres des douze signes du zodiac, selon leur ordre.

Notable. LES trois premiers interuales & cercles d'iceulx nous representent le cercle des signes du zodiaque, parquoy seront appellés les cercles des signes.

Cercles concentriques. EN oultre, iceulx cercles en tous Astrolabes sont cercles concentriques, c'est à dire, qu'ilz ont pour leur centre le centre de l'Astrolabe. Et cecy est dict à la difference des cercles suyans, lesquels à nostre Astrolabe sont excentriques, car leur centre est autre que celui de l'Astrolabe. Et d'iceulx cercles, au premier interuale, sont les 365. iours de l'an, marqués par degrés l'un blanc, & l'autre noir.

Cercles excentriques.

LE second interuale contient le nombre desdicts iours marqués en chiffre de 10. en 10. iusques à 30. 31. ou 28.

AV tiers interuale sont les douze Moys de l'an, séparés par douze petites lignes, chascune couppant les trois interuales en douze parties inegales, & selon le nombre des iours des moys : car les aucuns ont 30. iours, les autres 31. & l'autre, qui est le moys de Feurier, 28.

Notable. Ces trois cercles ainsi dediés aux iours, nombres, & moys de l'an, sont icy mis à fin que par iceulx (qui sont faciles & notoires) eussions la congnoissance soubz quelz signes & degrés se meult le Soleil : ce que facilement pouuons congnoistre, veu que l'espace des noms des moys, nombres, & iours d'iceulx, se rapportent au cercle dessus : auquel sont les noms, & caracteres des douze signes.

DANS les Cercles concentriques et excentriques, & sur

sur la ligne diametrale de l'horizon vniuersel, sont treize lignes obliques en maniere d'arcs se ioignans toutes au centre avec ledict horizon, lesquelles monstrent les heures egales & inegales, seruans generalement à toutes eleuations de pole.

Arcs pour les heures egales & inegales.

O V L T R E dans lesdictes lignes, ou arcs sont trois petits cercles. Au premier, sont les lettres dominicales. Le second monstre le ciecle du Soleil: Le troisieme le nombre d'or. Et conuient commencer à compter iceulx nombres à une petite croix, l'an que l'Astrolabe aura esté fait, & en allant vers la main fenestre, suyuant l'ordre des annees, trouueras ce que demanderas.

Cercles pour trouuer la lettre dominicale, le ciecle du Soleil, & le nombre d'or.

A V deffoubz de la ligne diametrale de l'horizon vniuersel est un quadrant geometrique tierce partie principale dudit horizon, contenant l'eschelle Altimetre, laquelle est diuisee en deux costés, & chascun en

Eschelle Altimetre.

douze poincls, ou parties egales, seruans à

la congnoissance des dimensions geometriques, comme aux hauteurs

des montaignes, chasteaux,

ou profondeur des valees

& autres, & tou-

tes les choses pre-

dictes sont

demonstrees par la figu-

re cy deffoubz,

LA PARTIE POSTERIEVRE,
OY DOS. DE L'ASTROLABE.



SEPTENTRION.

Diuerfité d'astrolabes.

EN aucuns Astrolabes y ha des cercles par lesquelz lon voit les faces, triplicités, & termes des sept planettes, marquées de leurs caracteres. Comme Saturne, ha vne faulx ♄. Iupiter, ha vn sceptre ♃. Mars, ha vn dard. ♂ Le Soleil en rondeur & splendeur ☉. Venus, ha vn miroir ♀. Mercure, ha vn caducee ☿. La Lune ha cornes, croissant & descroissant ☾. aussi y sont les quatre ventz principaux, & leurs collateraux procedantz des quatre part

parties du monde. Semblablement les 28. mansions de la Lune. & une chascune desdictes mansions est notee par un H, un T, ou un S, qui signifie humide, temperee, seiche : & pareillement plusieurs autres choses, comme les degres Putei fortuna, Azemene, Masculin, Femenin, Lucide, Tenebreux, & Vacui, lesquelles choses auons laissees à nostre figure, pour cause de son petit espace.

APRES auoir declairé la partie posterieure de l'Astrolabe, il conuient declairer l'autre partie d'iceluy, qui est nommee la face.

Face, ou partie anterieure.

LA face est diuisee en trois parties, à scauoir le Limbe, la Mere, & le Reté, ou Aranea.

A V Limbe, ou bord, est un cercle seruant d'Equinoctial, diuisé en 360. parties adioinctes ses nombres, à cause desquelz ses parties auront deux offices. Car rapportés aux nombres inferieurs, seruiron pour degres de l'equinoctial desquelz chascun contient 60. minutes. & icelles parties rapportees aux nombres superieurs, les quinze d'icelles nous donneront une heure egale du iour naturel, contenant 24. heures. & chascque partie de ces quinze contiendra quatre minutes : par ainsi chascune de ces 24. heures aura 60. minutes.

Limbe, ou bord.

L'heure est diuisee en 60. minutes.
Mere.

LA seconde partie de la face, est dicte la mere d'iceluy, pource qu'en icelle sont contenues plusieurs tables seruans à diuers climatz, regions, ou eleuation de pole. Pour congnoistre d'iceulx la diuersité des iours, & des nuicts, des eleuations & depressions, du leuant & couchant, des

signes & estoilles, & plusieurs autres diuersités, qui ad-
uiennent en iceulx : de ceste partie, dicte la Mere, tu as
la figure icy dessoubz.



Notable d'im-
portance.

La cité de
Lyon dans le
fixiesme cli-
mat.

OR pour auoir l'intelligence de toutes les tables, te
suffira la declaration de celle qui est faicte pour le milieu
du sixiesme climat, ou eleuation du pole, qui est de 45. de-
grés, ou enuiron, dans lequel est la ville de Lyon, en la-
quelle auons composé toute ceste oeuvre: car si bien entens
la declaration d'icelle table, facilement entendras toutes
les autres, veu qu'en icelles toutes parties sont semblables,
& ne different que d'eleuation de pole.

EN ceste table sont deux lignes diametrales, respon-
dans

dans à celles du dos, couppant la dicte table, & le limbe, en quatre parties egales aux poinçts principaulx, qui sont Aries, Libra, Cancer, & Capricorne : dont chascune quartie partie contient 90. degrés. Les noms & offices diuers des parties de ces deux lignes diametrales sont semblables à celles du dos.

Lignes diametrales à necessaires poinçts principaulx.

A LA partie superieure de l'Horizon s'ensuyuent des cercles les aucuns parfaicts, & les autres imparfaicts, nommés en nom Arabique, Almicantharatx, seruans quant à la partie Orientale, pour les eleuations: & quant à la partie Occidentale, pour les depresseions du Soleil, planettes, & estoilles fixes.

Almicantharatx.

ET la cause pourquoy les aucuns sont parfaicts, & les autres imparfaicts (combien que la raison n'ayt esté declairee par les compositeurs de l'Astrolabe) est pour l'obliquité de l'horizon, couppant lesdicts Almicantharatx, car tendant vers l'Equator les coupe en parties inegales, & soubx iceluy en parties egales: tellement, que ces almicantharatx ne seront iamais parfaicts, ains tousiours entrecoupés. Et tant plus tendront soubx le pole, tant moins seront coupés: tellement, que soubx le pole seront tous parfaicts sans coupeure.

Notable.

DE ces cercles le premier, & plus grand d'iceulx, est appellé Horizon oblique, c'est à dire, terminateur de la veüe en la Sphere oblique, à cause qu'il diuise l'hemisphere superieur de l'interieur: tellement, que tout ce qui est dessus luy nous est apparent: & au contraire, tout ce

Horizon.

qui est deffoubz nous est caché. Et vrayement il est le plus grand, car depuis luy tous les autres viennent en diminuant iusques à vn poinct, qui est sur la ligne de mydi; lequel poinct est le centre du dernier almicantharat, & Zenith de la region, climat, cité, ou lieu au regard duquel la table ha esté descripte. Parquoy, non sans cause, sera dict le pole de l'Horizon.

Notable.

Et fault noter qu'en chascune table, ou Horizon, conuient entendre 90. cercles almicantharats seruans de 90. degrés d'elevation & depreſſion, comme est dict: parquoy es tables ausquelles ne ſeront que 18. almicantharats chascun almicantharat ſeruirá pour cinq degrés: car iceulx ſont faiçts & traſſés ſelon la capacité de l'inſtrument, les aucuns de cinq en cinq, les autres de trois en trois, de deux en deux, & d'un à un: & en conuient eſtimer trois entre les deux qui ſont tracés de cinq en cinq.

D'AVANTAGE ſur l'horizon de ladicte table ſont des cercles tous imparſaiçtz, nommés par les Arabes,

Azimuths.

Azimuths: & par les Latins, Verticaux: à cauſe qu'ilz paſſent tous par le poinct vertical, ou Zenith, diuiſant l'horizon, & tous les Almicantharatz en 360. parties, & par les deux lignes diametrales avec l'horizon, & l'equinoctial, diuiſés en quatre parties, chascune de 90. leſquelles ſont diſtinguees l'une de l'autre par deux Azimuths principaulx, à ſçauoir l'Azimuth, ou ligne meridionale, & ſeptentrionale, & de l'Azimuth equinoctial, qui

Azimuths
principaulx.

qui passe du vray Orient par le Zenith, au vray Occidēt. Ces arcs en aucuns Astrolabes sont traſſés de cinq en cinq, aux autres de dix en dix, & au nostre de quinze en quinze, estimant toutesfois treize d'iceulx entre les deux, & huit entre les deux qui seront comptés par dix: car s'ilz estoient d'un à un seroyent en nombre de 360. parquoy à nostre figure n'en seront trouués que 24. pour cause qu'ilz sont comptés de quinze en quinze, comme dict est, & à celles qui seront comptées de dix en dix seront 36. Par iceulx on ſçait en quelle partie du monde le Soleil & estoilles leuent & couchent, & à toute heure en quelles parties se trouuent.

OVLTRE en ladicte table s'ensuyuent trois cercles concentriques equidistants, ou paralleles, fondés sur le centre de la mere, diuisés par l'horizon en deux parties, l'une dessus, & l'autre dessous. Le moindre d'iceulx, & plus prochain du centre est nommé le cercle de Cancer, ou tropique estiuā, à cause que quand le Soleil par son mouuement paruiet à iceluy, il cause l'Esté à ceulx qui habitent aux parties septentrionales, & l'Hyuer à ceulx qui habitent aux parties meridionales: à raison de ce, quand le Soleil sera au signe de Cancer, aux vns causera l'Orient, aux autres l'Occident Estiuā.

LE second cercle un peu plus grand que cestuy, est appellé equinoctial, pource que quand le Soleil paruiet à iceluy, ſaict equinocce, c'est à dire, egalité des iours & des nuicts, luy estant au commencement d'Aries & de Libra,

Tropique de
Cancer avec
son Orient, et
Occident.

Equinocce
avec ses deux
poincts.

Libra, ausquelz signes causera le vray Orient & Occident.

Tropique de
Capricorne a-
uec son Oriēt
& Occident.

LE tiers cercle plus grand de tous, est nommé le cercle de Capricorne, à cause que quand le Soleil paruiet à iceluy, il cause l'hyuer aux habitans des parties Septentrionales, & l'esté à ceulx qui habitent aux parties Australes, pour raison que le Soleil estant au signe de Capricorne aux vns apporte l'Orient hyuernal, aux autres l'Occident hyuernal. Ces cercles de Capricorne & de Cancer, sont nommés par les Grecs, Tropiques, qui vault autant à dire, comme conuersion en Latin, veu que le Soleil paruenue à iceulx ne va plus oultre, ains s'en retourne.

Arcs des heu-
res inegales.

S O V B Z l'horizon oblique, sont descripts dix arcs, commençans au cercle de Cancer, passans par l'equinoctial, & finissans au cercle de Capricorne: lesquelz avec l'horizon oblique, & la partie de la ligne de Mymict, qui est entre le cercle de Cancer, & de Capricorne, sont douze espaces, seruans pour les douze heures inegales, attribuees aux planettes, & ces espaces (en nostre figure) sont nombrés, & notés en chiffre soubz le cercle de Capricorne, prenant leur commencement à l'horizon oblique, de la partie Occidentale, & finissant à la partie Orientale d'iceluy: tellement que le nombre de la partie dextre seruira de iour aux heures deuant Mydi, & celui de la fenestre aux heures apres mydi. De nuiet le nombre de la partie dextre seruira pour les heures de-

uant

nant Mynniēt, & celuy de la partie senestre pour les heures apres mynniēt.

D'AVANTAGE il y ha vn arc passant par les arcs des heures inegales, finissant à l'horizon droict, ne touchant toutesfois aucun des Horizons. Iceluy arc, ou ligne oblique est nommee ligne crepusculine, à cause que quand le Soleil paruiet en icelle, à son leuer faiēt le poinēt du iour, vulgairement appelle l'aulbe du iour, & à son coucher le poinēt, ou commencement de la nuit. Le crepuscule du matin dure depuis le poinēt du iour iusques à Soleil leuant, & celuy du soir depuis le Soleil couchant iusques à la nuit close.

Ligne crepusculine.

IL y ha aussi quatre arcs procedans d'une partie du cercle de Capricorne, entrecoupans l'horizon oblique & la ligne du milieu du ciel, finissans à la partie opposite dudit cercle de Capricorne. Ces arcs avecques l'horizon & la ligne du milieu du Ciel, font les douze maisons celestes: icelles sont escriptes & notees par leurs nombres sur la circonference du cercle de Capricorne: & d'icelles maisons les six sont perpetuellement sur l'horizon, & les autres six dessous: l'usage & propriété desquelles te sera declaré par le 25. & 28. chapit.

Arcs des maisons celestes.

DES cercles, arcs, & lignes de la table de la region, ou mere de l'Astrolabe, te mettons icy la fin, & la figure suivante, pour l'intelligence de ce qui est dict au dessus.

LA PARTIE INTERIEURE,
OU, FACE, DE L'ASTROLABE.



SEPTENTRION.

Filé du zo-
diacque.

LA tierce partie de la face est un cercle, ou roue mou-
nante, approchant à la forme d'un Filé, à ceste cause est
appellé Rete, Voluellum, ou Aranea: pource qu'à la ma-
nuelle version il demonstre le mouvement circulaire de
la Sphere celeste, & congnoissance des heures egales &
inegales, & autres choses. Par cestuy nous sera entendue
la huitiesme Sphere, à cause qu'il y ha des estoilles fixes
notees par petites poinctes, à l'extremité desquelles con-
vient

aient entendre l'estoille : pres de laquelle est escript le nom, la grandeur, & nature d'icelle, laquelle est referee aux planettes, ainsi que les caracteres demonstrent. Et aussi par celuy nous sera representé le cercle oblique & excentrique, nommé zodiaque, partie de la huitiesme Sphere, soubz lequel les deux luminaires, & cinq planettes font leur reuolution, & continuel mouuement, soubz les douze signes d'iceluy par nombres & poincts aux cercles dessus manifestés, tellement que les quatre poincts principaulx à sçauoir le premier de Cancer, d'Aries, de Libra, & de Capricorne par la circongiration, ou tournoyement, de ce Voluellum, nous descriuent sur nostre table, les trois cercles concentriques, desia predicts, à sçauoir, le cercle de Cancer, Equinoctial, & Capricorne, desquelz auons parlé en la Sphere soubz le nom des tropiques.

Quatre poincts
principaulx.

O VLTRE, le zodiaque ha deux parties, chascune contenant six signes. L'une est nommee Septentrionale, pource que de l'equator tend vers Septentrion: & les signes d'icelle, qui sont Aries, Taurus, Gemini, Cancer, Leo, Virgo, & autres estoilles contenues dans le cercle equinoctial, sont Septentrionaux. L'autre partie est Meridionale, à cause qu'elle tend vers Mydi: & les signes d'icelle, qui sont Libra, Scorpius, Sagittarius, Capricornus, Aquarius, Pisces: & autres estoilles contenues hors le cercle equinoctial seront meridionales.

Diuision du
zodiac.

ET fault noter qu'en ce cercle zodiaque est la ligne

Eclip


Ecliptique. ecliptique, ou voye du Soleil descripte à la circonference, de laquelle plus ne t'en diray, ains te renuoye à ce qu'a esté dict en la Sphere. Et pour plus facile intelligence de ce que dessus, t'ay mis icy la figure du Rete, ou Aranea.

ARANE A.



EN l'Astrolabe d'auantage sont des parties moins principales, vne en la partie posterieure, nommee par les Latins, *Mediclinium*: par les Grecs, *Dioptra*: & par les Arabes, *Alidada*: qui est vne reigle à laquelle sont deux tablettes, ou pinules, perrees, chascune de deux pertuis, l'un grand, & l'autre petit: laquelle sert pour prendre les hauteurs du Soleil, des estoilles, & autres observations: & la ligne d'icelle qui passe par le Centre, est nommee

mee droicte ligne, ou ligne de foy, pource qu'elle faict foy, & monstre au iuste les eleuations, ou deprefions, aux lieux bas, & autres choses: & de ce as la figure icy dessoubz.



L'AVTRE partie moins principale contenue à la partie interieure, ou face, est nommee Index, ou ostensor, Index. qui est vne regle, la droicte ligne de laquelle monstre le leuer & coucher tant du soleil, que des estoilles: la figure de laquelle est cy dessoubz mise.




DES autres parties moins principales l'une est le Clou, qui tient & serre au centre de l'Astrolabe toutes les parties d'iceluy. Clou.

L'AVTRE est l'armile, & aneau, par lequel on tient Anel. suspendu l'Astrolabe quand on s'en veult servir à prendre les haulteurs, longueurs, & profondités, tant de la partie celeste, que de la terrestre. Et icy finirons la declaration de l'Astrolabe principale intention de nostre

œuvre, reste à present venir à la pratique d'iceluy, apres Conclusion. t'auoir dict, que dans la mere est vne table nommee Speculum cosmographicum, Mape, ou Miroir du monde: ser-

Miroir du monde.

nant pour les parties Septentrionales, Meridionales, Orientales, & Occidentales, d'Europe, Afrique, Asie, & Amerique, de laquelle te metz icy la figure, reseruant la totale declaration à la fin de la pratique de l'Astrolabe, laquelle consiste en chapitres.





LA PRACTIQUE

DE L'ASTRO-

LABE.



Pour trouuer en quel signe & degré est le Soleil
chascun iour, & son degré opposite, qui est
nommé Nadair.

CHAP. I.



PORCE que la congnoissance du
lieu du Soleil (qui est, sçauoir soubz
quel signe & degré, il est chascun
iour) nous demonstre plusieurs utili-
tés de l'Astrolabe, comme l'ignorance
d'iceluy les nous leue, à cause de ce

te declareray tout premierement l'intelligence du vray
lieu d'iceluy. Tu aduiseras au dos de ton Astrolabe les
cercles des moys, & sur tel iour que voudras, ou que se-
ras, mettras la ligne fiduciale de ton Alhidade, laquelle
incontinent te monstrera à son attouchement, au cercle
des signes, le vray lieu du Soleil, au Mydi de ce iour avec
son Nadair, qui est le degré opposite. Les signes & de-
grés d'iceulx, tant du Soleil, que de son nadair, te seront
manifestés par les intervalles des lignes plus prochaines.

Après auoir trouué le lieu du Soleil, au dos de l'Astro-

c 2 labce

labe, noteras iceluy à l'Aranea, ou à l'ecliptique du zodiac, & pareillement son degré opposite : & d'iceulx degrés opposites conuient auoir memoire, car ilz sont tres necessaires, pour les chapitres suyans.

Exemple.

Exemple, ce iourd'huy dixiesme de Feurier, ie veulx sçauoir soubz quel signe du zodiac est le Soleil. I'ay mis la droicte ligne de mon Alhidade, sur le dixiesme iour du moys de Feurier, laquelle m'a monstré au cercle des signes, que le Soleil estoit ce iour au second degré du signe de Pisces enuiron mydi, & son degré opposite, qui est le second du signe de Virgo. Lesquelz i'ay notés à l'ecliptique du zodiac de mon Aranea, pour m'en seruir en temps, & en lieu.

Notable.

Mais il fault diligemment noter, que si en l'annee, que tu voudras sçauoir ces choses, est bissextre, laquelle est ainsi appelée, pource que chascun an, contenant trois cens soixante cinq iours naturelz, & enuiron vn quart, qui sont six heures egales, desquelles de quatre en quatre ans on faiet vn iour, qui est le sixiesme iour deuant les calendes de Mars, iour saint Mathias, icelle annee sera de 366.iours, appelée bissextile, à cause dudiect iour, célébré deux fois, lequel sera donné au moys de Feurier : comme le moins chargé de tous les moys, le faisant valloir 29. iours, iacoit qu'il ne soit marqué, que pour 28. Parquoy donc pour trouuer le vray degré du Soleil, ladicte annee bissextile, copuendra mettre la droicte ligne de l'Alhidade sur le premier iour de Mars, pour le 29. de Feurier,

&

Et sur le second iour du moys de Mars, pour le premier d'iceluy, Et ainsi suyuant iusques à la fin de l'an.

Le moyen pour trouuer ladicte année bissextile, Lettre Dominicale, Cicle du Soleil, Et le nombre d'Or, te est monstré par les trois petis cercles, qui sont dans les arcs des heures egales Et inegales, au dos de l'Astrolabe.

Pour trouuer le vray Mydi par le Soleil.

CHAP. II.



LE conuient tenir l'Astrolabe par l'anneau, mettant le poulce dans iceluy, ou le doigt Index, Et le laisse pendre liberalement à plomb, le tournant contre le Soleil, iusques à ce que l'un des pinules soit droictement contre iceluy, puis le haulte, ou baisse, iusques à ce que tu voyes, que les rayes du Soleil, qui entreront par les pertuis d'iceluy, sortir par les pertuis de son opposite. Là pourras tenir ton Astrolabe pendu, un bien petit de temps pour sçauoir si le Soleil monte, ou descend, ou bien par interuales y regarder. Et tant que tu seras contrainct d'esleuer le pinule, qui est contre le Soleil, pour faire sortir les rayons du Soleil, qui entrent par les trouz d'iceluy, aux trouz de son opposite. Le Soleil montera, Et ne sera sur la ligne, ou ton cercle meridional. Mais quand tu verras qu'il sera sur le point du descendre, là noteras ton mydi: Car si tu tiens là ton Astrolabe, quelque espace de temps, tu seras contrainct à deprimer, ou baisser le pinule prochain, ou

qui est contre le Soleil, si tu veulx que les rayons, qui entrent par les pertuis d'iceluy, sortent par les trous de son opposite: car toutesfois & quantes, que le Soleil est sur le cercle meridional, il cause mydi. En la propre forme, que tu as fait du Soleil, te conuiendra faire des estoilles fixes, & erratiques: car lors que le Soleil & les Estoilles ne monteront plus, ains seront sur le point de descendre, ilz seront sur ta ligne, ou cercle meridional. Et note qu'en prenant l'elevation des estoilles, tu seras contrainct de presenter l'Astrolabe contre ton oeil, pour regarder une estoille à trauers les deux pinules, par les grands trous d'iceulx, si tu veulx veoir icelle en plus grande facilité: car les petis te seront mal aisés, bien qu'ilz soyent plus iustes. Le semblable te conuiendra faire du Soleil en temps nubileux, ou couuert, à cause qu'il ne fera ombre assez apparente, parquoy seras contrainct à regarder son corps (comme celuy d'une estoille) si tu le peulx choisir entre les nuees.

Pour trouuer
le vray mydi
de son habi-
tation.


ET pource que plusieurs sont curieux d'auoir le vray Mydi de leur habitation, lequel est facile à trouuer mettant une pierre, ou autre corps poly, en lieu plat posée à niveau, & en iceluy faire un rond à tout un compas, au centre duquel mettras un fil de fer assez delié, bien droict & posé droitement, c'est à dire, que la sommité d'iceluy responde perpendiculairement au centre: & iceluy fil ne sera si grand que la moytié du diametre du rond de l'espaisseur d'un dos de couteau, ou environ, comme le tout tu pourras

pourras veoir par la figure sequente, laquelle te pourra servir d'exemple.

AYANT donc disposé ta pierre, comme dict est, quand le Soleil leuera, l'ombre du fil sera grande, & excedera la circonference du cercle, & comme le Soleil montera l'ombre d'iceluy apertissera: & lors que tu verras icelle ombre toucher à la circonference du cercle, là te conuiendra marquer icelle à tout la poincte d'un couteau, ou autre chose, comme pourras veoir par la note A. Celle ombre viendra tousiours en diminuant iusques à ce que le Soleil aura passé le cercle meridional: car apres tu verras l'ombre de ton fer recroistre, en la mesme façon qu'elle ha descreu. Et quand tu verras que icelle ombre croissante touchera la circonference du rond, tu la marqueras cōme la premiere, cōme pourras veoir par la note B. Apres tireras une ligne droicte, d'une marque à l'autre, qui est A, B, & le milieu d'icelle ligne sera le vray mydi: duquel pourras tirer une ligne droicte passant par le centre, les extremités de laquelle toucheront la circonference du cercle: icelle ligne sera diametrale. Et si tu veulx auoir le droict orient, & occident, le pourras auoir en prenant depuis la ligne de mydi la quarte partie du cercle, à tout un compas, & depuis icelles deux quartes tireras une ligne droicte, laquelle aussi sera diametrale, car elle passera au centre. Aux extremités de ces deux lignes diametrales, tu pourras mettre les quatre vents principaulx procedants des quatre parties du monde.

Soleil montant, l'ombre diminue.

de. Tu y pourras mettre aussi leurs collateraulx, & plusieurs autres choses.



Pour colloquer la haulteur du Soleil, ou d'une estoille fixe sur les Almicanthartz.

CHAP. III.



Pour cōnoistre pour quelle eleuation, seruent les tables.

PREN S garde en premier lieu, que ton Astrolabe soit bien iustement marqué: aduise à la table de ton eleuation, & icelle metx sur les autres: & regarde que les deux lignes diametrales, qui diuisent icelle en quatre parties egales, respondent iustement à celles du bori. Or pour sçauoir congnoistre pour quelle eleuation seruent les tables,

bles, tu compteras les *Almicantharatz*, qui sont depuis le cercle equinoctial iusques au *zenith* (au long de la ligne de *mydi*) & tant d'*almicantharatz* que tu trouueras depuis iceluy cercle equinoctial iusques au *zenith*, autant en trouueras depuis le pole iusques au cercle de l'*Horizon*: car l'elevation du pole sur l'*Horizon*, & la distance du *zenith* à l'*equinoctial*, est egale, cōme dict est. Cela faict, tiendras ton *Astrolabe* à la main, la laissant pendre librement, regardant vers le dos d'icelle les deux tablettes perseees, esleuant, ou deprimant l'*Alhidade*, iusques à ce que tu voyes le Soleil, ou estoille, à trauers les pertuis d'icelles deux tablettes, c'est à dire, que par les pertuis de la tablette, qui sera prochaine de ton oeil, tu voyes le Soleil, ou estoille, à trauers la tablette opposite plus prochaine du Soleil, ou estoille, & le degré de la quarte du cercle des haulteurs sur lequel sera la ligne fiduciale de ton *Alhidade* noteras: car tel nombre de degrés, qui seront depuis iceluy iusques à la ligne diametrale de l'*Horizon* vniuersel, tant de degrés sera le Soleil, ou estoille, esleué sur ton *Horizon*. Ce faict, regarderas en la partie anterieure l'estoille notee à ton *Aranea*, de laquelle auras prins son elevation, ou le degré du Soleil, lequel auras ia noté à l'*ecliptique* (comme par le premier chapitre t'est declairé) icelle estoille, ou degré du Soleil, mettras sur tant d'*almicantharatz*, que tu as trouué de degrés, son elevation: car les *almicantharatz* nous seruent de degrés, comme par la declaration d'iceulx ha esté dict.

Elevation de pole, & distance du *zenith*, à l'*equinoctial* sont egales.

Exemple. *Exemple. Presuppose, que tu ayes trouué le Soleil, ou vne estoille, esleué en la partie Orientale de trente de- grés, tu mettras sur le trentiesme almicantharat, de la partie Orientale, le degré de l'ecliptique soubz lequel est le Soleil iceluy iour, ou la poincte qui sera notee pour ton estoille. En prenant l'elevation tant du Soleil, que d'une estoille, donne toy garde de aduiser en quelle partie ilz seront, pour en semblable les constituer sur les almicantharatx, car tu errerois si tu estimois & iugeois à la partie Orientale, & qu'elle fust à l'Occidentale : mais le moyen pour le congnoistre est tel : Apres auoir prins son altitude, ou elevation par l'Alhidade, dans peu de temps retourneras regarder le Soleil, ou estoille, & si tu trouues qu'elle soit d'auantage esleuee, que la premiere fois, la iu- geras à la partie orientale: & au contraire, si elle est de- primee. Car depuis que le Soleil, ou vne estoille, ha passé ton cercle meridional, ilz commencent à descendre: & la conuient iuger à la partie occidentale. Tu pourras donc aiseement congnoistre, quand ilz seront sur ta ligne de mydi, ou cercle meridional : car elles estans aux parties orientales, ou occidentales, te contraindront à tourner la face vers icelles, si tu les veulx veoir & speculer par les pinules de ton Astrolabe.*

**Aduertisse-
ment.**

**Moyen pour
congnoistre,
en quellespar-
ties est le So-
leil, & les E-
stoilles.**

Pour trouuer l'elevation du Soleil à Mydi, c'est à dire, combien de degrés il est esleué sur ton cercle meridional chascun iour : & par icel- le elevation, sçauoir & trouuer le iour in-

cong

cōgneu.

CHAP. IIII.



ADVISANT (comme par le second chapitre ha esté dict) par le dos de ton Astrolabe iustement le monter du Soleil, iusques à ce qu'il vouldra commencer à descendre, & le degré de la quarte du cercle des haulteurs sur lequel sera la ligne fiduciale de l'alhidade, noteras: car tel nombre de degrés, qui seront depuis icelle note iusques à la ligne diametrale de l'Horizon, seront le nombre des degrés, que le Soleil aura esté esleué iceluy iour sur ton cercle meridional: cōme si aujour d'huy, que le Soleil ha esté esleué de soixante degrés, & quelque peu moins, on pourra dire, que le Soleil ha esté esleué (à mydi) dans Lyon, environ 60. degrés. Vn tel, ou semblable exemple te pourra seruir à congnoistre le iour à toy incongneu: car presuppōse que tu eusses demouré en quelque lieu, duquel tu sçais bien la latitude, ou eleuation du pole (comme dans Lyon) & quand tu aurois oublié icelle, le moyen pour la trouuer te sera declairé par le dixneuf, & vingtiesme chapitres. Et là estant, toy ou autre, aurois esté priué de clairté, distraict des gens, sans toutesfois que personne parlast à toy, soit pour ton plaisir ou autrement. Or est il ainsi que tu as oublié le moys & le iour tant pour la longueur du temps, que pour autre chose, & pour trouuer iceluy tu prens ton Astrolabe, l'usage duquel as retenu en ta memoire, ou bien la veulx practiquer par le liure, icelle Astrolabe estant pendue (comme par cy deuant est dict)

Exēple pour
trouuer le
iour incon-
gneu.

dict) tu regardes iustement le monter du Soleil, lequel trouues esleué à mydi de 60. degrés, ou environ. Tu regarderas à la partie anterieure la table de ton eleuation, qui est de quarante & cinq degrés, & en icelle sur la ligne de mydi noteras le soixantiesme almicantharat, puis tourneras l'Aranea iusques à ce que auras trouué vn degré de l'ecliptique, qui touche iceluy soixantiesme almicantharat, qui sera le dixiesme degré du signe de Taurus: ce faict, regarderas au dos de ton Astrolabe, & aux cercles des signes le dixiesme degré du signe de Taurus, & sur iceluy mettras la ligne fiduciale de l'Alhidade, laquelle te monstrera aux cercles des mois, qui sont des-soubz, le vingtiesme iour du mois d'Auril, parquoy pourras dire, que iceluy iour est le vingtiesme d'Auril. Et ce certes est bien aisé à trouuer, car tout ainsi que le iour que tu sçais & congnois te monstre en quel signe & degré est le Soleil, le signe & degré du Soleil te monstrera le mois & le iour que tu ne sçauois. Or pource que en tournant ton Aranea sur la ligne de mydi pour trouuer vn degré de l'ecliptique, qui touche le soixantiesme Almicantharat, tu trouueras que le vingtiesme degré du signe de Leo touchera iceluy soixantiesme Almicantharat, comme le dixiesme de Taurus: parquoy te sembleroit chose doubteuse sur quel signe & degré tu deurois mettre ta ligne fiduciale de l'Alhidade: car si tu la metz sur le vingtiesme degré du signe de Leo, tu verras au des-soubz, du long d'icelle ligne aux cercles des mois, le troisesme

troisiesme iour du mois d'Aoust : mais ton iugement, & la raison, te pourra aiseement diriger : car tu verras bien si c'est deuant ou apres le printemps, si les iours croissent ou descroissent, si la terre vient en fertilité ou sterilité. Et toutes ces choses te pourront seruir estant, ou allant, par l'Europe, & par delà le cercle de Cancer, enuironnant la terre soubz vn ou plusieurs paralelles, pourueu que soyes tousiours aux parties septentrionales: car nauigant, ou cheminant par delà l'equinoctial, te conuient ayder des signes opposites, & d'autres estoilles, par lesquelz tu puisses scauoir l'elevation de l'autre pole, que nous appellons antartique.

Pour trouuer l'heure egale, tant de iour, que de nuit.

C H A P. V.



L conuient (par le premier chapitre) scauoir, en quel signe & degré est le Soleil, & par le troisiesme, le constituer sur les almicantharatz: puis mettre la droicte ligne de ton o-

stenfor, sur le degré du Soleil, car icelle te monstrera au bort, l'heure & les minutes. Exemple. Le Soleil estoit au

Exemple.

vingtquatriesme degré du signe des Poissons (le quatriesme iour du mois de Mars) i'ay prins son elevation deuant Mydi, laquelle ay trouuee de 30. degrés, i'ay mis le vingtquatriesme degré du signe de Pisces ia noté (en l'ecliptique de mon Aranea) sur le trentiesme almicantharat de la partie Orientale, & la reigle sur iceluy degré, laquelle

Pour ſçauoir
trouuer les
heures de la
nuict par les
eſtoilles.

Le Soleil mō
ſtre les heures

Exemple.

le m'a monſtré, au bort neuf heures, & trois degrés, qui
vallent douze minutes. Et ſi tu veulx ſçauoir de nuict
les heures, par les eſtoilles, le ſçauras aiſement, pourueu
que tu congnoiſſes icelles, & qu'elles ſoyent bien notees à
ton Aranea: mais le moyen pour les congnoiſtre te ſera
declairé par le dixſeptieſme chapitre. Tenant donc l'A-
ſtrolabe à la main, le laiſſant pendre liberalement, eſle-
uant icelluy cōtre ta face, iuſques à ce que l'un des pinules
ſoit préſenté contre ton œil, lequel auras ia dreſſé contre
l'eſtoille, de laquelle tu veulx auoir ſon eleuation, & par
laquelle tu veulx ſçauoir l'heure. ton Aſtrolabe eſleué en
ce poinct, tu regarderás par les troux d'iceluy l'eſtoille,
& tant haulſeras, ou deprimeras ton Alhidade, que l'e-
ſtoille que tu vois au Ciel, ſoit préſentée à ton œil, ou que
la ligne viſuale, qui eſt depuis l'eſtoille iuſques à ton œil,
penetre les deux pinules paſſant par les troux d'iceulx.
Ce faiet noterás au cercle des hauteurs, le degré ſur le-
quel ſera la droicte ligne de l'Alhidade, pour en ſembla-
ble almicantharat mettre la poincte de l'eſtoille, & la
regle ſur le degré du Soleil (car c'eſt le Soleil, qui donne
les heures, & non les eſtoilles) laquelle regle te monſtre-
ra au bort l'heure, & les minutes, comme pourras veoir
par exemple. Iceluy iour, quatrieſme de Mars, preſuppo-
ſe que tu congnoiſſes vne eſtoille nommée ſpica Virginis,
& que icelle tu trouues eſleuée, en la partie Orientale de
quinze degrés, tu mettras la poincte de l'eſtoille, qui ſera
notée à ton Aranea, pour ſpica Virginis, ſur le quinziè-
me

me almicantharat de la partie Orientale, & sans bouger l'estoille de son lieu, regarderas au degré du Soleil, qui est le vingtquatriesme degré du signe de Pisces, & luy mettras la droicte ligne de ton Ostenfor dessus, laquelle te monstrera au bort qu'ilz sont neuf heures, & vingt minutes apres mydi.

Pour trouuer le leuer & coucher du Soleil tous les iours, & le crepuscule d'iceulx, qui est le poinct du iour, & de la nuit. CHAP. VI.



A PRES auoir trouué par le premier chapitre soubz quel signe & degré est le Soleil, & iceluy noté à ton Aranea, tu mettras le degré de l'ecliptique (ia noté) sur le premier almicantharat, à la partie Orientale, & la regle sur iceluy degré, laquelle te monstrera au bort, l'heure & la minute de son leuer. Le semblable feras à la partie Occidentale, pour sçauoir le coucher, mettant le mesmes degré de l'ecliptique sur l'Horizon oblique de la partie Occidentale, & la regle sur iceluy degré, laquelle te monstrera l'heure. Et pour exemple, metz le quinziésme degré du signe de Pisces, qui est le degré soubz lequel est le Soleil ce iourd'huy troisiésme de Feurier, sur la ligne de l'Horizon oblique à la partie orientale, & la regle sur iceluy degré laquelle te monstrera au bort, que le Soleil ha leué, dans Lyon, à six heures & trentesix minutes, & couché à cinq heures & vingtquatre minutes. Et si

Exemple.

Pour trouuer
à quelle heu-
re & minute,
doibt estre le
crepuscule.

tu veulx sçauoir le crepuscule, ou poinct du iour d'iceluy
iour, metz iceluy quinziésme degré de Pisces sur la ligne
crepusculine du costé d'Orient à tout la regle, laquelle te
monstrera au bort les heures & les minutes: mais si en
quelque Astrolabe n'y ha point de ligne crepusculine, tu
mettras le nadair du Soleil, qui est son degré opposite, sur
le dixhuitiésme almicantharat de la partie occidentale,
& la regle, ou ostensor, sur le degré du Soleil, qui sera à
la partie orientale, laquelle te monstrera au bort l'heure,
& les minutes du poinct du iour: le semblable feras pour
la nuit. Et si en regardant vne estoille, comme seroit Cor
leonis, autrement nommée Rex, & par icelle tu veulx
sçauoir si le poinct du iour est, ou sera tost, aduise ce iour-
d'huy troisiésme de Feurier iceluy Rex, ou Cor leonis, si
tu le trouues esleué à la partie occidentale de trente de-
grés, & le metz sur le trentiésme almicantharat de la
partie occidentale, il te monstrera que le quinziésme
degré du signe de la vierge (qui est le Nadair du Soleil
pour ce iour) est enuiron le trenteseptiésme almicantha-
rat: parquoy pourras dire, qu'il n'est encores le poinct du
iour, ny sera de deux heures, ou enuiron: car il ne peut
estre le poinct du iour, ou crepuscule, que iceluy nadair ne
soit sur le dixhuitiésme almicantharat de la partie occi-
dentale. Et si tu prens bien garde à ton Astrolabe, &
qu'elle soit bonne & iuste, toutesfois & quantes que le
nadair du Soleil sera sur le dixhuitiésme almicantha-
rat tant de la partie occidentale, que orientale, le degré
du Sol

Moyen pour
sçauoir trou-
uer par les e-
stoilles le cre-
puscule.

du Soleil sera sur la ligne crepusculaire. Si tu metz lors la ligne fiduciale de ta regle sur le degré du Soleil, icelle te monstrera au bort l'heure, & les minutes du crepuscule, comme ce iourd'huy, que sera 20. minutes deuant six heures, crepuscule du matin.

Pour sçauoir combien y ha de temps, que le Soleil est leué, ou couché. CHAP. VII.



CACHANT par le precedent chapitre, le leuer & coucher du Soleil, depuis son leuer, ou coucher, iusques à l'heure qu'il te monstrera, sera le temps qu'il sera leué, ou couché.

Le semblable est du crepuscule, comme par la declaration ha esté dict. Exemple. Ce iourd'huy vingttroisiesme du mois de Feurier, le Soleil ha leué dens Lyon à six heures & vingtquatre minutes: & ilz sont à present deux heures apres mydi, tu pourras dire qu'il y ha sept heures, & trentesix minutes, que le Soleil est leué. En semblable façon conuiendra faire au coucher. Exemple.

Pour trouuer les heures inegales, nommees heures des Planettes, au iour artificiel, & semblablement à la nuit. CHAP. VIII.



YANT trouué de iour, l'heure egale, le degré opposite du Soleil te monstrera l'inegale, aux arcs qui sont dessoubz l'Horizon oblique, lesquelles prennent leur commencement

ment en Occident, venant par mynuiet en Orient. La premiere heure inegale du iour commence à Soleil leuant, (selon les Babyloniens) & prend son nom du iour nommé: & celle de la nuit à Soleil couchant. Les heures inegales du iour sont trouuees par le nadair du Soleil aux arcs qui sont soubz l'Horizon, & celles de la nuit aux mesmes arcs par le propre degré du Soleil, les prenant à l'ecliptique.

PAR ces heures inegales, lesquelles sont attribuees aux sept planettes, est requis de donner à congnoistre à toutes heures tant de iour, que de nuit, quelle planette regne: parquoy fault noter qu'il y ha deux differences de heures. L'une est commune, ou vulgaire, faicte par les heures egales, chascune contenāt la vingtquatriesme partie du iour naturel. L'autre est propre aux Physiciens referans toute congnoissance aux natures, & complexions des planettes, & sont nommees heures naturelles, ou inegales, à cause que la douziesme partie des iours & des nuits artificielz (qui le plus souuent sont inegaulx, excepté aux equinoces) sont faicts d'icelles. Et pour sçauoir en quel pouuoir & domination des planettes est vne chascune heure, t'ay icy mis vn exemple par lequel pourras clairement entendre ce que dessus.

Exemple. Ce iourd'huy quinziemesme du mois de Mars 1545. i'ay trouué, que le Soleil leuoit dens Lyon deux degrés, qui valent huit minutes, deuant six heures: ou bien à cinq heures & cinquante deux minutes. I'ay regardé à son

son nadair, qui est le cinquiesme degré du signe de Libra, & l'ay trouué à l'Horizon oblique de la partie occidentale, qui est le commencement de la premiere heure inegale. Or pource que ce iour est vn dimenche, la premiere heure inegale est au Soleil ☉, s'ensuiura donc que la seconde sera à Venus ♀, la tierce à Mercure ☿, la quatriesme à la Lune ☾, la cinquiesme à Saturne ♄, la sixiesme à Iupiter ♃, la septiesme à Mars ♂, la huitiesme au Soleil, la neufiesme à Venus, la dixiesme à Mercure, la vnziesme à la Lune, & la douziesme & derniere heure du iour sera à Saturne. La premiere heure de la nuit sera à Iupiter, la seconde à Mars, la troisieme au Soleil, la quatriesme à Venus, la cinquiesme à Mercure, la sixiesme à la Lune, la septiesme à Saturne, la huitiesme à Iupiter, la neufiesme à Mars, la dixiesme au Soleil, la vnziesme à Venus, la douziesme & derniere heure de la nuit sera à Mercure: & ainsi suyuant l'ordre des planettes lequel est:

Saturne. Iupiter. Mars. Sol. Venus. Mercure. Lune. L'ordre des planettes.

♄ ♃ ♂ ☉ ♀ ☿ ☾

Iceluy finy, conuient recommencer, suyuant l'ordre d'iceulx, & par tel moyen tu trouueras l'heure du planette tant de iour que de nuit. Et note (comme dict est) que les heures inegales, sont trouuees de nuit, par le propre degré du Soleil, de sorte que tout d'une veüe tu pourras trouuer l'heure egale & inegale. Le nombre des heures egales est trouué au bort, mettant la regle sur le degré du

d 2 Soleil,

Exemple. Pour trouuer tout d'une veue l'heure egale, & inegale. *Soleil, & celuy des inegales à l'ecliptique foubz la meſme regle, aux arcs, qui ſont ſoubz l'Horizon, diſtinguant icelles. Exemple. Ce iour meſmes au matin à dix heures egales. J'ay trouué qu'ilz eſtoient paſſés quatre heures inegales, & eſtoit le nadair du Soleil ſur le commencement de la cinquieſme, qui eſt l'heure de Saturne ♄: Et à neuf heures, & quatre minutes apres mydi, heures egales, j'ay trouué que le degré du Soleil eſtoit ſur la fin de la troiſieſme heure inegale de la nuit, qui eſtoit l'heure du Soleil ☉. Et à icelle heure vne eſtoille nommee Oculus Taurin, ou autrement Aldebaran, eſtoit à la partie Occidentale eſleuee de dixhuiſt degrés, lequel apres l'auoir logé ſur le dixhuiſtieſme Almicantharat de la partie Occidentale, & la droicte ligne de mon oſtenſor, ſur le degré du Soleil m'a monſtré au bort neuf heures, & quatre minutes: heures egales, & à l'ecliptique (ſoubz la meſme ligne) aux arcs des heures inegales, la fin de trois heures inegales, qui eſtoit l'heure du Soleil ☉: car la premiere heure inegale d'icelle nuit eſtoit à Iupiter ♃, comme dict eſt. Parquoy de nuit tu pourras par les eſtoilles auſſi aiſement ſçauoir les heures egales, & inegales, comme de iour: pource que de nuit les eſtoilles, qui ſont notees à ton Aranea, te monſtrent le degré de l'ecliptique, ſoubz lequel eſt le Soleil: & de iour iceluy degré te monſtre les eſtoilles, & en quelle partie elles ſont.*

L'heure egale
& inegale, trou-
uee par les e-
ſtoilles.

Pour reduire les heures egales en heures inegales.

CHAP. IX.

Soit



SOIT aux grands, ou aux petis iours, il con-
 uient diuiser les heures du iour en douze
 parties, & celles de la nuit aussi : comme
 si le iour auoit huiet heures & cinquante
 six minutes egales, qui est le quatriesme iour du mois de
 Ianuier : car à iceluy iour (dens Lyon) le Soleil leue à sept
 heures trentedeux minutes, & couche à quatre heures
 vingthuit minutes : parquoy demeure huiet heures, &
 cinquantesix minutes, sur l'Horizon de Lyon : lesquelles
 huiet heures, & cinquantesix minutes, vallent cent &
 trentequatre degrés de l'equinoctial : car, comme est dict
 par la declaration, chascue heure ha quinze degrés d'i-
 celuy equinoctial : & quinze degrés de l'equinoctial
 mettent un temps à monter ou à descendre sur chascue
 Horizon, lequel temps est appellé heure egale. Si donc en
 vne heure montent quinze degrés de l'equinoctial, qui est
 la vingtquatriesme partie du cercle, en huiet heures mō-
 tera la tierce partie dudict, qui sont 120. degrés. Or pour-
 ce que iceluy iour avec les huiet heures de temps nous
 auons cinquantesix minutes, lesquelles cinquantesix mi-
 nutes vallent quatorze degrés, pource que chascue de-
 gré vault quatre minutes, iceulx quatorze degrés con-
 uient adiouster avec les cent & vingt degrés, & seront
 centtrentequatre, lesquels 134. degrés conuient diuiser
 par douze, qui sont les douze heures inegales du iour :
 iceulx diuisés trouueras, que chascue heure inegale de ce
 iour n'aura que vnze degrés, & quarante secondes, que
 d 3 font

L'heure n'est
 autre chose,
 que le temps,
 q met à mon-
 ter ou descen-
 dre la 24. par-
 tie du cercle
 equinoctial
 sur chascue
 Horizon.

font la seiziesme partie d'un degré : parquoy sera une chascune d'icelles heures plus petite de trois degrés cinquante neuf minutes, & vingt secondes, que l'heure egale. Celles de la nuit seront d'autant plus grandes, car chascque heure inegale d'icelle nuit aura dixhuit degrés trois minutes, & vingt secondes, & ce certes est facile à trouuer : car sachant, & entendant les regles de Arismetique trouueras les choses en la propre forme qui t'est declairee.

Pour scauoir & trouuer tout d'une veue, les heures egales & inegales par le dos de ton Astrolabe.

CHAP. X.



IL te conuient, par le quatriesme chapitre scauoir l'elevation du soleil à mydi. Et à la mesme altitude, que la ligne fiduciale de ton Alhidade sera à mydi, la lairras, pour à icelle faire une note, ou marque : car sans esleuer, ou deprimer icelle Alhidade, tu aduiseras au long de ta ligne fiduciale le lieu qu'elle touchera, la sixiesme ligne oblique, notee pour la sixiesme heure inegale du cadran des douze heures inegales, qui est aussi notee pour la douziemesme heure egale : & au lieu de l'interfection, qui se fait par la ligne fiduciale de ton Alhidade, sur icelle ligne mettras un peu de cire, ou autre chose. Et toutesfois & quantes qu'il te plaira de scauoir l'heure, prendras la hauteur du Soleil, & la marque que tu auras fait à l'Alhidade, te monstre

monstrera l'heure egale & inegale, pource que icelle
 marque sera sur, ou au milieu des arcs desdictes heures.
 Mais il te conuiendra changer ta marque selon que le So-
 leil montera, ou descendra tous les iours. Exemple. Ce iour d'huy
 deuxiesme de Mars le Soleil ha esté esleué sur le meridien de
 Lyon quarante & deux degres, ou enuiron, apres auoir noté à
 mon Alhidade sur la ligne fiduciale au droict du sixiesme cer-
 cle oblique des heures tant egales que inegales. I'ay aduisé à l'esleuation du Soleil au ma-
 tin, lequel ay trouué esleué de dixhuiet degres: la note que
 i'auoye faicte m'ha monstré qu'il estoit bien pres de
 huit heures egales, & vne heure & trois quars inegales,
 qui estoit l'heure de Saturne H , pource que iceluy se-
 cond iour de Mars estoit vn Lundy. Et si apres Mydi le
 Soleil est à semblable eleuation, seroit quatre heures egales,
 & dix & vn quart inegales, qui seroit l'heure de Mars, M .
 Ladicte marque se peult noter sans prendre l'eleuation
 du Soleil à Mydi: car scachant par le premier chapitre en
 quel signe & degré est le Soleil, semblable signe & degré de
 ton ecliptique te conuiendra mettre sur la ligne de Mydi à
 la table de ton eleuation, & regarder sur quel Almicantharat
 touchera iceluy degré de l'ecliptique pour sur semblable
 degré du cercle des haulteurs mettre la ligne fiduciale de
 l'Alhidade, & apres mettre ta marque droict de la sixiesme
 heure inegale. Par tel moyen pourras scauoir tous les iours
 par ton Aranea, le nombre des degres que le Soleil aura
 d 4 monté

Exemple.

Heures egales
 & inegales,
 trouuees par
 la note de la
 Alhidade.

monté à mydi, sans veoir iceluy, & combien il approche ou eslongne de ton Zenith, & à quelle heure il leue ou couche, & semblablement le poinct du iour, & plusieurs autres choses.

Pour sçauoir combien de temps vne estoille demeure dessus, ou dessoubz l'Horizon, & à quelle heure elle leue, ou couche.

CHAP.

XI.



REGARDANT à ton Aranea l'estoille de laquelle tu veulx sçauoir le tēps qu'elle demeure sur ton Horizon, & pareillement l'heure de son leuer, icelle te conuient mettre sur la ligne de l'Horizon oblique, à la partie orientale, & la droicte ligne de ton Ostenfor sur icelle estoille, laquelle te monstrera au bort le degré & l'heure, laquelle noteras en ta memoire, ou autrement: puis tourneras l'Aranea vers la partie occidentale, mettant la poincte de ladicte estoille (à tout l'Ostenfor) sur la ligne de l'Horizon oblique: & la partie de la circonference, qui sera depuis la ligne droicte de l'Ostenfor iusques à la premiere note, sera le temps qu'elle demeure sur l'Horizon, la reste est le temps qu'elle demeure dessoubz,

Exemple. comme pourras veoir par exemple. Tu as à ton Aranea vne estoille nommee Cor Leonis, si tu metz icelle sur la ligne de ton Horizon à la partie oriētale à tout la regle, la droicte ligne de laquelle reposera sur cinq heures quatre

tre minutes, qui est un degré apres cinq heures, & fais tourner l'Aranea sur ton hemisphere à tout la regle, la droicte ligne de laquelle soit tousiours sur la poincte de ton estoille, & metz la poincte de ton estoille sur la ligne de ton Horizon à la partie occidentale: ladicte ligne de ta regle, laquelle reposera sur sept heures, te monstrera que la partie du bort, qui est depuis la premiere note iusques à icelle, est de quatorze heures moins quatre minutes. Icelles quatorze heures, moins quatre minutes, est le temps que mettent à monter 209. degrés de l'equinoctial. Si l'arc du cercle equinoctial, qui est sur l'Horizon depuis le monter & descendre de Rex, est de 209. degrés, celuy qui sera dessous ne sera que de 151. qui valent dix heures, & quatre minutes. Tu pourras donc dire, que Rex demeure sur l'Horizon de Lyon treize heures & cinquantesix minutes, & dix heures & quatre minutes dessous. Autant en pourras faire des autres. Mais si tu veulx sçauoir à quelle heure icelle estoille, ou autres, leuent & couchent, il te conuient regarder au degré du Soleil l'estoille estant sur la ligne de l'Horizon oblique, & mettre la droicte ligne de ta regle sur iceluy degré, laquelle te monstrera au bort l'heure, & les minutes, car c'est au Soleil que nous auons recours, comme au plus noble de tous les corps celestes. Exemple. Ce iour d'huy 21. de Mars Cor Leonis estoit à la partie orientale, sur la ligne de l'Horizon de Lyon, à deux heures & neuf minutes apres mydi, & à quatre heures & cinq minutes

d s apres

L'estoille nommee Rex demeure quatorze heures, moins quatre minutes, sur l'Horizon de Lyon.

Pour sçauoir à quelle heure leuent, ou couchent, toutes estoilles.

Recours deu au soleil.

Exemple,

Diuerſité de
heures du le-
uer & cou-
cher des eſtoil-
les, & ce ſelon
le téps, ou ſi-
gne, ſoubz le-
quel eſt le So-
leil.

Exemple.

apres mynuict à la partie occidentale, à la ligne d'iceluy
Horizon : parquoy pourras dire, que Rex ha leué iceluy
iour à deux heures & neuf minutes apres mydi, & cou-
ché à quatre heures & cinq minutes apres mynuict. Et
pource que le Soleil ne demeure touſiours ſoubz vn meſ-
me ſigne, ny degré, conuient changer de note : car iceluy
Rex ne leuera en tout temps à la meſme heure, comme le
treizieme iour du mois de Iuing, que le Soleil eſt au pre-
mier degré du ſigne de Cancer, ſi tu metz Rex ſur la li-
gne oblique de ton Horizon, à la partie orientale, & la
droicte ligne de ta regle ſur le premier poinct de Can-
cer, icelle te monſtrera au bort, que Rex leuera à huit
heures & quarantecinq minutes, ou trois heures &
quinze minutes deuant mydi. Autant en pourras faire de
toutes les autres eſtoilles, qui ſeront notees à ton Aranea.

Pour trouuer la longitude, la latitude, & la de-
clination des eſtoilles fixes : enſemble com-
bien les degrés de l'ecliptique declinent du
cercle equinoctial.

CHAP. XII.

Longitude.

Latitude.

Declination.



LV dois entendre, que la longitude des
eſtoilles eſt la diſtance qui eſt depuis le
commencement du ſigne de Aries iuſques
au vray lieu d'icelles. La latitude eſt la
deniacion & diſtance d'icelles eſtoilles, du zodiac ou
ecliptique, vers la partie australe, ou ſeptentrionale. Et la
declination tant des eſtoilles, que des degrés de l'eclipti-
que

que n'est autre chose, que la distance qu'ilz ont du cercle equinoctial. Pour trouuer donc la declination du Soleil, ou d'une estoille, il te fault mettre le degré de l'ecliptique, ou la sommité de l'estoille telle que voudras (pourueu que elle soit bien notee à ton Aranea) sur la ligne de mydi, puis regarder le nombre des almicantharats, qui seront depuis le cercle equinoctial iusques à l'estoille, les comptant du long d'icelle ligne de mydi: & tel nombre de Almicantharats sera le nombre des degrés de la declination, autant en feras d'un degré de l'ecliptique.

POUR sçauoir la latitude d'une estoille metz la pointe de ladicte sur la ligne de mydi, & compte les Almicantharats (au long d'icelle) qui seront depuis ton estoille iusques au degré de l'ecliptique, qui sera sur la mesme ligne de mydi, & tel nombre d'Almicantharats seront les degrés de sa latitude, ou deuiation. Et si de toutes ces choses tu veulx exemple, regarde une estoille, qui Exemple. est notee en ton Aranea pour *Oculus Tauri*, ou autrement *Aldebaran*, & si d'iceluy tu veulx sçauoir la longitude, latitude, & declination, metz la sommité de ladicte estoille sur la ligne de mydi, & au long d'icelle regarde le degré de l'ecliptique, tu trouueras, que le troisieme degré du signe de *Gemini* sera sur icelle ligne, ou bien le second & trois quars: parquoy pourras dire, que *Oculus Tauri* est au second degré, & quarantecinq minutes, du signe de *Gemini*, qui est soixantedeux degrés & quarantecinq minutes, loing du premier point de *Aries*,
qui


qui est appellé ascension droicte. Sans bouger l'estoille, de la ligne de Mydi, compte au long d'icelle, les almicantharatz, qui sont depuis l'ecliptique, iusques à la poincte de l'estoille: & y en trouueras cinq, & quelque peu d'auantage, qui pourroyent estre enuiron dix minutes. A ceste cause pourras donc dire, que Oculus Tauri, ha de latitude cinq degrés, & dix minutes. Icelle latitude est Meridionale, pource que l'estoille desuie de l'ecliptique vers la partie Meridionale. La declination se trouue sans bouger la dicte estoille de la ligne de Mydi, si on compte les almicantharatz au long d'icelle ligne depuis le cercle equinoctial iusques à la sommité de l'estoille, & y en trouueras seize, ou enuiron: parquoy pourras dire, que Oculus Tauri ha quinze degrés, & cinquante cinq minutes de declination. Et pource que iceluy oculus Tauri est dens le cercle equinoctial, sa declination est Septentrionale. Autant en pourras faire de toutes celles qui sont à ton Aranea. Et par tel moyen les rectifier, & y mettre celles que tu voudras, pourueu que ayes vne table bonne & iuste, à laquelle sera le nom, la longitude, latitude, declination, ascension droicte, magnitude, & nature d'icelles estoilles, laquelle nature est rapportee aux planettes.

Or si tu veulx sçauoir, quelle declination ha le troiesme degré du signe de Gemini, compte depuis le cercle equinoctial, au long de la ligne de Mydi, iusques à iceluy degré, lequel est sur icelle ligne, & tu trouueras que il y ha vingt & vn almicantharatz, ou enuiron: parquoy
pour


pourras dire, que le troisieme degré du signe de Gemini
 ha vingt degrés, & quarante minutes de declination.
 Icelle declination est Septentrionale, pource que ledict de-
 gré est dens le cercle equinoctial. Autant en pourras fai-
 re des autres degrés.

Pour trouuer les quatre angles du Ciel, qui
 sont les quatre maisons principales.

CHAP. XIII.

 PRES auoir mis le degré de l'ecliptique,
 (soubz lequel est le Soleil iccluy iour) sur, ou
 entre les almicantharatx en semblable ele-
 uation que l'auras trouué, par le dos de l'A-
 strolabe, le signe & degré qui sera sur l'Horizon obli-
 que en la partie Orientale sera l'angle d'Orient, & de la
 premiere maison, qui est nommé Horoscope, ou degré a-
 scendant, & son degré opposite sera l'angle de l'Occi-
 dent, & de la septiesme maison, & le degré du signe qui
 sera sur la ligne de Mydi, sera l'angle de Mydi, & de la
 dixiesme maison, & son degré opposite l'angle de my-
 nuict, & de la quatriesme maison.

Pour trouuer avec quel signe & degré leue, ou
 couche vne estoille fixe. CHAP. XIII.

 E T T A N T la poincte d'une estoille, tel-
 le que voudras, de ton Aranea sur la ligne
 de l'Horizon oblique à la partie Orientale
 (si tu veulx sçauoir son leuer) le degré de
 l'ecli

l'ecliptique, que tu verras lors sur icelle ligne de l'Horizon, sera le degré qui leuera avec ton estoille. Et pour sçavoir son coucher, mettras la sommité de ladicte à la partie Occidentale sur l'Horizon oblique. Exemple. Tu veux sçavoir quel signe & degré leue & couche avec Oculus Tauri. Si tu metz la pointe d'iceluy sur l'Horizon oblique, de la partie Orientale, tu verras sur icelle le douzième degré du signe de Gemini. Parquoy pourras dire, que le douzième degré du signe de Gemini leue avec oculus Tauri: & pour sçavoir du coucher, tournant l'Aranea à la partie Occidentale, mettât la sommité de l'estoille sur la ligne oblique de l'Horizon, verras que le vingthuitiesme degré du signe de Taurus couche avec elle. Autant en pourras faire des autres.

Pour trouuer combien le degré du Soleil, ou vne estoille fixe leue loing du droict Orient, & se couche: Pareillement trouuer à toute heure, en quelle partie du monde se trouuent le Soleil, & les estoilles.

CHAP. XV.



Il doibs entendre, que les deux sections qui sont faictes par le cercle equinoctial, & celuy de l'Horizon, sont les droicts points, l'un d'Orient, & l'autre d'Occident: icelles deux sections, nous diuisent le cercle de l'Horizon en deux parties egales, dont l'une est Septentrionale, & l'autre Meridionale. La partie Septentrionale est celle, qui est depuis les deux sections du long du cercle equinoctial,

Etial, venant vers le Pole artique : & la meridionale est
 celle, qui est depuis icelles deux sections du long d'iceluy
 equinoctial, allant vers le Pole antartique. Comme le tout
 t'ha esté declairé. S'ensuyura doncques, que tout degré
 de l'ecliptique, ou estoille fixe, qui ne leuera, ou couchera à
 iceulx deux poincts, sera Meridional, ou Septentrional.
 Pour trouuer doncques la distance, que le Soleil, ou les
 estoilles, ont d'iceulx deux poincts, tant au leuer, que au
 coucher, il conuient mettre le degré de l'ecliptique, soubz
 lequel sera le Soleil, ou la sommité d'une estoille, telle que
 voudras, sur la ligne de l'Horizon oblique, à la partie
 Orientale : & les azimutx te monstrent la distance,
 qui sera depuis le Soleil, ou estoille iusques au droict poinct
 equinoctial. Et conuient commencer à compter iceulx a-
 zimutx aux sections, qui se font par le cercle equinoctial
 au cercle de l'Horizon oblique, dont la ligne diametrale
 passe par icelles sections, parquoy est appelée la ligne du
 droict Orient. Exemple. Tu veulx sçauoir auioird'huy Exemple.
 dixiesme du mois d'Auril si le Soleil leue à la droicte li-
 gne, ou poinct oriental : tu as mis sur la ligne de ton hori-
 zon, à la partie orientale, le huitiesme degré du signe de
 Taurus (qui est le degré soubz lequel est le Soleil iceluy
 iour) et ledict as trouué sur le vingtiesme azimuth septen-
 trional, parquoy pourras dire, que le Soleil ha leué vers la
 partie septentrionale vingt degrés loing de l'equinoctial.
 Et si à iceluy iour tu trouues le Soleil esleué de cinquante
 trois degrés (qui sera à dix heures & vingt six minutes
 au mat

au matin) & tu vueilles ſçauoir à quelle partie du monde il eſt, en regardant iceluy le trouueras ſur le cinquanteſme azimuth oriental: parquoy pourras dire, que le Soleil eſt à la partie orientale, & ſeptentrionale, quarante degrés loing de la ligne de mydi. Et ſi encores ledict iour tu veulx ſçauoir (apres mynuict & vingt quatre minutes) en quelle partie eſt l'eſtoille nommee Rex, tu la trouueras eſleuee à la partie occidentale dixneuf degrés & demy, & ſur ledict azimuth occidental.

Pour congnoiſtre & trouuer en toutes regions, les quatre parties du Monde, c'eſt à ſçauoir Orient, Occident, ſeptentrion, & Mydi.

CHAP. XVI.



LES quatre parties du monde ſe peuuent trouuer en diuerſes façons. La premiere, par vn cadran, en dirigeant iceluy: car les cornes de l'eſguille mobile, qui touſiours ſe dirige au pole, monſtrent la partie ſeptentrionale, & la poincte la meridionale, & les extremités de la ligne diametrale, qui coupe icelle eſguille à trauers, te monſtreront l'Orient, & l'Occident. La ſeconde, en deſcriuant vn cercle ſur vne pierre, comme par le ſecond chapitre ha eſté dict. La tierce, par l'aſtrolabe: & pour ce faire fault, par le precedent chapitre, trouuer la diſtance que ha le degré du Soleil du vray poinct, ou azimuth equinoctial: & ſ'il eſt ſeptentrional, ou meridional, pour en ſem

en semblable lieu qu'il se trouuera mettre la droicte ligne de l'Alhidade, comme si tu l'auois mise sur le trentiesme degré du cercle des hauteurs de la partie orientale, qui seroit signe, que tu aurois trouué le Soleil sur le trentiesme azimuth oriental: cecy fait, coucheras ton Astrolabe en lieu plain, & à nyueau, le dos dessus, & sans toucher à l'Alhidade tourneras ton Astrolabe iusques à ce que l'ombre des pinules, mesmement des rays du Soleil, qui passeront par les pertuis d'iceulx, soyent sur la ligne fiduciale de l'Alhidade ne declinant plus d'un costé, que d'autre: & les extremités des lignes diametrales te monstreront les quatre parties du monde, lesquelles quatre parties noterás, ou marquerás, pour y remettre ton Astrolabe, quand bon te semblera, & ce pour te seruir la nuit aux estoilles.

Pour congnoistre de nuit les estoilles, par celles qui sont notees en ton Aranea.

CHAP. XVII.

REGARDANT par l'vnziesme chapitre le leuer de l'estoille que tu veulx premierement congnoistre notee, & verifiee à ton Aranea, comme pourroit estre *Oculus Tauri*, & autres, lesquelles de nuit tu veulx congnoistre, sache premierement à quelle heure elles doiuent leuer & coucher, & apres que les auras veües, les bien noter, car si tu en congnois bien vne, tu congnoistras aiseement toutes

c les

Magnitudes
des estoilles.

Estoille prin-
se pour le po-
le, nommee Al-
rukaba.

les autres. Si tu veulx donc sçauoir congnoistre *Oculus Tauri*, autrement nommé *Aldebaran*, qui vulgairement est appelé le Renard, pour cause qu'il suit la Poussiniere, iceluy *Oculus Tauri* est de la premiere magnitude, & de couleur rouge, pour cause qu'il est de la nature de Mars.

Mais pour entendre les magnitudes des estoilles (lesquelles sont en nombre six) celles qui sont de la premiere magnitude, sont les plus grandes & apparentes, & sont nommees fulgentiores, c'est à dire, resplendissantes, ou plus luyzantes, dont *Oculus Tauri* est du nombre, *Hircus*, *Canis maior*, *Cor Leonis*, *Spica Virginis*, *Lanceator*, *Vultur cadens*, *Rigel*, sinistèr pes *Orionis*, dextèr humerus *Orionis*, & autres. Les autres, qui sont de la seconde magnitude, viennent en diminuant, comme est caput *Meduse*, *Aquila*, ou *Vultur volans*, sinistèr humerus *Orionis*.

Les autres de la troisieme, comme celle que lon prend pour le Pole artique, nommee *Alrukaba*: & par aucuns l'estoille du Nòrt: & par autres, la *Tramontane*, iacoit qu'elle ne soit le Pole, car le Pole est un poinct feint qui ne bouge, mais si faict bien icelle estoille: & pource que lon n'en voit point de plus prochaine au Pole, de plusieurs est prinse pour le Pole. Ladicte estoille est le bout de la queue de la petite Vierge, & est distante du vray Pole quatre degrés, ou enuiron: car si tu la regardes un espace de temps, la verras tourner comme les autres. Sa longitude est au dixiesme degré de *Gemini*, ou enuiron: sa latitude est de soixante degrés, & sa declination d'octant six degrés,

degrés, ou enuiron: elle est de la nature de Saturne, & de Mercure. Les autres sont de la quatrième magnitude, comme est fundus Vasis, & autres. Les autres de la cinquième, comme sont Pleiades, Virgilie, Atlantide, que vulgairement est nommée la Poussinière, pource qu'ilz sont plusieurs estoilles presque toutes à un monceau, comme petus poussins: car aucunes fois s'en voyent cinq, autres fois sept, selon que la veüe les peult comprendre. Celles de la sixième magnitude, à peine peuuent estre veües. Et note, que toutes estoilles fixes ont vne viue clairté, ce que n'ont les autres, qui ont apparence d'estoilles. Pour sca- uoir donc congnoistre *Oculus Tauri*, suyuant & appro- chant la Poussinière de dix degrés, ou enuiron, si tu regar- des le treizième iour du mois de Nouembre à la partie Orientale, & Septentrionale, 23. degrés, ou enuiron, loing du poinct equinoctial, le verras leuer sur ton Horizon à cinq heures & huiet minutes apres mydi: parquoy, ayant disposé ton Astrolabe, selon les quatre parties du monde, comme par le precedent chapitre est dict, & la ligne fi- duciale de l'Alhidade sur le vingtroisième degré du cer- cle des degrés des haulteurs à la quarte Orientale, & Septentrionale, aduise lors à trauers les pertuis du pinule, qui est à la partie Occidentale, sur le vingtroisième de- gré tendant vers la ligne de mydi, lequel respond diame- tralement à celuy qui est à l'Orient, & tu verras par les pertuis des deux pinules leuer ton estoille à icelle heu- re, & ce certes est facile à trouuer tous les iours. Apres

Toutes estoil-
les fixes ont
viue clairté.

que tu auras veu icelle, & remerchee, la noteras en ta memoire, pour vne autre fois la ſçauoir congnoiſtre, à fin que par ſon moyen tu viennes à la congnoiſſance des autres, qui ſeront notees en ton Aranea, ſans qu'elles te ſoyēt monſtrees, comme eſt vne nommee *Siniſter* pes *Orionis*, laquelle auec *ſiniſter* & *dexter humerus Orionis*, & trois autres, qui ſont la ceinture d'iceluy *Orion*, ſont nommees les enſeignes, vulgairement le *Raſteau*, ou ſol manche. Ou bien vne autre, qui eſt nommee *Cor Leonis*, ou *Rex*, laquelle eſt bien prochaine de l'ecliptique, car elle n'a que dix minutes de latitude Septentrionale, iceluy *Rex* leuera à ce iour apres dix heures quarantehuit minutes de nuit, à la partie Septentrionale vingt degrés loing du poinct equinoctial. Parquoy, ſi tu le veulx prouuer, ſeras comme de *Oculus Tauri*, couchant ton *Aſtrolabe*, & la diſpoſant ſelon les quatre parties du monde. Mais il te

Notable. fault entendre, que pour approuuer toutes ces choſes, ie pre ſuppoſe que tu ſois en vn lieu, auquel tu ayes trouué de iour, par le Soleil, les quatre parties du monde en la façon que dict eſt, & icelles notees, ou marquées, pour de nuit en ſemblables lieux, & Cartes, remettre ton *Aſtrolabe*. Icelle donc bien diſpoſe, ſelon les quatre parties du monde, mettras la droicte ligne de l'*Alhidade* du coſté de *Septentrion* à la partie Orientale, ſur le vingtiesme degré du cercle des degrés des haulteurs: car *Oculus Tauri*, lequel trouueras eſléué de cinquāteſix degrés, à la partie Orientale, & ſur le cinquantequatrieſme azimuth, te monſtrera, que

ra, que Rex leuera à la mesme heure, & endroict. Parquoy visant à trauers les pinules, tu verras iceluy Rex leuer par les trous d'iceulx. Lediect Rex, & Oculus Tauri, te monstreront, qu'une autre belle estoille, tendant à rougeur pour cause qu'elle est de la nature de Mars, & de Venus, la longitude de laquelle est à la fin du signe de Libra, icelle estoille est nommee Lăceator, ou Alramech, & sera audiect iour, à deux heures & demye apres mynuiet, sur la ligne de ton Horizon à la partie Orientale, & Septentrionale, trente degrés loing du poinct equinoctial: car il est sur le trentiesme azimuth, & dans le cercle equinoctial, & si à l'heure tu regardes Oculus Tauri, le trouueras esleué à la partie Occidentale quarante-huiet degrés. Parquoy l'ayant mis sur le quarātehuietiesme Almicantharat de la partie Occidentale, te monstrera qu'il est sur le trentequatriesme azimuth Occidental, c'est à dire, qu'il est loing du poinct equinoctial Occidental trentequatre degrés, & Cor Leonis, à icelle heure, vingtdeux degrés de l'Oriental, & sera sur le vingtquatriesme Almicantharat Oriental. Si donc tu prends son eleuation par le dos, la trouueras pareille que sur les Almicantharats: car une estoille de laquelle tu as prins son eleuation, & en semblable l'as constituée sur les Almicantharats, te monstrera sur quelz almicantharats seront les autres. Et si tu veulx sçauoir s'il sera ainsi, metz la ligne fiduciale de ton Alhidade sur semblable degré du cercle des degrés des hauteurs, que auras trouué ton

e 3 estoille

estaille aux almicantharats, & sans remuer, ny toucher à ton Alhidade, dresse toy vers la partie que t'aura montré ton estaille. Ton Astrolabe à la main, pendant librement presenteras à ton oeil, & aduise à trauers les tablettes perçees par les grands pertuis d'icelles, car indubitablemēt tu verras ton estaille au ciel à trauers iceulx. Et en ceste façon pourras congnoistre toutes les estoilles, qui seront notees à ton Aranea, pourueu qu'elles soyent bien posees: semblablement pourras veoir quel signe & degré est ascendant, & quelles estoilles sont à ton Zenith, sur la ligne de Mydi, l'Orient, l'Occident, & sur la ligne de Mynuiet, car tenant l'Astrolabe à la main, tu tiens la figure de toute la machine.

Astrolabe, figure de toute la machine.

Pour congnoistre, combien le Soleil approche tous les iours, ou eslongne de nostre zenith, qui est le point vertical.

CHAP. XVIII.



ET TANT sur la ligne de Mydi le degré de l'ecliptique soubz lequel sera le Soleil, puis au long d'icelle compte les almicantharatz, qui seront depuis le Zenith, iusques au degré du Soleil, & tel nombre d'almicantharatz qui se trouueront, subtraicts de nonante, & la reste qui demeurera sera la distance, qui est du Soleil à ton Zenith.

Exemple. Le vingtiesme iour d'Auril le Soleil est soubz le dixiesme degré du signe de Taurus, metz le dixiesme degré

degré de Taurus, sur la ligne de Mydi, et trouueras qu'il touche le soixâtiesme Almicantharat, oste soixante, de nonante, restera trente. Parquoy pourras dire, qu'il s'en fault trente degrés, que le Soleil ne soit venu iusques à ton Zenith : Par ainsi pourras sçauoir tous les iours, combien le Soleil sera esleué sur ton Meridien : Car tant plus il approche du Zenith, tant plus est esleué : Et tant plus est esleué, tant plus ha de declination, i'entens quand son eleuation excède quarantecinq degrés dens Lyon : Et au contraire, tant plus est deprimé.

Pour sçauoir par le Soleil, combien vne ville, ou autre lieu ha de latitude, laquelle est autrement nommee eleuation de Pole.

CHAP. XIX.

LEVATION de Pole, Et Latitude, est vne mesme chose. Or latitude (en cest endroict) n'est autre chose, que la partie du cercle Meridional, qui est entre deux lignes paralleles, cōme dict est. La distance doncques, qui est depuis l'equinoctial, iusques au Zenith, est appellee latitude, laquelle est aussi grande, que celle, qui est depuis le Pole, iusques à l'Horizon. Pour trouuer doncques la latitude d'une ville, ou autre lieu, il te conuient prendre audict lieu l'eleuation du Soleil à Mydi, quand il est au premier poinct du signe de Aries, ou de Libra, Et le nombre des degrés d'icelle oster de nonante, car ce qui restera sera la

Exemple. *praye latitude. Comme si dens Lyon, le vnzijsme iour du moys de Mars, ou le treiziesme de Septembre, tu trouuois le Soleil esleué (à Mydi) de quarantecinq degrés, ou enuiron, tu osterois quarantecinq de nonante, la reste seroit quarantecinq, & telle seroit l'elevation du Pole arctique dens Lyon, & la depresseion de l'antartique. Mais il aduient peu souuent, que lors que le Soleil est au cercle meridional de Lyon, il soit soubz le cercle equinoctial: car le plus souuent il ha declination Australe, ou Septentrionale: parquoy semble chose doubteuse, de trouuer la latitude, iusques à vne minute. Et pource que le Soleil ne se trouue, que deux fois l'an soubz le cercle equinoctial, & tous les iours tu veulx sçauoir la latitude des lieux, specule diligemment par ton Astrolabe le monter du Soleil à Mydi: & note en ta memoire (ou autrement) tel nombre de degrés: Ce faict, regarde le degré de l'ecliptique (soubz lequel sera le Soleil iceluy iour) & le metz sur la ligne de Mydi (à la table que tu estimes estre de ton elevation) puis compte au long d'icelle les almicantharatz, qui seront depuis ton degré du Soleil, iusques au premier almicantharat, ou horizon oblique. Et si tu trouues que le nombre des almicantharatz soit semblable au nombre des degrés des haulteurs, resequés par la ligne fiduciale de l'alhidade, tu diras & tiendras, icelle table bonne pour ton elevation. Ayant donc trouué la table de ton elevation iuste, regarde diligemment par le douzijsme chapitre, la declination du Soleil: car si icelle declination est*

est Meridionale, conuiendra adiouster le nombre des de-
grés & minutes d'icelle, avec le nombre des degrés &
minutes de l'elevation: & tous ses nombres ensemble con-
uiuent oster de nonante, & ce qui restera sera la vraye la-
titude, ou elevation: mais si la declination est Septentrion-
nale, il conuient oster icelle de l'elevation, & ce qui reste-
ra oster de nonante, & le reste de la subtraction de no-
nante, sera la vraye latitude. Exemple. Regarde au qua-
torziesme iour du mois de May, que le Soleil est enuiron
le troisiemesme degré du signe de Gemini (à Mydi) tu le
trouueras iceluy iour esleué sur le cercle Meridional de
Lyon, soixantequatre degrés & deux tiers, qui valent
quarante minutes. Si tu aduises sa declination, tu la trou-
ueras de vingt degrés à la partie Septentrionale: oste de
soixantequatre degrés, & quarante minutes, vingt de-
grés, resteront quarantequatre degrés, & quarante mi-
nutes, lesquelz ostés de nonante, le reste seront quarante-
cinq degrés & vingt minutes: & telle sera ton ele-
uation dens Lyon. Mais pour trouuer toutes ces choses
vrayement, il est requis vn bon & iuste Astrolabe, com-
me t'ay predict.

Exemple.

Pour trouuer l'elevation du Pole, par les estoil-
les fixes.

CHAP. XX.



AD VISE premierement en ton Aranca,
si l'estoille que tu vois au Ciel, y est bien
notee, tu prendras iustement l'elevation de
icelle, quand elle sera sur ton cercle Meri-
dional

e s

dional

dional (la congnoissance de ce t'est declairee, par le second & troisieſme chapitre) icelle eleuation noteras: pour avec la declination estre adiouſtee, ou d'icelle diminuee, comme du Soleil ha eſté dict. Et pour plus claire & facile

Exemple. intelligence ie t'ay icy mis vn Exemple. Aduise (eſtant dens Lyon) vne eſtoille nommee Vultur cadens, ou Vuela, laquelle trouueras eſleuee ſur ton cercle Meridional, de octantetrois deſgrés, & quelque peu d'auantage, qui pourra eſtre dix minutes: regarde par le douzieme chapitre ſa declination, laquelle trouueras de trentehuiſt deſgrés, & dix minutes à la partie Septentrionale: oſte de octantetrois deſgrés, & vingt minutes (qui eſt ſon eleuation) trentehuiſt deſgrés, & trente minutes, qui eſt ſa Septentrionale declination, reſtera quarantequatre deſgrés, & quarante minutes: iceulx quarantequatre deſgrés, & quarante minutes oſteras de nonante, la reſte ſera quaranteſinq deſgrés, & vingt minutes: & telle ſera l'eleuation du pole artique ſur l'Horizon de Lyon, & la depref-

Notable. ſion de l'antartique. Si tu regardes à la figure de ton hemifphere notee en la page 15. Celuy qui eſt ſur la terre qui te monſtre d'une main l'Horizon, & de l'autre le Zenith, tu verras que depuis le Zenith, qui eſt touſiours le Pole de l'Horizon, iuſques à la ligne diametrale de l'Horizon ſont nonante deſgrés, d'un coſté & d'autre (qui eſt la quarte partie du cercle) & auſſi verras que la diſtance, qui eſt depuis l'equinoctial, iuſques au Zenith, eſt pareille à celle qui eſt depuis le Pole iuſques à l'Horizon.

Par

Par le present chapitre, & son precedent tu pourras aisement congnoistre avec la table cy apres mise, en quel des neuf climatz tu seras. Si par fortune tu estois en quelque lieu esgaré, & à toy incongneu: Car apres auoir trouué l'elevation du lieu ou tu seras, icelle elevation te monstrera en quel des neuf climatz tu es, & ce, certes est aussi aisé, comme il est aisé par le quatriesme chapitre, de trouuer le iour incongneu.

TABLE DES NEUF CLIMATZ.

Heures & minutes.				Degrez & minutes de latitude.				Distance de lun à l'autre Climat, par Stades.	N ^{os} des lieux par ou passent les Climat ^z .						
cōmence- ment,		mylieu,		fin.		mylieu,				fin.					
H.	m.	H.	m.	H.	m.	H.	m.			Deg.	m.				
1	12	45	13	0	13	15	12	45	16	0	20	30	5	425	Meroës.
2	13	15	13	30	13	45	20	30	24	25	27	30	4	900	Siene.
3	13	45	14	0	14	15	27	30	30	45	33	40	4	316	Alexâdrie.
4	14	15	14	30	14	45	33	40	36	24	39	0	3	733	Rodes.
5	14	45	15	0	15	15	39	0	41	20	43	30	3	50	Rome.
6	15	15	15	30	15	45	43	30	45	40	47	15	2	525	Pontos.
7	15	45	16	0	16	15	47	15	48	40	50	30	2	275	Boristene.
8	16	15	16	30	16	45	50	30	51	50	53	10	1	733	Riphec.
9	16	45	17	0	17	15	53	10	55	30	56	30	2	333	Damas.

TV dois entendre, que Climat est vn espace de terre
 contenu, ou enclos entre deux lignes paralleles : Et y ha
 variation de iour artificiel, de l'un à l'autre climat, de
 trente minutes d'heure, qui vallent demye heure d'hor-
 loge. Car depuis le commencement du premier climat, ius-
 ques au second, les iours sont plus grandz en Esté d'une
 demy heure : Et au contraire plus petis en Hyuer. Il te
 conuient sçauoir, que vn chascun climat passe par quelque
 Region, Isle, Fleuve, ou Cité, duquel il porte le nom. Le mi-
 lieu du premier climat passe par vne cité d'Afrique nom-
 mee Meroës, laquelle est distante de l'equinoctial seize
 degrés : les plus grandz iours soubz iceluy parallele sont
 de treize heures, Et les plus petis de vnze. Le milieu du
 second climat passe par vne cité d'Egypte nommée Sie-
 ne, laquelle est loing de l'equinoctial, vingt quatre degrés,
 Et vingt cinq minutes. Le plus long iour soubz iceluy pa-
 rallele est de treize heures, Et trente minutes. D'auan-
 tage doibs entendre, que depuis le commencement du pre-
 mier climat, iusques à l'equinoctial sont douze degrés Et
 quarantecinq minutes, qui sont 8925. stades : Et tousiours
 suyuant vn cercle meridional trouueras le nombre des
 stades, de l'un à l'autre climat, lesquelz nombres sont no-
 tés sur la fin de la table : car au commencement d'icelle,
 Et vers la main fenestre est noté le nombre d'iceulx cli-
 matz. Puis venant vers la main dextre, suyuant nostre
 mode Et stile, sont notees les heures Et minutes, du com-
 mencement, du milieu, Et de la fin d'iceulx. Apres les
 degrés

Diffinition
 de Climat.

Lignes para-
 lles, passans
 par le milieu
 des climatz.

Stade, con-
 tiét centvingt
 & cinq pas.

degrés & minutes, de la latitude, du commencement, du milieu, & de la fin d'iceulx: & à la fin de tout, les noms des lieux par ou ilz passent.

SI donc tu veulx sçauoir en quel des neuf climats est la cité de Lyon, regarde en ta table, aux degrés de l'elevation, & cherche tant au commencement, au milieu, que à la fin d'iceulx, que tu trouues vn nombre de 45.20. qui veult dire quarantecinq degrés, & vingt minutes, qui est l'elevation de Lyon. Iceluy nombre trouué à vingt minutes pres, regarde au long de la ligne diametrale, ou bien transuersale, qui va de la main senestre à la dextre, & sur icelle, à l'extremité de la partie senestre, verras ton climat noté: & à l'extremité de la dextre, le lieu par ou il passe, aduise alendroit de ton elevation, au long de la ligne perpendiculaire montant en hault, car icelle te monstrera, que tu es au milieu du sixiesme climat, qui passe par Pontos: les plus grands iours soubz iceluy cercle parallele sont de 15. heures & 30. minutes. Parquoy pourras dire, que Lyon sur le Rosne est au milieu du sixiesme climat à vingt minutes pres: car le milieu du sixiesme climat ha 45. degrés 40. minutes, parquoy s'en fault vingt minutes, qui vallent dix lieües Françoises, telles qu'on les compte autour de Paris, que Lyon ne soit soubz le cercle parallele du sixiesme climat. Et si tu veulx sçauoir icelle distance par stades, trouueras qu'il y ha 233. stades 41. pas, trois pieds, & quatre doigts: et celle qui est depuis ledict Lyon, iusques au cercle equinoctial (soubz vn meridiem) est de

31733, stades 41. pas, trois pieds, & quatre doigts, qui valent 906. lieues & deux tiers, lieues communes: car chascque degré de l'equinoctial, ou du cercle meridional, vault sur la terre trente lieues Françoises, vingt lieues communes, & quinze grandes. 700. stades, soixante miliaires, ayant chascque miliaire 1000. pas, & chascque stade 125. pas, chascque pas cinq pieds: chascque pied seize doigts: & chascque doigt quatre grains d'orge en trauers.

Pour sçauoir la longitude de deux villes, ou autres lieux.

CHAP. XXI.

Longitude, en cest endroit, n'est autre chose que l'arc du cercle equinoctial, qui est entre deux cercles meridiens, comme est dict à l'exposition de la Sphere: & icelle longitude conuient commencer à compter au meridien des Isles fortunées, lesquelles nous sont Occidentales par les degrés de l'equinoctial, allant vers Orient, suuant les troiscenssoixante degrés dudit cercle, iusques au meridien du lieu que voudras: & tant plus vne ville, ou autre lieu, est loing du Mydi des Isles fortunées, iusques à la mynuiet d'icelles, tant plus est Orientale: & au contraire, depuis la mynuiet d'icelles Isles, Occidentale à nous. Si de deux villes, ou autres lieux, l'une ha 23. degrés de longitude, & l'autre 25. celle qui en ha 25. est plus Orientale de deux degrés, que celle de vingttrois: & pour cause que la plupart des longitudes & latitudes ont esté obseruees,

Ptolomee mi-
roit des Cos-
mographes.

uees, & redigees en tables par le scientifique Ptolomee, duquel tous autres Geographes ont prins leurs fondemēs, il nous est facile de sçauoir leur distance en soustrayant la petite de la grande : mais si la longitude d'une ville, ou autre lieu tel que voudras, n'est escripte aux tables, ains nous est incongneüe, ou bien qu'on la vueille verifier, il la conuient obseruer par deux Astrologues au temps d'un eclypse, dont l'un sera en un lieu duquel on est certain de sa longitude, & l'autre en un autre, lesquelz regarderont iustement, chascun à son lieu, l'heure & la minute que l'eclypse commencera. Et si l'un trouue, que le commencement de l'eclypse soit à trois heures & demye, & l'autre à deux & trois quars, le lieu auquel l'eclypse aura commencé à trois heures, & trente minutes, sera plus Oriental de quarantecinq minutes, qui vallent trois quars d'heure de temps: car qui osterà deux heures, & 45. minutes, de trois heures 30. minutes, restera 45. minutes: parquoy pourras dire & iuger iceluy lieu plus Oriental de trois quars d'heure.

Pour congnoistre la distance de deux villes, ou autres lieux, apres auoir congneu leur longitude, & latitude.

CHAP. XXII.



L cōuient premieremēt par le dixneufiesme, ou vingtiesme chapitre, sçauoir la latitude des lieux desquelz tu veulx auoir la distance : & si tu les trouue differents en latit

en latitude, noteras icelle pour soubſtraire la petite de la grande: comme ſi l'un auoit quarantehuiſt degrés & demy, & l'autre quarantevn et quarante minutes, ſoubſtrais 41. degrés, 40. minutes, de 48. 30. minutes, reſtera 6. degrés 50. minutes. Regarde apres par le precedent chapitre leur longitude, laquelle te conuient ſçauoir par Tables, conionctions, eclipſes, ou autrement. Auoir vne monſtre d'orloge bien iuſte, icelle mettras iuſtement au mydi de ton habitation, duquel tu es aſſeuré de la longitude, puis t'en iras vers les parties Orientales, ou Occidentales, là ou bon te ſemblera, & chemineras touſiours iuſques à ce que ſois au lieu duquel deſires ſçauoir la longitude: & là eſtant, regarderas par vn bon & iuſte cadran, ou bien par ton Aſtrolabe, le mydi d'iceluy lieu & de ta monſtre, & ſi tu trouues qu'ilz ſoyent differents, regarderas la difference de l'un à l'autre: car ſi au mydi du lieu ou tu es arriué tu trouues qu'il ne ſoit encores mydi à ta monſtre, & qu'il ſ'en faille deux heures, ou bien vne heure & cinquante minutes, tu pourras congnoiſtre & dire, que le lieu ou tu es eſt plus Oriental d'une heure 50. minutes, que celuy duquel tu es departy: & au contraire, ſi au mydi du lieu que ſeras tu vois à ta monſtre vne heure 50. minutes, iugeras iceluy lieu plus Occidental d'une heure 50. minutes. Or pource que le plus ſouuent les longitudes, ny les latitudes, ne ſe conuiennent, & ſont en diuers paralelles, il conuient reduire leur difference en degrés de l'equinoctial, & multiplier chaſque dif-

f ference

Pröptmoyen
pour trouuer
les lögitudes.

ference par soy, & les deux nombres ioindre ensemble, et d'iceulx prédre la racine plus prochaine, laquelle est nommée racine quarree, & le nombre qui se trouuera sera la distance de l'un à l'autre par droicte ligne. Pour trouuer donc la distance d'un lieu à l'autre, conuient yser, comme dessus, de la racine quarree, qui n'aura tables à ce calculees, ou globes bons & iustes, pour plus facile intelligence. Si tu veulx donc auoir la distance, qui est depuis Lyon iusques à Venise par droicte ligne, tu trouueras que de Lyon à Venise sont 4900. stades, 612. miliers & demie, ou 105. grands lieues. Autant en pourras faire de Rome, ou de Ierusalem, duquel apres auoir regardé la distance, par la droicte ligne, trouueras que de Lyon en Ierusalem sont 543. grands lieues, & trois quars, ayant chaque lieue 46. stades & deux tiers: car si tu aduises bien la distance, qui est depuis Lyon iusques en Ierusalem, tu trouueras 36. degrés, & un quart: & de Lyon à Venise, sept degrés de l'equinoctial en droicte ligne: & tu peulx veoir par le vingtiesme chapitre, que c'est que vault un degré de l'equinoctial. Le nombre d'iceulx degrés doncques m'ont donné l'espace susdict. Il est assez notoire, que ceulx qui sont soubz une ligne paralelle, ont egale latitude, & ceulx qui sont soubz une ligne, ou cercle meridional, ont egale longitude. Il est doncques impossible, que ceulx qui ont egale latitude, ayent egale longitude, car l'un sera plus Oriental, ou Septentrional, que ne sera l'autre,

Pour

Pour trouuer l'ascension des signes, ou l'arc de l'ecliptique, en la Sphere droicte.

CHAP. XXIII.



Scension, ou monter d'un signe, n'est autre chose, que la partie du cercle equinoctial, qui monte avec ledict signe, qui est le temps que met à monter la douzieme partie dudit

Ascension de signe.

cercle: Et iceluy temps est prins à l'equinoctial, pource qu'il leue regulierement en toutes ses parties, ce que ne fait le zodiac, ou ecliptique, pour cause de son obliquité: car les vnes parties leuent plus tost, Et les autres plus tard. Pour sçavoir donc le monter de quelque signe à la Sphere droicte, il te conuient faire monter sur la ligne diametrale de l'Horizon tout le signe, qui est noté à ton Aranea, iusques à la fin d'iceluy, Et le commencement de son suyuant lairras sur la ligne diametrale de l'Horizon, Et mettras la droicte ligne de ton Ostenfor sur le commencement d'iceluy: Et l'arc du bort, qui sera depuis la ligne diametrale de l'Horizon iusques à la droicte ligne de ton Ostenfor sera la partie de l'equinoctial, qui aura monté sur l'Horizon de la Sphere droicte. Et si tu trouues, que la partie d'iceluy bort soit moindre, ou plus grande, que de 30. de grés, tu pourras dire que le signe, qui ha leué avec l'equinoctial, ha leué obliquement, ou droictement: obliquement, si moins de trente de grés: Et droictement, si plus de trente de grés. En semblable façon conuient aduiser au descendre, mettant ledict signe à la par-

tie Occidentale, ou à la ligne de Mydi: car le monter ou descendre, ou meridiem des signes en la Sphere droicte, **Notable.** est tout vn. Et note, qu'en la Sphere droicte quatre signes leuent & couchent droictelement, et sont Π , \varnothing , & leurs opposites, qui sont \rightarrow , δ , et tous les autres obliquement: car avec chascun d'iceulx leuent trentedeux degrés du cercle equinoctial, qui sont deux degrés d'auantage que de l'ecliptique. Ce chapitre, & son suyuant, nous est de petite vilité, car il ne sert que à ceulx qui habitent soubz l'equinoctial, comme les Ethiopiens, vne Isle grande & bonne, nommee Taprobane, le milieu de laquelle est à 54. degrés du meridiem de noz Antipodes, aux parties Orientales, distante de Calicut en droicte ligne, vers la partie Orientale, & Meridionale, 33. degrés, qui vallent 1980. milliers d'Italie.

Pour congnoistre l'ascension droicte de chascun degré du zodiac, ou des estoilles fixes.

CHAP. XXIII.



Ascension droicte (comme dict est) n'est autre chose, que l'arc du cercle equinoctial, qui monte avec les degrés de l'ecliptique, & estoilles fixes, sur l'hemisphere droicte. Et commence iceluy arc à la section, qui se faict de l'ecliptique avec l'equinoctial, à laquelle est le commencement du signe de Aries. Pour scauoir donc l'ascension d'un degré de l'ecliptique, ou estoille fixe, en la Sphere droicte, il te conuient mettre

mettre iceluy degré sur la ligne diametrale de l'Horizon, & la ligne fiduciale de ta regle sur le commencement du signe de Aries, puis compter au bort les degrés, qui seront depuis la ligne diametrale de l'Horizon, iusques à la regle: car tel nombre de degrés, qui se trouueront, sera l'ascension de ton estoille, ou degré de l'ecliptique. Exemple. Metz Vultur cadens sur la ligne diametrale de l'Horizon, à la partie Orientale, & la droicte ligne de ta regle sur le commencement du signe de Aries: compte (au bort) les degrés, qui seront depuis la ligne diametrale de l'Horizon à laquelle commencent six heures, allant vers Mydi, iusques à la droicte ligne de ta regle, laquelle trouueras sur douze heures & un quart, & quelque peu d'auantage (après mynuict) & y en trouueras 274. qui valent 18. heures, 16. minutes. Parquoy pourras dire, que Vultur cadens ha 274. degrés d'ascension droicte.

Exemple.

Pour sçauoir l'ascension des signes, ou arc de l'ecliptique en la Sphere oblique.

C H A P. X X V.



Ettant le commencement d'un signe tel que voudras, sur la ligne de l'Horizon oblique, & la droicte ligne de la regle, sur le commencement d'iceluy. Icelle te monstrera au bort, l'endroiect de son leuer. Iceluy endroiect noteras, puis feras monter tout le signe à tout la regle, iusques au der-

f 3 nier

nier poinct d'iceluy, lequel lairras sur la ligne de ton Horizon oblique : & la regle qui sera sur le commencement d'iceluy, te monstrera au bort, le nombre des degrés qui seront depuis la premiere note, iusques à la dernière. Et

Notable. sois recors, que tout signe, qui met plus de deux heures à leuer, qui sont trente degrés de l'equinoctial, leue droitement : & s'il met moins de deux heures, ou que avec luy leue moins de trente degrés de l'equinoctial, il leue obliquement : car le monter, ou descendre d'un signe, n'est autre chose, que la partie du cercle equinoctial, qui leue, ou couche (sur l'Hemisphere) avec la partie du zodiaque,

Exemple. ou ecliptique, qui est appelée signe. Comme si tu metz le premier poinct du signe de Sagittarius sur ton Horizon oblique, & la droite ligne de ta regle sur iceluy premier degré, laquelle sera au bort sur sept heures, & six degrés. Fais monter tout le signe sur ton Hemisphere à tout la regle, excepté le dernier poinct d'iceluy, lequel lairras sur la ligne de l'Horizon oblique, & la regle, qui sera sur le premier degré d'iceluy signe, & au bort sur neuf heures, & douze degrés, te monstrera que l'arc du bort, qui est depuis la premiere note, iusques à la seconde, est de trentesix degrés : parquoy pourras dire, que à ton Horizon le signe du Sagittaire, leue droitement : car avec luy leuent 36. degrés de l'equinoctial, qui sont six degrés dauantage que de l'ecliptique, lesquelz six degrés valent

Notable. 24. minutes de temps, ou trois cinquiesmes d'heure. Note, que à la Sphere oblique, six signes leuent droitement,

&

Et couchent obliquement, Et sont Cancer ♋, Leo ♌, Virgo ♍, Libra ♎, Scorpius ♏, Et Sagittarius ♐. Et au contraire, Capricornus ♑, Aquarius ♒, Pisces ♓, Aries ♈, Taurus ♉, Et Gemini ♊, leuent obliquement, Et couchent droitement.

Pour eriger, ou trouuer les douze maisons Celestes à toute heure, spécialement les quatre angulieres, fondamentales des autres.

CHAP. XXVI.

LEs anciens Astrologues ont diuisé le Ciel en douze parties, suyuant les douze signes : lesquelles sont appellees maisons, dont y en ha perpetuellement six dessus l'Horizon, Et six deffoubz. Les propriétés d'icelles, te seront declairees par le vingthuitiesme, Et dernier chapitre. Icelles maisons se peuent faire en diuerse sorte, mais nous ensuyurons celle du docte Ioannes de monte Regio, comme la plus commune. Si tu veulx donc sçauoir domifier par ton Astrolabe à toute heure, qui est sçauoir trouuer en quelles de ces douze parties sont les douze signes celestes. Saches premierement l'heure Et minute, tant de iour que de nuict. Et metz la droicte ligne de ta regle sur semblable heure Et minute, Et sans remuer icelle, tourne l'aranea iusques à ce que tu ayes mis (soubz la droicte ligne de ta regle) le degré soubz lequel est le Soleil iceluy iour : ce faict regarde quelz signes sont par les 12. maisons, Et par

f 4 espe

Mode facile à
domifier.

especial le signe ☾ degré, qui sera sur la ligne de Mydi, car par iceluy tu pourras aiseement domifier. Quand en quelque Astrolabe n'y aura point de maisons marquees, tu aduiferas à l'heure, que voudras domifier, le signe ☾ degré, qui sera sur la ligne de Mydi (ayant disposé ton Aranea, comme est dict.) Et apres auoir faict vne figure en papier, telle que tu verras cy apres, escriras dedans l'an, le moys, le iour, l'heure, ☾ la minute: cela faict avec pareil signe ☾ degré, que auras trouué sur la ligne de Mydi de ton Astrolabe, t'en viendras aux Ephemerides, es tables de ton eleuation, lesquelles tables sont intitulees *Tabulæ domorū ad 45. gradus latitudinis: et à la colonne sur laquelle sera le caractere du signe ia trouué sur la ligne de Mydi entreras à ta dicte table, ☾ soubx la troisieme colonne, qui est marquee pour la dixiesme maison, trouueras pareil degré, que as trouué sur la ligne de Mydi de ton Astrolabe. Semblable signe ☾ degré mettras à ta figure: sur la ligne de Mydi, laquelle t'est notee, comme tu pourras veoir pour te seruir d'exemple.*



L'AN mille cinq cens quarantecinq, & le Ieudy
 vingt sixiesme iour du mois de Mars à trois heures &
 demie apres mydi, heure du Soleil dixiesme inegale, ie
 veulx dresser la figure celeste pour sçauoir par astrono-
 mie la natiuité d'un enfant, qui est nay dens Lyon : i'ay
 aduisé en mon Astrolabe, & ay trouué que à trois heu-
 res & 30. minutes le huietiemesme degré du signe de Π
 estoit sur la ligne de mydi, qui est l'angle de la dixiesme
 maison, & à la table de l'elevation de 45. degrés ay re-
 gardé soubz la troisiemesme colonne, laquelle est marquée
 pour la dixiesme maison, le huietiemesme degré du signe de
 Gemini Π , lequel m'a monsté que le seiziesme degré
 f s du

du signe de Cancer ☊ estoit à l'angle de l'unzième maison, qui est la ligne de ma figure, après la ligne de mydi allant vers la main senestre: car depuis icelle ligne iusques à la ligne de mydi est la dixième maison, & tousiours suyuant la droite ligne dans ma table des Ephemerides allant vers la main droite, comme tu peulx veoir,


II

Temps à	10	11	12	1	2	3	Do-
meridie.	☊	☋	♏	♍	♌	♋	mus.
H.	M.	G.	G.	G.	G.	G.	
4	26	8	16	18	12	5	3

I' AY trouué mes signes & degrés. I'ay mis à l'angle de la douzième maison de ma figure, le dixhuitième degré du signe de Leo ♌. & à sa ligne suyuante, qui est l'angle de la première maison, ay mis le douzième degré du signe de la Vierge ♍. & iceluy est l'horoscope, ou degré ascendant: et à sa ligne suyuante, qui est l'angle de la seconde maison, ay mis le cinquième degré du signe de Libra ♎, & le troisième degré du signe du Scorpion ♏, à sa ligne suyuante, qui est l'angle de la troisième maison, sa ligne suyuante est la ligne de mynuit, le signe & degré de laquelle est opposé à celui de mydi. En icelle ay mis le degré opposé de Gemini ♊, qui est le huitième degré du signe de Sagittaire ♐. Icelle ligne est l'angle de la quatrième maison. Et tout ce qui est entre ces deux angles, à sçavoir depuis l'angle de la

la troisièſme maiſon, auquel eſt le troiſieſme degré de m. iuſques à l'angle de la quatrieſme maiſon, auquel eſt le 8. degré de ➤, eſt de la troiſieſme maiſon à quatre degrés pres, comme veulent noſ. Aſtronomiens: car depuis le premier degré du ſigne de Scorpius m, iuſques au troiſieſme, eſt ☿ ſe tient de la troiſieſme maiſon: ☿ depuis le premier degré de Sagittarius ➤, iuſques au quatrieſme d'iceluy, eſt de ladiète troiſieſme maiſon: mais depuis le quatrieſme de ➤, iuſques au douzièſme degré de Capricornus ☿, eſt de la quatrieſme maiſon. Or donc ayant logé les ſix ſignes, qui ſont en la partie Orientale, aux ſix maiſons Orientales: Leurs oppoſites ſont à la partie Occidentale, comme le 16. degré du ſigne de Capricorne ☿, qui eſt à l'angle de la cinquièſme maiſon: laquelle eſt oppoſite de la vnzièſme, le 18. degré du ſigne d'Aquarius ☿, qui eſt à l'angle de la ſixieſme maiſon, oppoſite de la douzièſme, le 12. degré du ſigne de Piſces ♛, à l'angle de la ſeptieſme maiſon, oppoſite de la première, le 5. degré du ſigne de Aries ♈, à l'angle de la huitieſme maiſon, oppoſite de la ſeconde, ☿ le troiſieſme degré du ſigne de Taurus ♉, à l'angle de la neuſieſme maiſon, laquelle eſt oppoſite de la 3. Et toutes ces choſes tu peux veoir clairement par la figure ſuyuante: en laquelle ſont les planettes chacune en ſon lieu, calculees pour l'heure, ſans auoir eu eſgard à leur latitude. Mais qui voudra faire les choſes plus exactement, le pourra faire en y mettant les eſtoilles fixes, ayant auſſi eſgard à pluſieurs autres choſes, car ce
que

que i'en ay fait icy, n'est que par forme d'exemple.



Pour congnoistre l'aspect, ou regard des Planettes.

CHAP. XXVII.




Le conuient entendre, qu'il y ha quatre sortes d'aspects, ou regards, & selon aucuns cinq, comptant la conionction 0 pour vn. Le premier regard est appellé sextile ✕, qui est quand deux planettes se regardent par la sixiesme partie du cercle, & sont 60. degrés loing l'une de l'autre, comme le premier degré du signe de Aries ♈, au premier degré du signe de Gemini ♊, ou de Aquarius ♒. Ice-

luy

luy regard est nommé regard de moyenne amitié, pour cause que les deux signes se contiennent en vne qualité, qui est chaulde: car trois signes sont tousiours d'une complexion & nature. Les vns sont chaulds & secs, de nature de feu, comme Aries ♈, Leo ♌, Sagittarius ♐. Les autres chaulds & humides, de nature d'air, comme Gemini ♊, Libra ♎, Aquarius ♒. Les autres froids & secs, de nature de terre, comme Taurus ♉, Virgo ♍, Capricornus ♑. Et les autres sont froids & humides, de nature d'eau, comme Cancer ♋, Scorpius ♏, & Pisces ♓. Le second aspect est appelé quart □, qui est quand les planettes se regardent par la quarte partie du cercle, qui sont 90. degrés, comme le premier degré du signe de Aries ♈, au premier degré du signe de Cancer ♋. Ice-luy regard est d'inimytie: car le signe de Aries est chauld & sec, & celui de Cancer est froid & humide. Le troisieme regard est Trine Δ, qui est quand les planettes se regardent par la troisieme partie du cercle, qui sont 120. degrés, comme le premier degré de Aries ♈, au premier degré de Leo ♌, ou de Sagittarius ♐. Iceluy regard est de parfaite amytie: car les deux, ou trois signes sont d'une mesme complexion & nature, qui est chaulde & seiche. Le quatrieme aspect est opposite ∞, qui est quand les planettes se regardent diametralement: comme du premier degré de Aries ♈, au premier de Libra ♎, ou autre semblable: iceulx coupent le cercle en deux parties egales, laissant d'un costé 180. degrés, &

180. de l'autre. Iceluy regard est d'inimitié parfaite. Coniunction est, quand deux ou plusieurs planettes sont sous vn mesme signe, & degré d'iceluy : & pour plus facile, & claire intelligence, ie t'ay mis icy la figure desdicts aspects.



Pour sçauoir l'horoscope, & degrés ascendans de noz reuolutions des natiuités, elections, & autres choses.

CHAP. XXVIII.



Euolutions se prennent en plusieurs sortes, & de toutes pouuons vsr. Et premiere-
ment, reuolutions tant des ans du monde,
comme des natiuités & autres choses, des-
quelles

quelles si tu es curieux pourras aiseement sçauoir en re-
 gardant aux liures à ce requis, lesquels t'instruiront &
 donneront la vraye congnoissance. Reuolution des moys
 du Soleil est l'entree du Soleil à la premiere minute d'un
 signe: car adonc cōmencēt les vrays moys naturels. Il y ha
 vne autre reuolution des moys Lunaires, lesquels com-
 mencent aux nouuelles Lunes. Ilz sont aussi reuolutions
 des moys Lunaires aux natiuités, & sont toutes et quan-
 tesfois que la Lune retourne au mesme signe, degré, &
 minute, qu'elle estoit à la natiuité: & ce en 27.iours; &
 quasi 8.heures. Pour renouueller les reuolutions des ans, il
 conuient auoir vne heure fixe, & tous les ans y adiouster
 87.degrés 18.minutes: ou 5.heures 49.minutes & 16.se-
 condes, qui est presque tout vn. Ou bien calculer l'heure,
 & la minute, que le Soleil entrera à la premiere minute
 du signe de Aries iceluy an: & à semblable heure &
 minute à ton Astrolabe mettras la droicte ligne de ta re-
 gle sur le bort, & sans remuer icelle de son lieu tourne-
 ras l'Aranea iusques à ce que tu ayes mis le premier
 poinct du signe de Aries, noté en l'ecliptique, soubz la
 droicte ligne d'icelle regle: & ce faict tu verras sur la
 ligne de ton Horizon oblique le signe, & degré, qui sera
 ascendant. Comme si ceste annee 1545. sur l'Horizon de
 Lyon le Soleil entraist à la premiere minute du signe de
 Aries le dixiesme iour du moys de Mars à 4.heures 6.
 minutes apres mydi, tu trouuerois lors, que le neufiesme
 degré du signe de la Vierge seroit ascendant d'icelle an-
 nee,

Notable.

nee, & ☿ seroit le seigneur de l'ascendant, pource que le signe de la Vierge est l'une de ses maisons. Mais il conuient icy noter, que tous mouuements notés aux ephemerides sont calculés au mouuement de l'ecliptique feinte du premier mobile, & les conuient reduire au mouuement de la huitiesme Sphere, car autrement en prouierdroit erreur. Tu dois d'auantage entendre, que chasque planette excepté le ☉, & la ☿, ont deux maisons propres à eulx, desquelles l'une est diurne, & l'autre nocturne. Mercure donc ha pour ses maisons le signe de la Vierge, & le signe de Gemini: Gemini est la diurne, & la Vierge la nocturne. La Lune ha Cancer pour sa maison diurne, et nocturne. Le Soleil Leo, diurne, & nocturne. Saturne Capricorne, & Aquarius: Aquarius diurne, et Capricorne nocturne. Iupiter ha Sagittarius, & Pisces: Sagittarius diurne, & Pisces nocturne. Mars Aries, & Scorpius: Aries diurne, & Scorpius nocturne. Venus ha pour ses maisons le signe de Libra, & de Taurus: dont Libra est diurne, & Taurus nocturne. Or pource que plusieurs sont curieux d'entendre l'Astronomie, laquelle n'est commune à vn chascun, ains leur est occulte tant pour faulte d'entendre la langue Greque, ou Latine, que pour autres raisons, il ne sera mal seant de declarer icy la propriété des douze maisons celestes.

Propriété des
12. maisons.

LA premiere maison, qui est celle qui naist sur la terre en la partie Orientale, est le commencement de toutes choses soyent bonnes, ou mauuaises. ☿ qui est planette mediocre,

diocre, c'est à dire bon avec les bons, & mauuais avec les mauuais, se resiouyt en icelle maison, mesmement au degré ascendant. La seconde maison, qui est succedente à la premiere, est la maison de longuement viure, de bonne substance, de gaing, ou profit domestique. La tierce maison, qui est cheante, est la maison des freres, sœurs, prochains parents, & affins de par la femme, de briefs, ou peus voyages, de mutation, de repos & de religion: en icelle troiesme maison se resiouyt la ♃, laquelle est froide & humide, benigne, & dont les effects sont manifestes. La quarte maison, qui est l'angle de mynuict, ou fondement de tout, est la maison du propre heritage paternel, du lieu ou lon est nay, des choses fermes & stables, & des thresors cachés. Icelle maison signifie le pere. La quinte maison, qui est succedente à la quatriesme, est la maison de plaisirs, & voluptés d'enfans, de vestemens, de musique, de viandes, & d'abondance de thresors, d'ambassades, ou messagers: ♀ qui est planette fortunee, froide, & humide, benigne, & phlegmatique, se resiouyt en icelle cinquiesme maison. La sixiesme maison, qui est cheante de l'angle de mynuict, est la maison de maladies, de petites bestes tant à quatre pieds, que autres, de seruitude & chetiuité: ♂, qui est planette infortunee, chauld, sec, & cholere, se resiouyt en icelle sixiesme maison. La septiesme maison, qui est l'angle d'Occident, est la maison de nopces, de femmes, de tençons, contrarietés, & d'ennemis publiques, & de la moytié de la vie humaine. La

huictiesme maison, qui est succedante à la septiesme, est la maison de mort, ou fin de la vie: icelle maison est la maison de substance de la femme, de richesse, de heritage, qui vient par escheutes de grands maladies. La neufiesme maison, à laquelle le Soleil ☉, qui est chauld, sec, & bening, se resiouyt, est la maison de foy, de religion, de philosophie, & sapience, de grands voyages, de deuinations, de songes, & interpretations. La dixiesme maison, qui est l'angle de Mydi, est la maison Royale, de grand honneur, & exaltation, de memoire, de grande maïesté et renommee: icelle maison est attribuee à la mere, combien que à toutes natiuités le ☉ est significateur du pere, et la ♀ de la mere: & selon la disposition d'iceulx, tu pourras iuger du pere, et de la mere. La vnziemesme maison, laquelle est succedante à la dixiesme, est la maison d'esperance, de fortune, de grands loz, d'amys de grand' affinité, d'amour, & de faueur. En icelle se resiouyt Iupiter, qui est planette de grande fortune, chauld, et humide, sanguin, & bening.

La douziemesme maison, en laquelle se resiouyt Saturne planette de grande infortune, froid, & sec, melancolique, maling, ennemy de nature, & destructeur de vie. Icelle est maison de tristesse, d'enuie, de deception, astuce d'ennemis couuerts, de grandes prisons, de seruitude, de grosses bestes, comme cheuaulx, & autres: parquoy, selon la disposition des seigneurs des maisons susdictes, tu pourras iuger des effects. Et icy metz fin quant aux utilités de la partie celeste.



LES VTILITEZ DE LA PARTIE TERRESTRE,



Servant à mesurer les dimensions, tant en longueur, largeur, que profondeur, trouués par l'eschelle Altimetre.



LEST bien necessaire & requis, de accommoder quelques introductions en maniere de Preamble aux mesures, qui se font par art de Geometrie. Geometrie donc est vne doctrine, & enseignement de grandeur, & des formes & figures, qui se contemplent & peuuent imaginer selon la grandeur. Et à parler simplement, Geometrie est vn nom tiré, & prins du Grec, qui signifie autant, comme qui diroit mesure de terre. Les premiers inuenteurs d'icelle (comme tesmoigne Alphorabius) ont esté les Egyptiens à cause de la necessité qu'ilz ont, de la diuision des bouts & extremités de la terre, lesquelz le fleuve Nilus, au temps du deluge, confondoit par inundations, en les retirant du limon de la terre. Et

Diffinitio de
Geometrie.
Inuenteurs de
Geometrie.

iceulx mesmes ont derechef distingué les Egyptiens par raisons, & principes Geometriques, en rendant à un chascun d'iceulx, ce qui leur appartenoit. Mais combien que ceste speculation, & imagination ayt esté premiere-ment inuentée pour l'aissance, & commodité de la mesure & dimension de la terre, & d'illec ayt prins & tiré son nom, & denomination: si est ce toutesfous, que qui diligemment cherchera la raison d'icelle, par les choses posteriores, il trouuera, que la commodité d'icelle imagination, s'estend à autres choses, desquelles la congnoissance est de grand profit, & l'exercice de grande recreation: & ne se fault aucunement esbahir, si tant ceste, que les autres disciplines, & enseignemens ont prins leur commencement par opportunité & profit: car tout ainsi que les Pheniciens ont prins le commencement de la congnoissance examinee des nombres, à cause des commutations, & changemens: aussi les Egyptiens ont prins la Geometrie, pour les causes, & raisons dessusdictes. Amy lecteur tu comprendras facilement, & aysément le grand profit, & nécessité de cest art par experience: quand tu auras appris & conceu, la maniere de mesurer par instrumens. Et certes elle produict, & met en auant plusieurs ars, comme la Mecanique, & la Perspective: par lesquelles elle ayde, & profite beaucoup à la vie humaine. Et certainement les instrumens de guerre, comme machines, artilleries, bombardes, & autres deffenses ont esté inuentés & instruits, par les preceptes, & enseignemens de

Grand profit,
& recreation
de Geometrie

Pheniciens pre-
miers inuen-
teurs de l'arif-
metique, &
Egyptiens de
la Geometrie.

Geometrie
profitable à la
vie humaine.

de cest art : pareillement la congnoissance du cours des heures, les assiettes des lieux, & dimensions, ou mesures, tant de la terre, que de la mer. Et dauantage ha produict les trebuschets, & balances, pour egalelement rendre par iuste & loyale mesure, à un chascun ce qui luy appartient. Plus ha exposé, & mis deuant l'œil de l'homme par similitudes & imaginations, l'ordre & intelligence du Monde vniuersel, & generalement de tout ce, qui est contenu en iceluy. Ha demonstré les distances & grandeurs de tous les corps celestes, à sçauoir le Soleil, Lune, Planettes, & Estoilles. Finablement ha esclarcy, descouuert, & faict probables à l'homme plusieurs choses confuses par ignorance, lesquelles de soy mesme n'admettoient ny receuoient aucune foy. Il se dict en oultre, que Thales Milesius, qui premierement de Grece, se transporta en Egypte, ha apporté cest art dudiect Egypte, & puis la introduict en Grece: & depuis ha inuenté & adiousté plusieurs choses en ceste faculté. Apres luy est suruenü Ameristus, homme fort studieux, & amateur de Geometrie, lequel ha suiuy Anaxagoras Clazomenius, & pareillement Theodorus Cyrenæus. Hippocrates toutesfois ha esté le premier, qui ha escript les fondemens de Geometrie, auquel ha succédé Platon, qui y ha beaucoup adiousté. Pareillement plusieurs autres, apres lesquels Euclides ha recueilly, & excerpté les elemens. A Euclides ha succédé Oronce Finée Delphinois, lequel apres auoir leu à Paris, diligemment & continuellement, par l'espace de

Par la Geometrie, ont esté inuentees plusieurs choses.

La Geometrie à esclarcy plusieurs choses confuses.

L'art de Geometrie apporté d'Egypte en Grece par Thales Milesius.

Ameristus.
Anaxagoras
Clazomenius
Theodorus
Cyrenæus.

Hippocras premier homme qui ha escript les fondemens de geometrie
Platon.

Euclides.

Oronce Finée, lecteur ordinaire du Roy.

trente ans, ou enuiron, les sciences Mathematiques, en icel les ha faict œuures tresexcellentes.

Des genres & especes de Geometrie.

CHAPITRE I.

Genres de
Geometrie.



Especes de
Mesures.

Altimetrie.

Planimetrie.

Stereometrie.

Il y ha en Geometrie deux genres, c'est à sçauoir la Theorique, & la Pratique. La Theorique est celle qui regarde & contem ple les grandeurs, proportions, & mesures d'icelles, par imagination d'esprit seulement. La Pratique se dict, quand par experience sensible nous mesurons l'incongneüe quantité de quelque chose. Icelle ha trois especes de mesures, à sçauoir, Altimetrie, Planimetrie, & Stereometrie. Altimetrie, est mesure de haulteur & longueur, & se dict tant seulement de la mesure de grandeur, selon vne dimention, c'est à dire, selon la longueur seulement: Planimetrie, est mesure de planure, & se dict la mesure des quantités, selon la longueur & largeur. Stereometrie, c'est à dire mesure des choses solides, et stables, se dict des mesures de grandeur, selon la longueur, largeur, & profondeur, et est dicte par vne diction Grecque Stereon, qui signifie, en François, solide, ferme, stable, & bien fondé: & Metron, qui vault autant à dire, comme mesure: comme qui diroit, mesure des choses solides. Nous disons toutes choses solides celles qui s'estendent par trois interuales, ou dimentions, à sçauoir, par longueur, largeur, et profondeur: car premierement nous mesurons par lignes,

lignes, secondement par mesures superficielles, tiercement par mesures corporelles. Oultre, mesurer quelque grandeur, est trouuer quantesfois se trouue en icelle quelque Mesurer.

grande, ou fameuse quantité: ou la quantiesme, ou les quantiesmes pars sont de quelque grande quantité, ou grãdeur.

Les quãtités fameuses sont celles qui sôt usitées enuers plusieurs, cõme vn doigt, vn palme, vn pied, vne coudee, vn pas, ou hal, vne perche, vn stade, vn miliaire, vne lieüe, et choses semblables. Vn doigt c'est la moindre, la chose de la Fameuses quãtites des mesures.

quelle usoyent les Anciens à mesurer leurs terres, et contiennent iceluy doigt quatre grains d'orge, disposés l'un touchant l'autre en largeur, comme pourras veoir cy apres. Doigt.

Vn palme contient quatre doigts.

Palme.

Vn pied contient quatre palmes.

Pied.

Vne coudee contient vn pied & demy, & est appelée par plusieurs vne aulne. Coudee.

Vn pas de geometrien contient cinq pieds, parquoy est appelé pas double: le pas simple ne contient que deux pieds & demy. Pas.


Vne toise contient six pieds.

Toise.

Vne perche, ou mesure, de laquelle use communement le geometrien, est vne verge assez longue, contenant dix pieds, & pour ceste cause est appelée decempeda: mais la perche est dictée par similitude de porter, car le mesureur la porte à sa main pour mesurer les champs. Perche.

Vn stade contient cent vingt cinq pas, & est dictée stade par similitude d'arrest, ou demeure, pource que les en- Diffinition de Stade.

FIGURE DV PIED ROYAL,



PRACTIQUE DE

fans courans s'arrestoyent à la fin dudict espace: ou pource que Hercules auoit premierement signé tel espace, estant arresté apres qu'il eut, ou auoit couru, d'un seul soufflé.

Vn miliare contient huiet stades, qui sont mille pas, pour cause desquelz est nommé miliare.

Vne lieue Françoisse cōtient deux miliars, ou seize stades, qui valent 2000. pas.

Vne lieue commune contient 2666. pas & deux tiers.

Vne grand' lieue contient 4000. pas.

Il est à noter, que ceulx qui ont traicté des Mathematiques, & mesures, en ont beaucoup dict: mais quant à la demonstration par figure, bien qu'elle soit necessaire s'en trouue peu, & la figure laissée rend grande obscurité, mesmement aux parties fondamentales. Parquoy i'ay icy mis la figure du pied.

Ceste dicté figure, est celle, que l'excel lent Budee donna à Glareanus, luy asseurant estre venue des Romains, aux Gaulois, cōme plusieurs autres choses: De semblable mesure vsent à Paris (qui est la seconde Athenes, pour le iourd'huy) tous

ouuri

ouvriers publics. Et si plus tu en veulx estre certifié, regarde le quinzième chapitre de la Geographie du docteur Glarean, lequel outre ce, dict avoir considéré en plusieurs contrees la figure du pied, dont en plusieurs d'icelles estoit plus grande, & en autres plus petite, au respect de la presente, parquoy il afferme ceste icy estre la vraie, par le regard de laquelle, les autres estoient dictes plus grandes, ou plus petites.

Glareanus.


EN apres pour sçavoir les principes de bien mesurer, fault noter, que tous principes & commencemens, de toutes parties mesurables, sont totalement semblables. Car (comme dict le Physicien) Toute vision (en comprenant les especes d'une chose visible) est causee par le dedens, & la quantité de la chose visible, est comprise sous quelque coing bien aigu, par forme & maniere de fondement: & d'autant qu'il est plus aigu d'autant est la quantité d'iceluy ingee moindre par bonne raison, iouxte le principe, qui dict, que à petit coing, respond petit & moindre fondement. Et par ainsi la haulteur tient lieu d'une ligne droite, par vision, & regard de haulteur: & l'espace d'une autre: & la ligne visible tient lieu d'une autre troisieme ligne: desquelles trois, est fait & constitué le Triangle. Il s'ensuit donc, que toute haulteur mesurable, ou à mesurer, ou espace & profondeur doit tousiours estre speculee, & imaginee selon ses droictes lignes, comme plus à plain pourras veoir par experience en la figure, qui s'ensuit, figuree & signee par A, B, C, en laquelle

Notable.

Triangle fait
par trois li-
gnes droictes

g s les

les haulteur, & espace, sont & comprennent un droit angle : c'est à sçauoir, C, & aucunes fois soubz l'anglet de B, nous comprenons l'estat de A, C: & autres fois soubz l'anglet de A, comprenons B, C, & ainsi selon la petitesse des deux anglets aigus A, et B, pouuons comprendre chose plus grande, ou moindre. Et ce par sens & iugement de raison: comme plus à plain est contenu en la perspective.



ET pource qu'il n'est pas du tout possible, que le sens & la raison puissent bien congnoître la vraye quantité de


de l'anglet aigu & variable, par ainsi il seroit tres difficile de naturellement comprendre la certaine quantité d'une chose, par la science de la perspective seulement. A ceste cause les anciens Geometriens, & mesureurs, ont inuenté certains instruments artificiels: & par le moyen d'iceulx ont donné facilement à congnoistre les quantités des choses, avec la certitude d'icelles. Mais pour ce qu'il y ha plusieurs & diuers instruments seruaus et faicts pour cest art, comme sont un Cadran, un Triangle geometrique, Baculus Iacob, Vmbaculum visorium, Verge geometrique, Horloge manuel, Quilindre, & autres, desquelz l'usage seroit long à declairer, ie passe outre, et dy, que à la partie postérieure, ou dos de l'Astrolabe, est un cadran, & regle, contenant l'eschele altimetre, dont la ligne de mynuict, qui est appelée la station, ou arrest, tient le lieu de la profondeur, ou haulteur. L'eschele ioincte à icelle, située, & mise à trauers, est l'eschele de la droite ombre, ou estendue: & est diuisee en douze parties egales, lesquelles s'appellent doigts, ou poincts, de la regle de la droite ombre. L'autre eschele, qui est droite, tendant vers l'aneau, est l'eschele de l'ombre reflexe contraire à la droite: icelle est aussi diuisee en douze parties. Ces deux escheles ainsi diuisees, & ioinctes, font un angle droit. Le diametre du cadran s'appelle la ligne et ombre du milieu: la ligne fiduciale de l'alhidade est l'ombre, ou ligne visuelle. Pour exemple prendras la figure cy apres pourtraicte.

Diuers instru-
mens de Geo-
metrie.

Eschele de la
droite om-
bre.

Eschele de
l'ombre re-
flexe.

Diametre du
cadran, appel-
lé ligne de
l'ombre du
milieu.



Toute chose
mesurable di
uisee en dou
ze parties ega
les.

A V surplus est à considerer, que à chasque chose me-
surable nous supposons toute grandeur finie, ou termina-
ble, soit longue, soit briefue, estre diuisee en douze parties
egales, lesquelles nous appellons doigts, ou poincts : & par
ainsi vn doigt, ou vn poinct, est la douziemesme partie d'v-
ne chose diuisee en douze. De ces parties doncques
ainsi diuisees, il y en ha aucunesfois quelques vnes qui sont
egales de nombre avec l'ombre, comme en haulteur au-
tresfois moindres, ou plus grād nombre, selon ce que l'vm-
bre est plus grande, ou moindre, par la diuerse haulteur
du Soleil, ou de la Lune : & pour ceste cause nostre ca-
dran ha deux costés, qui sont partis en douze parties ega-
les :

les: apres desquelles parties nous apprenons & comprenons ces manieres & diuersités des choses, & vmbres.

Il y ha deux manieres d'vmbres, à sçauoir la droite, & la verse, ou reflexe: nous appellons l'ombre droite, ou

Deux manieres d'vmbres.

estendue, celle qui est faicte à la superficie & eminence de l'Horizon par vne chose esleuee directement, & par

Vmbre droite.

droite ligne, sur la superficie & eminence dudit Horizon, comme l'ombre d'une Tour, ou autre chose semblable.

Et l'ombre verse, ou reflexe, est celle qui est faicte par vne chose distante également de la superficie, ou eminence dudit Horizon, en & sur icelle mesme superficie

Vmbre reflexe.

directement reglee & mesuree sur ledict Horizon, comme l'ombre d'un compas, ou fil d'un cadran à monstrier

les heures, ou autre chose semblable mise en vne paroy, ou muraille. Et note, que l'ombre droite descroit tousiours,

Notable des vmbres.

& continuellement deuant mydi: & au contraire, croit apres mydi, & l'ombre verse par le contraire. Or donc,

quand tu voudras reduire les poincts de ton ombre droite aux poincts de ton ombre reflexe, diuise 144. que

sont douze fois douze, par le nombre des poincts de l'ombre droite: & le nombre quotient, ou quantiesme, sera le

nombre des poincts, verse, ou reflexe. Semblablement si tu veulx conuertir les poincts de l'ombre reflexe es poincts

de l'ombre droite, diuise pareillemēt 144. par les poincts de l'ombre reflexe, & le nombre produict sera le nombre

des poincts de ton ombre droite. Il conuient noter, que les hauteurs des choses sont mesurees par double

Hauteurs mesurees par double voye.

voye,


voye, à ſçauoir, par instrument, ou ſans instrument : ſans instrument ſe meſurent, & ainſi le fault entendre, ou moyennant l'vmbre de la choſe, ou moyennant la ligne viſuale, droicte, ou reflexe. Mais les instruments, qui nous aydent, & enſeignent à prendre les meſures, ſont de pluſieurs ſortes, comme nous auons dict, entre leſquelz l'un eſt appellé Gnomon, ou altimetra Scala, c'eſt à dire, la regle, ou eſchele, pour directement ou iuſtement meſurer par haulteur : & cela eſt le cadran, qui eſt au dos de l'aſtrolabe, par lequel nous pouuons aiſement chercher les haulteurs des choſes par le moyen de la ligne viſuale, ou du ray du corps enluminé, comme par cy deuant ha eſté plus amplement deduiſt. Ces choſes precedentes ſommairement declairees, & expoſees, viendrons maintenant à noz meſures Geometriques.

Pour ſçauoir la haulteur d'une Tour, ou autre choſe, par l'vmbre d'icelle. CHAP. II.



Il eſt neceſſaire de preallablement comprendre la haulteur de quelque corps que ſe ſoit, par l'vmbre d'iceluy meſme eſtât droict eſleué perpendiculairement en un plain. Quand donc tu voudras meſurer la haulteur & grandeur de quelque choſe acceſſible, quelle qu'elle ſoit, perpendiculairement eſleuee ſur un plain, et de laquelle tu peulx veoir facilement le ſommet, & bout d'enhault, et pareillement le bout d'embas, & icelle tu veulx meſurer par le moyen de

de son ombre, le Soleil ou la Lune estans en leur lumiere. Par l'office de ton Astrolabe tu prẽdras de iour la hauteur du Soleil, & de nuict celle de la Lune, comme par le second & troisieme chapitre de la pratique de l'Astrolabe est dict: & si tu vois que la ligne fiduciale de ton Alhidade touche precisement la ligne de l'ombre du milieu, lors le Soleil, ou la Lune seront esleués sur ton Horizon quarantecinq degrés, & la hauteur d'une chascque chose egale à son ombre. Or mesure donc l'ombre de quelque chose, & tu auras sans doubte la hauteur d'icelle. Et pour exemple tu as la figure cy dessoubz.



Pour sçauoir la hauteur de toutes choses, quand
le So


le Soleil, ou la Lune sont esleués plus, ou moins
de quarantecinq degrés. CHAP. III.



L Aissant pendre ton Astrolabe contre le
Soleil, ou la Lune, comme par le second &
troisiesme chapitre de la pratique de l'A-
strolabe ha esté dict, esleuant ou deprimant
l'Alhidade iusques à ce que les rays du Soleil, ou clairté
de la Lune, qui entrent par les pertuis d'une tablette, sor-
tent par son opposite, & le degré, ou poinct, de l'eschele
de l'umbre droicte, sur lequel sera la ligne fiduciale de
ton Alhidade, noteras: car en mesme proportion des dou-
ze, que se rapportera la ligne fiduciale de ton Alhidade,
en semblable proportion seront les umbres à leurs corps,
cōme si tu trouue le Soleil, ou la Lune esleués de soixāte-
trois degrés, & demy, la ligne fiduciale de l'Alhidade se-
ra sur le sixiesme poinct de l'eschele de l'umbre droicte:
parquoy pourras dire, & iuger l'umbre, la moytié plus
petite que son corps. Et ainsi fault discerner & iuger de
toutes autres choses, comme si la ligne fiduciale touche le
quatriesme poinct de l'eschele de l'umbre droicte, tu iu-
geras la haulteur de la chose deux tiers plus grande que
son umbre: car quatre est trois fois en douze, & quatre
n'est que la tierce partie de douze. Mesure donc l'umbre
d'une chose par quelque mesure qui te soit congneüe (com-
me pourroit estre vn pied, une toise, ou une perche) icelle
multiplie par douze, diuise le produict par les poinctz de
l'umbre touchés par la ligne fiduciale de ton Alhidade,
le nomb

le nombre quantiesme te monstrera facilement la hauteur de la chose. Pour exēple nous prendrons huit poincts de l'vmbre droicte, trouués par l'elevation du Soleil, ou de la Lune, & estendrons l'vmbre du corps reglement & directement, droict eslené iusques à la quantité de six perches, & multiplierons ces six perches par douze, qui nous donront septantedeux : iceulx 72. diuiferons par huit poincts de l'vmbre droicte, ia trouués, & le nombre quotient, ou quantiesme, sera neuf : car en 72. sont neuf fois huit. Je diray, & concluray, que la hauteur du corps est de neuf perches, ce qui te sera plus clairement demonstré par la figure cy dessoubz.

Exemple.




Notable.

IL est à noter, que toutesfois & quantes que le Soleil, ou la Lune excèdent en leur eleuation 45. degrés, la ligne fiduciale de l'Alhidade est sur l'eschele de l'ombre droite, & lors les ombres sont plus petites que leurs corps: & au contraire, quand sont moins esleuees: car la ligne fiduciale de l'Alhidade est sur l'eschele de l'ombre verse, ou reflexe, et lors les ombres sont plus grandes que leurs corps: comme si la ligne fiduciale de ton Alhidade estoit sur le quatriesme poinct de l'eschele de l'ombre reflexe, le corps n'auroit lors que la tierce partie de son ombre. Si donc tu prends la tierce partie de l'ombre, tu auras la haulteur de la chose, laquelle pourras mesurer par une mesure à toy congneüe, comme pourroit estre une perche, une toise, ou un pied: autrement, si tu ne peulx entendre ce tiers, quart, moytié, ou douziésme d'ombre, mesure toute l'ombre par une mesure telle que voudras, & icelle multiplie par les poincts de ton eschele, sur lequel chet, ou touche, la ligne fiduciale de ton Alhidade, & le produit diuisé par douze, le quotient, ou nombre quantiesme

Exemple. sera la vraye haulteur de la chose. Exemple. Prends le cas, qu'en regardant l'eleuation du Soleil, ou de la Lune, la ligne fiduciale de ton Alhidade soit, ou resèque quatre poincts de l'ombre reflexe, mesure lors toute l'ombre de quelque chose telle que voudras, comme pourroit estre une Tour: prends le cas, que icelle ombre ayt quarantecinq pas de longueur, multiplie quarantecinq par quatre, & auras cent oclante, lequel 180. diuiseras par douze,

&

Et auras par ton nombre quotient, ou quantiesme, quinze. Tu pourras donc dire, Et conclure, que la haulteur de la chose, que tu veulx mesurer, est de quinze pas, comme tu peulx veoir par la figure cy dessoubz.



Pour trouuer la haulteur de toutes choses accessibles, estans en lieu plain, par la ligne visuelle.

CHAP. IIII.

OR est il maintenant necessaire de chercher autrement, que par l'umbre, la haulteur de vne chascune chose esleuee, Et accessible, situee Et assise en vne planure egale. Arreste donc la ligne fiduciale de ton Alhidade au milieu


b 2 du

du quarré, ou sur le coing de l'eschelle Altimetre, c'est à dire, sur la ligne de l'ombre du milieu, ou sur le quarantecinquesme degré du cercle des hauteurs, lequel respond à icelle ligne. Et sans toucher à ton Alhidade, esleue ton Astrolabe contre la chose que tu veulx mesurer, en t'approchant, ou reculant d'icelle, iusques à tant que la ligne visuelle, passant par les deux pertuis des pinules, se vienne à offrir & presenter à la sommité de la chose, c'est à dire, iusques à tant que tu voyes le sommet, ou plus hault de la chose, par les pertuis des deux tablettes. Cela fait, mesure l'espace qui est depuis le milieu de ton pied iusques au pied de la chose esleuee, en y adioustant toutesfois la grandeur de ta stature, la prenant depuis la veine de ton oeil, visant en terre, à la plaine, laquelle tu adiousteras tousiours directement derriere toy, & aussi grande que sera icelle quantité egalee, tant grande sera certainement la hauteur de la chose esleuee. Et pour exemple

Exemple. soit icy situee une Tour en un lieu plain, laquelle nous mesurerons depuis A, B, la ligne fiduciale estant en la ligne de l'ombre du milieu, nous aduiserons à trauers les deux pinules, par les trous d'iceulx, le sommet & plus hault de ladicte Tour : & soit l'espace d'entre le fondement, ou pied de la Tour, & du milieu de mon pied D, B, & la longueur, ou hauteur, depuis l'œil iusques en terre I, D, laquelle adiousterons en le reiectant par derriere à l'espace D, B, iceluy espace (apres auoir adiouste icelle stature) I, D, B, nous mesurerons par une continue mesure à

nous

nous congneüe, laquelle sera egale à la haulteur de la Tour, comme plus amplement et facilement pourras veoir par la figure cy dessoubz.



EN te rememorant la figure precedente, & la declaration d'icelle, tu pourras facilement comprendre la mesure de la haulteur cy apres protraicte sans muier du lieu. Mais si tu veulx finer ce, que mesmement t'auons determine, sans (comme ie t'ay dict) te mouoir d'un lieu, il t'y fault proceder par la maniere, qui s'ensuit. Prends ton Astrolabe à la main, & le laisse prendre liberalement : approche le contre la haulteur d'une Tour, ou Clocher en y poulsant ton Mediclinium, ou Alhidade, iusques à ce que

Autre façon de mesurer sans se mouoir.

tu puisses veoir le sommet de ton clocher, par le pertuis de
 tes deux pinules: Et si lors la ligne fiduciale de ton Alhi
 dade, est sur le costé de l'ombre droicte, c'est signe que la
 haulteur de ton clocher est plus grande, que l'espace en
 treprins, entre le pied du clocher, et le milieu de ton pied:
 Et en proportion des douze, qui se referera la ligne fidu
 ciale de l'Alhidade, en mesmes, Et aussi grande se rappor
 tera la haulteur du clocher à l'espace qui est entre toy Et
 iceluy, en adionstant toutesfois la grandeur de ta stature:
 comme par cy deuant est dict. Et se doit ainsi practi
 quer. **Practique.** Gardé diligemment le nombre des poinçts droicts
 resequés par la ligne fiduciale de ton Alhidade: en apres
 mesure l'espace, qui est comprins entre le bas, ou pied de
 la chose, que tu veulx mesurer, Et le milieu de ton pied,
 par quelque mesure, qui te soit congneüe: comme pourroit
 estre pieds, pas, toises, ou autres: Et le nombre d'icelles
 mesures multiplie par douze, Et le produict diuise par le
 nombre des poinçts resequés, par la ligne fiduciale de l'A
 lhidade: Et ce qui sortira de la diuision, sera la haulteur
 de la chose, en y adionstant la grandeur, Et quantité de
 ta stature: comme si tu voulois mesurer la haulteur du
 clocher, la sommité duquel fust B, Et le pied C, Et l'espa
 ce depuis le pied d'iceluy, qui est C, iusques au milieu de
 ton pied, qui est D, est de cinq pas: Et la haulteur de ta sta
 ture, c'est à dire depuis ton oeil, iusques à ton pied, qui est
 E, Et D, est de deux pas: Les poinçts de l'eschele de l'om
 bre droicte touchés de l'Alhidade sont en nombre de six:
 multip

multiplie douze, qui sont les douze poinçts de ton eschele,
(car plus ny en peult auoir) par cinq que sont les cinq pas,
qui sont depuis c, D; & tu auras soixante : diuise 60. qui
est ton produict, par six, qui sont les six poinçts, sur les-
quelz la ligne fiduciale de ton Alhidade ha touché, &
ton nombre quantiesme, qui est nommé quotient sera dix :
adionste à ton nombre de dix deux pas, qui est la haulteur
de ta stature, & tu auras douze pas. Parquoy pour-
ras dire & conclure, que la haulteur de ton clocher est
de douze pas, cōme le tout tu peulx veoir icy par figure.



MAIS si en aduisant la haulteur de quelque chose, tu
trouues que la ligne fiduciale de ton Astrolabe soit sur le

h 4 quart,

quart, sixiesme, ou autre point de l'eschele, de l'ombre reflexe : en pareille proportion se rapportera la haulteur de la chose, qui se doit mesurer. Et la pratique de ceste partie est telle : Garde à part les points de l'eschele de l'ombre reflexe, demonstres par la ligne fiduciale de la Alhidade : en apres mesure la distance, qui est entre le milieu de ton pied, & la racine, ou pied de la chose, de laquelle tu veulx auoir la haulteur, par telle mesure, qu'il te plaira, & le nombre d'icelles mesures, multiplie par les points desia notés en l'eschele de ton ombre reflexe, & le produit, diuise par douze, & en ton nombre quantiesme, ou quotient, tu auras la quantité de la haulteur de la chose, en y adioustant (comme dict est) la haulteur, ou quantité de ta stature. Pour exemple prens vne chose pour mesurer la haulteur, de laquelle est F, G, & l'espace entre le pied d'icelle, & du mesureur est G, H, qui est longue de quarante pieds. Les points de l'ombre reflexe est de six points : & la stature du mesureur, qui est H, I, soit de cinq pieds. Or multiplie 40. pieds par six points de l'ombre reflexe, et prouiendront 240. diuise iceulx deux cens quarante, par douze, & auras pour ton nombre quantiesme vingt : adiouste y la haulteur de ta stature, laquelle est de cinq pieds, & tu auras la haulteur de la chose proposee, qui est à mesurer: et de ce t'en auons produit icy vne figure.

Exemple.



o v si mieulx te plaist, reduis (en ensuyuant la doctrine
 cy deuant escripte) les poinçts de l'vmbre reflexe, qui sont
 fix, aux poinçts de l'vmbre droicte: & seront les poinçts
 de l'vmbre droicte, correspondants à 24. par lesquels tu
 diuiseras toute la somme ressortissante du produit 40. en
 douze, scauoir est 480. & au nombre quantiesme assor-
 tiront vingt pas, qui mesurent la haulteur F, G, en y adiou-
 stant tousiours (côme dict est) ta stature, qui estoit de cinq
 pieds. Et par ainsi ces deux operations tendent à vne mes-
 me fin. Il fault toutesfois bien pourpenser, que ce qui est
 dict, sera veritable, si l'espace, qui est entre toy, & la cho-
 se, qui se doit mesurer, est plaine & non raboteuse. Car

Norable.

h s si tu

si tu vois, qu'il soit autrement, lors tu mettras la ligne fi-
 duciale de ton Alhidade sur la ligne diametrale de ton
 Astrolabe, laquelle est autrement nommee ligne de l'Ho-
 rizon vniuersel. Ce faict, regarde par les deux pertuis de
 tes tablettes quelque poinct, ou signe, en la chose qu'il te
 fault mesurer, & le note: & conuient que iceluy poinct,
 ou signe, avec ton œil soit en vne ligne droicte egale-
 ment distante de ton Horizon. En apres regarde & conside-
 re le sommet de la chose que tu veulx mesurer par l'offi-
 ce de l'Astrolabe, & mesure l'espace qui est entre ton
 pied & ce qu'il te fault mesurer par la ligne droicte, sca-
 uoir est avec vne corde, et besongne consequemment ainsi
 que dessus t'a esté enseigné & demonstré, & tu auras
 la haulteur de la chose que tu veulx mesurer, depuis le
 poinct noté, iusques au sommet, & plus hault d'icelle: &
 ne te fault pas prendre alors la haulteur, qui est depuis ton
 œil, iusques en terre: mais au lieu d'icelle, prens la hault-
 eur de la chose, depuis le poinct signé, iusques à la terre,
 & l'adionste à la haulteur de la chose mesurable,
 depuis le poinct noté, iusques à la sommité
 trouuee de la chose que tu veulx me-
 surer, comme dict est: & tu
 auras ton intention
 accomplie.

Pour sçauoir la haulteur de toutes choses, estans
 en lieu plain, desquelles on ne peult appro-
 cher.

CHAP. V.

II



L fault en ce passage, premierelement mesurer par artifice, la haulteur, d'une chose accessible, estant droitement, ou perpendiculairement assise en une plaine. Que si d'adventure par la resistance de l'obiet, & circonfluence d'un fleuve, d'une fosse, ou d'une vallee, l'espace qui est compris entre le pied du mesureur, & le bas & racine de la chose mesuree est inaccessible, par le moyen cy apres deduit tu pourras trouuer la mesure de ta longueur proposee. En lieu plain, en soubzleuant ton Astrolabe, te fault disposer ton Alhidade à l'encontre du sommet de la chose que tu veulx mesurer, iusques à ce que tu puisses veoir ledict sommet par les deux pertuis de tes tablettes, & regarde subtilement & diligemment sur quel costé de l'eschele la ligne fiduciale de ton Alhidade tombera. Que si elle tombe (comme souuentefois aduient en telle maniere de mesurer) sur le costé de l'umbre reflexe, aduise diligemment combien de poincts resequera ta ligne fiduciale: & par le nombre de ces poincts diuise le nombre de 12. & garde ton quantiesme. Comme si ta ligne fiduciale tombe sur trois poincts, lors tu auras quatre pour ton quotient, car quatre n'est que trois fois en douze: iceulx quatre garde en ta memoire, ou autrement. Puis apres marque le lieu ou tu estois arresté, & te retire bien peu du premier lieu ou tu estois au parauant, & esleue de rechef ton Astrolabe à ce second lieu ou tu te seras retiré, & regarde de rechef le sommet de la chose que tu veulx mesurer par les per

les pertuis de tes tablettes: & considere songneusement le nombre des poinçts resequés par la ligne fiduciale de ton Alhidade: par lequel nombre tu diuiferas douze, & le nombre quotient soustrairas du premier, que precedemment as gardé, s'il est moindre, ou plus grand, c'est à dire, l'un de l'autre, pour auoir & retenir leur difference: Comme quoy? prens le cas que la ligne fiduciale du second lieu, ou tu t'es arresté, tombe sur six poinçts, par lesquels tu diuiferas douze, & à ton nombre quotient, te resteront deux, lesquels soustrairas des quatre premiers par toy gardés & réservés, & t'en demeureront deux: ces deux garderas en ta memoire, ou autrement. Puis apres mesure l'espace, qui est entre le premier lieu de ton arrest, iusques au second, par quelque mesure qu'il te plaira, & diuise le nombre d'icelle mesure, par le nombre dernier gardé, qui est deux: & le nombre, qui ressortira de la diuision, te monstrera manifestement ce, que tu cherches, en y adionstant tousiours ta longueur, comme par plusieurs fois t'ay predict. Soit pour exemple, ce qui s'ensuit. Si le nombre de la mesure de ton espace, est de quarante pieds, tu diuiferas iceulx 40. pieds, par le nombre que tu as gardé, qui sont deux, & auras vingt pour ton nombre quantiesme: adionste à iceulx vingt pieds, la haulteur de la stature du mesureur, laquelle i'estime estre de sept pieds: Par ainsi tu dois concevoir & comprendre, que la haulteur de ta chose esleuee, est de 27. pieds. Et par cela ie veulx inserer vne regle, qui est generale. Que, faicte

Exemple.

Regle generale.
ralc.

la

la subtraction des nombres quantiesmes extraicts & gardés, comme dessus, si des poincts de l'ombre reflexe trouués aux deux stations, il t'en reste vn de demeurant alors, l'espace & interualle de tes deux stations sera semblable & egal à la haulteur de la chose, que tu veulx mesurer, en y adionstant, comme tousiours est dict, la stature, ou grandeur du mesureur. Mais s'il y en reste deux de demeurant, ledict espace & interualle, sera deux fois aussi hault, que la chose que tu veulx mesurer. Parquoy en prenant la moytié de ton espace & interualle, & en y adionstant ta haulteur, tu trouueras aysément la haulteur de la chose que tu veulx mesurer. Et s'ilz restent trois poincts de demeurant, c'est à dire de l'une subtraction à l'autre, alors l'espace & interualle de tes deux stations, sera trois fois aussi hault, ou long, que ce que tu veulx mesurer. Par ainsi en prenant la troisieme partie de ton espace: & en y adionstant la stature & haulteur du mesureur, certainement tu cõgnoistras à l'œil la haulteur de ce, que tu veulx mesurer. La pareille feras s'il y restent quatre poincts. Et combien que en exposant les choses deuant dictes, te soit assez apertement declairé le tout par exemples: si adionsteray ie toutesfois encores cest Exemple icy, pour te donner en ce passage plus claire & facile intelligence. Je prends le cas, que tu me mets au deuant une Tour pour mesurer, laquelle est assise & situee en vn lieu bien aplany, & sa haulteur m'est totalement incongneüe, laquelle haulteur, comme tu vois par la subtraction


Exemple.

quen

quente figure H, I. Tu veulx, que ie trouue, & te monstre la haulteur d'icelle, en supposant, que ie ne peulx bonnement approcher la racine, ou bas d'icelle Tour, pour l'empeschement d'une fosse, d'un estang, ou autre pareil cas. Suspendu donc, que sera mon Astrolabe, comme il est de coustume, ie m'arreste premieremēt en ce lieu & point, ou est signé K. Et apres auoir veu & contemplé le sommet de la tour, par les pertuis de mes tablettes, ie trouue par l'attouchement de ma ligne fiduciale, à l'eschele de l'ombre reflexe, six points, par lesquelz ie diuise douze, & me demeurent en mon nombre quantiesme deux: ie garde à part ces deux, & me recule arriere selon ma droicte ligne, & fay mon second arrest au lieu et point, ou est signé L, ie aduise derechef le sommet de la Tour, comme ia t'ay exposé, & trouue que la ligne fiduciale de mon Alhidade est sur deux points de l'eschele de l'ombre reflexe: ie diuise douze par iceulx deux points, & trouue en mon nombre quotient six: ie oste, ou soustrais de ces six, deux, qui sont mes deux premiers points, & m'en restent quatre, lesquelz ie retiens & garde en ma memoire: ce faict ie mesure l'espace, qui est depuis mon premier arrest, lequel est K, iusques au second, qui est L, et trouue (par forme d'exemple) seize pas, lesquelz ie diuise par ce nombre quantiesme, qui m'est resté, lequel est quatre. Je diuise seize par quatre, & vient à mon quotient quatre: i'adiouste avec ces quatre pas, la haulteur depuis mon oeil iusques à terre, qui est de deux pas, & sont tout ensemble

ensemble six pas. Par ainsi ie dy, & conclus, que la partie de la haulteur de la Tour, qui est esleuee entre H, & L, est longue de six pas. Autrement par vn mesme moyen faire la subtraction des poincts susdicts, il y en demeure quatre : ie prens la quarte partie de l'espace, qui est entre K, & L, & trouue qu'elle est de quatre pas : car le quart de 16. sont 4. i' adionste à iceulx quatre pas deux pas, qui est la haulteur depuis mon œil iusques en terre, & sont six pas : & telle sera la haulteur de la Tour, qui est entre H, & I. La figure de ce t'est icy protraicte pour plus clai-
re intelligence.

Autre façon,
ou exemple.



IL te conuient noter, que les pertuis des tablettes par
lesquelz

lesquelz passe le ray, & estendue de nostre veüe pour
comprendre la haulteur de la chose, doiuent estre fort
estroicts: car autrement en aduiendroit faulte, & bien
aysement. Ilz sont plusieurs qui en practiquant ceste pro-
position reduisent les poincts de l'ombre reflexe, trouués
aux deux stations, ou arrests, aux poincts de l'ombre droi-
cte, selon & ensuiuant la doctrine cy deuant declairee:
& multiplient l'espace comprins et cõtenu esdictes deux
stations, par quelque mesure congneüe, & facile, par dou-
ze: & apres retirent le moindre nombre des droicts
poincts du plus grand nombre. Et pour la difference, ilz
diuisent le produict trouuë par multiplication, & asseu-
rent la haulteur de leur chose par le nombre quantiesme,
en y adioustant (comme dict est) la grandeur & hault-
teur de la stature du Mesureur: & ce moyen icy tend à
mesme fin, que le nostre par cy deuant bien exposé.

Pour sçauoir la haulteur d'une Tour, qui est
situee dessus vn mont, ou rocher.

CHAP. VI.



OR maintenant fault poursuyure la mesure de
la haulteur d'une Tour hault esleuee sur une
montaigne, de laquelle le terme, ou bout d'em-
bas, & sommet de la haulteur, se peuuent
voir par l'œil de l'homme estant en une vallee. Et pour-
ce que ie t'ay assez amplement declairé (cõme il me sem-
ble) la maniere de trouuer la haulteur d'une chose situee
en lien

28
48
20
41
137
—

28
48
20
41
109
—

Comme
sable

en lieu plain, maintenant te fault demonst^rer par quelx
 moyens, toy estant assis & arresté en lieu bas, comme en
 vne valee, pourras comprendre la mesure de la haulteur
 de quelque Tour, ou autre pareille chose, esleuee & assise
 en lieu hault, & plus eminent, comme sur vne montai-
 gne. Et certainement, combien que ceste matiere semble
 par trop difficile, toutesfois la raison nous monstre & es-
 clarcit toute voye de nature. Toute chose donc qui est par
 le sommet hault esleuee sur la superficie de la terre, &
 contient plus en haulteur, que la plaine qui est assise &
 situee à ses enuirs, cela se doit dire haulteur: laquelle si
 tu veulx mesurer de quelque lieu different, comme d'une
 valee au dessus vne montaigne, aduise iustement (auant
 toute chose) le naturel Horizon de ton arrest en vn bas,
 ou valee: c'est à dire, que tu ayes quelque planure distan-
 te egale^ment de ton Horizon, en laquelle tu puisses asse-
 ment parfaire ton operation. Et quand tu l'auras conside-
 ree, et regardee diligemment, il fault tout premierement
 considerer par deux stations, & arrests, la haulteur de ta
 montaigne, selonc mesme la doctrine du precedent chapi-
 tre. En apres comprens, et obserue songneusement la hault-
 eur de la montaigne, & de la Tour ensemble: & alors
 soustrais la haulteur de la montaigne de la haulteur
 du tout ensemblement, & le reste sera la haulteur de la
 Tour. Ce qui te sera plus facile à entendre par exemple,
 & demonstration. Prends le cas, que la haulteur de la
 Tour, qui est A, B, soit assise sur la montaigne B, C, de la-
 quelle

Exemple.

quelle le sommet A, & le bout d'embas B, se puissent veoir par le mesureur estant en la vallee. Premièrement, par le chapitre precedent, tu apprens la haulteur de la montaigne par le point B, que tu vois au sommet de ladicte montaigne, & qui s'offre à ta veüe. Et par maniere d'exemple ie trouue en la premiere station, ou arrest, qui est D, six points de l'ombre reflexe: par lesquelz ie diuise douze, & en retire deux du nombre quotient, & garde iceulx deux points en ma memoire, & viens à la seconde station, qui est E, là ou ie trouue quatre points de l'ombre reflexe, par lesquelz ie diuise douze, & trouue à mon nombre quotient trois, ie oste de ces trois deux, qui sont les deux premiers, que i'ay retins à ma memoire, & ne m'en reste qu'un. Parquoy ie veulx inferer par la regle du precedent chapitre, que l'espace & interuale des deux stations, ou arrests, qui sont D, E, la grandeur du mesureur adionstee à icelle, faict & mesure la haulteur de la montaigne. Soit donc l'espace entre les deux stations D, E, en longueur de quatre perches, qui valent 40. pieds, & la grandeur ou haulteur du mesureur, demie perche, qui vault cinq pieds: ie dy, & conclus, que la haulteur de la montaigne B, C, est en longueur de quatre perches & demie, qui valent, ou font 45. pieds, qui est le premier point conclu, & vuydé. Dauantage fault contempler & viser la haulteur de la Tour, & montaigne ensemble, par l'ayde du point supreme de la Tour, qui est A: quoy faisant, trouueras en la premiere station, qui est F, quatre points de l'um

de l'ombre reflexe, par lesquelz diuiferas douze, & prouendront à ton quantiesme trois; lesquelz garderas en ta memoire, & te reculeras pour faire la seconde station, que sera G, & trouueras trois poinçts par lesquelz diuiferas derechef douze, & prouendront quatre en ton nombre quantiesme: d'iceluy nombre de quatre tu en osteras trois, qui sont les trois premiers poinçts gardés en ta memoire, & t'en restera vn. Par ainsi tu pourras dire, que l'interualle, & espace, qui est entre ces deux stations F, G, ensemble la longueur ou stature du mesureur, est egale et semblable à la haulteur de la montaigne, & Tour tout ensemble. Qui prendra vne fois tout cest interuale, & y adioustera la grandeur de la stature du mesureur, il aura la haulteur du tout ensemblement, sçauoir est de la montaigne, & de la Tour. Soit donc l'espace d'entre ces deux stations F, G, en longueur de neuf perches, en y adioustant vne demie perche, qui est la haulteur du mesureur, il aura la haulteur de la Tour, & de la montaigne. En soubsstrayant & retirant donc quatre perches avec la moytié de la montaigne, de neuf perches, & la moytié de tous deux, les Tour & montaigne: la Tour demeure haulte de cinq perches, qui est ce que nous demandions, que facilement congnoistras par la figure cy apres.



Pour sçauoir la longueur d'un champ, ou autres planures.

CHAP. VII.



Planimetrie.

Pres t'auoir suffisamment donné à congnoistre, & entendre, la maniere de mesurer la hauteur estant assise & située en un plain, il te fault maintenant determiner de la Planimetrie, à sçauoir, de la mesure des longueurs par l'office de l'Asrolabe. En ayant donc la congnoissance des choses precedentes, tu entendras facilement ce que te diray cy apres, en peu de paroles, de la mesure d'une planure, selon sa longueur : car precedemment tu as congneu la hauteur incongneüe par la congneüe, mais icy, par saict contraire

contraire, tu congnoistras la longueur d'une plaine incongneüe par haulteur congneüe. Quand donc tu voudras mesurer la longueur d'une plaine, de laquelle la fin se peult veoir soit accessible, ou inaccessible: premierement, & auant toutes choses, dispose ta verge par laquelle tu veulx mesurer, & qu'elle soit (selon toute precision) aussi longue comme est ta stature, i'entens depuis l'œil iusques au pied, & la diuise par quelque mesure, qui te soit congneüe: & me semble (selon mon iugement) que la dois diuiser en douze parties egales: et apres que tu l'auras disposee, arreste toy au bout d'un plain, lequel tu veulx mesurer selon sa longueur, & suspens ton Astrolabe comme de coustume, esleuant, ou deprimant ton Alhidade, iusques à ce que tu puisses veoir, par les pertuis de tes tablettes, contraires l'une à l'autre, le bout de ton plain: lequel ainsi par toy veu, aduise diligemment les poincts de ton eschele altimetre, resequés par la ligne fiduciale de ton Alhidade, lesquelz sont presque tousiours les poincts de l'ombre reflexe: & alors la longueur de ton plain sera plus grande, que la verge du mesureur. Diuise donc les douze poincts de ton eschele par les poincts resequés, & trouués comme dessus, et le nombre quantiesme te demonstrera combien est longue la verge du mesureur, au regard de la longueur du plain que tu veulx mesurer. Car si la ligne fiduciale de ton Alhidade tombe precisement sur la ligne de l'ombre du milieu, alors la longueur du plain sera egale à la verge du mesureur: mais si la ligne fiduciale tombe

sur l'vnziesme point de l'vmbre reflexe, la longueur de la verge, vne fois prinse avec son vnziesme partie, sera la longueur de ton plain. Si la ligne fiduciale tombe sur dix poincts de l'vmbre reflexe, la longueur de la verge, vne fois prinse avec les deux dixiesmes d'icelle, sera la longueur de ton plain. Dauantage, si la ligne fiduciale tombe sur neuf poincts de l'vmbre reflexe, la longueur de la verge, vne fois prinse avec ses trois neufiesmes parties, sera la mesure de la longueur de la plaine. Si la ligne fiduciale tombe sur huit poincts de l'vmbre reflexe, la longueur de la verge, & la moytié d'icelle, mesureront la longueur de ton plain : mais si la ligne fiduciale tombe sur sept poincts de l'vmbre reflexe, la longueur de la verge, vne fois prinse avec ses cinq septiesmes, feront la longueur du plain. Et si la ligne fiduciale de l'alhidade resque six poincts de l'vmbre reflexe, par iceulx diuiferas douze, & auras pour ton nombre quantiesme deux. Par ainsi pourras inferer, que la longueur de ton plain est double, au regard de la verge. Si tu prends donc par deux fois la longueur de la verge, tu auras la longueur de la chose que tu veulx mesurer. Si la ligne fiduciale tombe sur cinq poincts de l'vmbre reflexe, & par iceulx tu diuises les douze, il t'en restera deux pour ton quotient, & deux cinquiesmes d'abondant. Parquoy si tu prends par deux fois la longueur de ta verge, & deux cinquiesmes d'icelle, tu auras la longueur de ton plain. Si en oultre la ligne fiduciale tombe sur quatre poincts de l'vmbre reflexe, &

xe, & par iceulx tu diuises les douze, tu auras pour ton nombre quantiesme trois: parquoy en prenant par trois fois la quantité de ta verge, tu auras la longueur de ton plain: mais si la ligne fiduciale resequer trois poincts de l'ombre reflexe, iceulx trois poincts seront la quarte partie de douze, qui te signifiera, que la longueur de ta plaine sera quatre fois plus longue que ta verge. Et si la ligne fiduciale tombe sur deux poincts de l'ombre reflexe, la longueur de la plaine sera six fois aussi grande que ta verge, car en douze, sont six fois deux. Et finalement la ligne fiduciale resequant un poinct, signifie (pource que l'unité ne peut diuiser) que l'espace de la longueur se rapporte en proportion douziésme à la verge. Si donc tu prends icelle par douze fois, tu colligeras la longueur de ton plain. Et pour te donner plus facile intelligence de toutes ces choses dessusdictes, prens pour exemple ce qui s'ensuit. Prends le cas

Exemple.

que lon te mette au deuant une plaine B, C, pour icelle mesurer, & ta verge se monstre aussi haulte que la hauteur A, B, & ton œil soit en ce poinct A, au dessus, ou au lieu d'enhaut de la verge: & ton pied soit au poinct de B, tenant ton Astrolabe à la main, pendue contre ton œil, haulseras, ou deprimeras ton Alhidade, iusques à ce que le ray visible passe par les deux pertuis de tes pinules, ou tablettes, iusques au bout de ton plain, qui est C, ainsi faisant tu verras la ligne fiduciale de ton Alhidade, resequer trois poincts de l'eschele de l'ombre reflexe, par lesquels trois poincts, te fault diuiser douze, & auras à ton

nombre quantiesme, quatre, ou bien aduise, que trois est la quarte partie de douze. Lors tu concludras soubdain, par ce que dessus, que la verge, par laquelle tu mesures quatre fois prinse, mesure parfaitement, & absolument la longueur de ton plain. Et tout ainsi te fault iuger de toutes autres choses semblables. Et pour mieulx entendre ce que dessus est dict, tu as icy vne figure protraicte, qui le te monstre à l'œil.



M A I S si la planure est par trop grande, comme de cent, ou deux cents pas en longueur: & toy estans à un des bouts de ladicte planure, aduisant par les pertuis de tes tablettes, vers l'autre bout: et tu vois qu'il n'y ha point de

de proportion de ta stature, & longueur, à si grande longueur, que celle de ceste planure, si que ton Alhidade, selon la ligne fiduciale, touche le premier poinct de l'eschele de l'ombre reflexe, ou partie d'iceluy : en ce cas là tes mesures seront fort incertaines. Si tu veulx donc, & desires en auoir certitude, erige & dresse à l'un des bouts d'icelle planure vne perche, ou haste ficee perpendiculairement en terre, aussi longue, trois, quatre, cinq, six, ou autant qu'il te plaira de fois, que ta stature & haulteur : & fais qu'elle soit si bien & iustement attachee & ficee en terre, qu'elle ne varie aucunement : puis ayes force marchepieds, ou autres aydes, pour monter & paruenir au sommet, & plus hault de ta perche, si que ton oeil y soit ioinct expressement & accouplé : quoy faict, regarde par les pertuis de tes pinules, l'un des bouts de ta planure : & note diligemment les poincts de ton eschele, de l'ombre reflexe, que la ligne fiduciale de ton Alhidade ressequera, & besongne par iceulx, & par la longueur de ta dicte perche, depuis ton oeil, iusques en terre, selon la forme, que t'ay precedemment exposé, de la verge à mesurer, & tu auras ton intention accomplie : car en ce passage, la perche te sert, ou doibt seruir de verge à mesurer. La largeur d'une plaine, ne se mesure point autrement, que la longueur : car par la mesme façon, que tu as prins la longueur, pourras prendre la largeur. Et ne te fault pas oublier, mais diligemment noter, que si la dicte planure, que tu veulx mesurer n'est droicte, & distante egale-

Notable.

i s ment

ment de ton *Horizon*, ains est esleuee, oblique, tortue, & plaine de fosses, auant tout ceuvre te fault applanir, & radresser ta dicte planure par la maniere qui s'ensuit. Tu appliqueras deux regles, ou verges longues esleuees aux deux bouts de la planure, que tu veulx mesurer, & disposeras ton *Alhidade*, de sorte que la ligne fiduciale touche du tout en tout le diametre de ton *Astrolabe*. Quoy faict, appliqueras ton oeil aux pertuis de tes tablettes, & au ray, qui se peult veoir : & considere songneusement quelque signe en la regle plus prochaine de toy. Ce que

Exemple. (par maniere d'exemple) sera appellé D. En voyant donc & regardant derechef du poinct D, par les pertuis des tablettes, sans toucher ny remuer l'*Alhidade* du lieu, aduise bien en l'autre regle esleuee, ce poinct, qui est nommé E. Le ray donc, que tu vois sortant de ce signe D, en E, te cause une ligne distante egaleement de ton *Horizon*, & te radresse la planure raboteuse. Laquelle ainsi radressée ioints, & approche tes deux pieds du poinct de D, si que D, soit le fondement, & assurance de ton arrest, & demourance : & acheras ton operation de mesurer, iusques au poinct E, selon ce que auois premierement institué : & auras ce que tu demâdes.

Et facilement pourras practiquer ce, que dessus par la figure subsequente.

Pour



Pour sçauoir la profondeur d'une fosse, cisterne,
ou d'un puits.

CHAP. VIII.

Lest à present requis de traicter en brief
la doctrine de mesurer le fond d'une fosse,
ou Cisterne, de laquelle le bout d'embas se
peult veoir à l'œil. Ce bout d'embas sera ap-
pellé presentement le point commun au costé de la cister-
ne en sa profondeur, si l'eau y deffault, ou en la superficie
de l'eau. Mais les profondeurs se mesurent presque par
une mesme sorte, que les haulteurs, desquelles te ay suffi-
samment traicté au parauant, sinon que (en ceste presen-
te operation) l'Astrolabe est tenu sur le bout du fond, c'est
à di

à dire, sur le bort, ou bouche de la cisterne, ou autre profondeur, lequel bout tient le lieu de la hauteur: & la partie contraire & opposite d'icelle profondeur, se peut veoir & aduiser par les deux pertuis des tablettes, & tient le lieu de l'espace, & interualle, ou premierement se mettoit l'Alhidade. Et en ceste façon mesurant les profondeurs par largeur congneüe: tout ainsi que au parauant par un espace, & interualle congneu, ha esté congneüe la hauteur incongneüe. Ce qui te sera aisé à congnoistre par intelligence de la figure cy dessous.



LE mesureur donc d'un fond de Puits, ou Cisterne, doit premierement sçauoir la quantité du diametre de
la

la largeur du puits, & puis pendre son Astrolabe (comme il est de coustume) & appliquer son Alhidade au bort, ou extremité de la bouche du puits, & la poulser en l'eslenant, ou deprimant, insques à ce qu'il ayt veu le bout du fond du puits, du costé contraire par les pertuis de ses tablettes, du costé auquel il s'est arresté: si que d'un seul regard il puisse contempler le bout d'enhaut du puits, & le bout d'embas son contraire. Quoy faiçt, aduise à la ligne fiduciale de son Alhidade, car si elle tombe sur la ligne de l'ombre du milieu, la profondeur de son puits sera egale, & pareille à la largeur d'iceluy. Comme tu peulx veoir par la figure precedente de la cisternè, laquelle est propice, & commode en ce passage pour te faire entendre, ce que dict est. Mais si la ligne fiduciale de l'Alhidade (comme il aduient presque tousiours) tombe sur les poinçts de l'ombre droicte: lors la profondeur sera plus grande, que la largeur, ou diametre. Considere donc le nombre des poinçts resequés par la ligne fiduciale de ton Alhidade, & apres mesure le diametre de ton puits, par quelque mesure, que tu congnoisses, & entendes, & icelle multiplie par douze, & ton produict diuise par le nombre des poinçts de l'ombre cy dessus trouués, et mentionnés, & le nombre quantiesme te monstrera la profondeur du puits. Ou autrement, & plus facilement, diuise douze par le nombre des poinçts resequés de la ligne fiduciale de ton Alhidade, & ton quotient te monstrera promptement combien de fois tu deuras recevoir la largeur

geur de ton puits, à fin que par icelle tu puisses tirer la
 profondeur d'iceluy : Et tant en cecy, que en toutes autres
 choses, te dois conduire par ceste regle, tout ainsi que tu as
 besoinné par le diametre de la largeur du puits : Et en
 semblable as procédé en la precedente proposition de la
 verge à mesurer, Et auras ce que tu demandes. Et pour
 Exemple. plus facile intelligence ie te produis icy un exemple. Prends
 le cas, que A, B, C, D, soyent un puits, duquel le diametre, ou
 largeur, qui est A, B, soit de huit pieds : les poincts de ton
 ombre droicte (resequés) soyent de trois pieds. Or multi-
 plie maintenāt la largeur de ton puits A, B, qui est de huit
 pieds, par douze (qui sont les douze poincts de ton esche-
 le) Et auras à ton produit nonante six : iceulx nonante six
 te conuient diuiser par trois, qui sont les trois poincts de
 l'eschele de l'ombre droicte, resequés par la ligne fiducia-
 le de ton Alhidade, Et auras à ton quantiesme trente-
 deux : tu pourras donc dire, Et conclure, que la profondeur
 de ton puits est de trentedeux pieds. Ou plus facilement,
 distribue les douze poincts par les trois poincts trouués,
 ou resequés, Et tu auras à ton quantiesme quatre : iceulx
 quatre poincts retiendras en ta memoire, Et prendras la
 largeur de ton puits, laquelle est de huit pieds, Et la mul-
 tiplie par quatre, Et auras trentedeux, Et telle est la
 profondeur de ton puits. Et pour mieulx entendre ce qui
 est dict, i'ay mis cy apres une figure, laquelle te donnera
 facilement à congnoistre la pratique, Et vsage, de ce
 que ie t'ay predict.

Pour



Pour trouuer la longueur d'une circonférence.


CHAP. IX.



Pres auoir declairé la façon de trouuer les hauteurs, longueurs, largeurs, & profondeurs des choses, ne sera inutile de donner à entendre icy le moyen pour trouuer la longueur de la circonférence d'une figure ronde, estant tant en lieu accessible, que inaccessible. Aduise (comme par le troisieme chapitre de ce traicté est dict) la hauteur de ta figure: ou bien, prens le diametre d'icelle, si tu en peulx approcher, car la extreme hauteur est tousiours le diametre du rond: iceluy diametre triple avec vn septiesme, sont la longueur de la circonférence. Presupposé donc,

qu'il

Exemple. qu'il y eust vn rond en quelque lieu, duquel tu ne sceusses approcher. Aduise par le cinquiesme chapitre, la haulteur d'iceluy, laquelle as trouuee de sept pieds. Multiplie iceulx sept pieds, qui est le diametre, par trois, & auras vingt et vn: adionsles y la septiesme partie du diametre, qui est vn pied, & auras en tout vingtdeux pieds. Par ainsi pourras dire, & conclure, que la longueur de la circonference de ta figure est de vingtdeux pieds. Et pour plus facile intelligence de ce, tu as icy la figure protraicte au vif.



Notable.


E. T. note, que pour sçauoir, que tient toute la figure, multiplie la moytié des pieds de la circonference, qui sont vnze, par la moytié des pieds du diametre, qui sont 3. & demy,

demý, & trouueras qu'il viendra 38.pieds & demý.

Pour reduire vn rond en quarré. CHAP. X.



L est chose facile de mettre vn rōd en quarré apres auoir trouué la lōgueur de sa circōserēce, car icelle mise en 4. faict la figure quarrée, cōme tu peux veoir par la figure cy dessoubz laquelle te seruira d'exēple. Prends le cas, que tu ayes mesuré vn cercle (cōme par le chapitre precedent t'est declairé) la circōserence duquel est de 22.pieds, tu as mis iceulx 22.pieds en quatre parties, & en as faict ton quarré duquel chasque quarte contient cinq pieds, & demý. Et de ce as la figure cy dessoubz au vis.



k

Pour

Stereometrie.



Pour auoir la cube d'un corps, qui est de iceluy, sçauoir la longueur, largeur, & profondeur, & icelle estendre en longueur, aduise un corps, comme pourroit estre un dé, & d'iceluy prens la haulteur en la façon predicte (non qu'il la faille prendre d'un quarre à l'autre) laquelle prinse as trouué de cinq pieds & demy. Multiplie iceulx cinq pieds, & demy, par son semblable, pour auoir les pieds de sa premiere superfice, laquelle trouueras de vingt sept pieds & demy: iceulx 27. pieds, & demy, remultiplieras par cinq pieds & demy, ou bien adiousteras quatre superficies, chascune de vingt sept pieds & demy avec la premiere, lesquelles ensemble te donront 137. pieds & demy: & si mieulx te plait, regarde un corps, comme est dict, lequel ha deux pieds de quarrure: si tu multiplies iceulx par son semblable, qui sont deux, en prouiendront quatre, ces quatre conuient multiplier par quatre, & seront huiet. Tu pourras donc dire, & conclure, que le cube de tel corps est de huiet pieds, c'est à dire, que sa profondeur, largeur, & longueur, contient huiet pieds tous quarrés, & sera icelle figure estendue, en longueur de huiet pieds quarrés à tous sens; aussi bien que celle de 137. & demy, & ce certes est chose facile. Parquoy me deporteray d'en plus escrire, ains mettray fin aux utilités de la partie terrestre, quant aux dimentions trouuees par le quarre

quarre geometrique, ou eschele altimetre, tierce partie principale de l'Astrolabe, en quoy est facile à veoir la grande perfection, que lon peut receuoir de luy, laissant tous autres instruments arriere.



LA THEORIQUE

DV MIROIR DV
MONDE.



VOIR declaré les principes de Geometrie, la Sphere, la Theorique, & Practique de l'Astrolabe: pareillement les Vtilités de la partie terrestre, reste à present la declaration du Miroir du Monde, & de ses vtilités. Et pource, que au commencement de nostre oeuvre, en la page 34. I'ay promis de donner la raison, pourquoy ay mis le Miroir du monde. Pour satisfaire donc à ma promesse, ie vseray du prouerbe commun, qui est, Que de vne pierre faire deux coups, est habilité. Et comme par l'Astrolabe, on ha la congnoissance du Ciel, par le Miroir, ou Mape monde, on aura celle de la Terre, & de ses parties: & ce certes ay faict, à fin que en vn traicté tu ayes

k 2 l'int

l'intelligence de tout le Monde. Mais auant toutes autres choses, ie mettray icy les declarations & diffinitions des noms principaulx, desquelz on vse en Geographie, pource que l'ignorance d'icelles, est cause que souuent prenons vne chose pour autre, qui est tresdommageable.

Declaration, & diffinition des noms de Geographie.

CHAPITRE I.

Fretum, à fremendo, pour cause du bruit



Ly ha quatre manieres de noms en Geographie. La premiere est de la Mer, & choses maritimes, comme Mare, Oceanus, Fretum, tout cela est prins, & entendu pour Mer, Sinus, est gouffre, ou bras de Mer: et Aestus, l'engorgement de la Mer, Litus, le riuage, Portus, le port, Insula, Peninsula, Isthmus.

LA seconde maniere des noms generaulx, regarde les parties de la Terre, qui sont, Continens, Territorium, Regio, Royaumes, Prouinces, Villes, Cités. Emporium, est vn lieu de Foyres, ou Marchés.

LA tierce maniere est des noms des Champs, & sont Mons, Vallis, Collis, Cliuus, Rupes, Vertex, Campus, Montaignes, Valles, petites Montaignes, descète de Montaignes, Roches, Sommet, Gorges, & Champs, Pascua, Pasturages, Silua, Lucus, Nemus, Forestz, Garrigues, ou Taillis, & bois de haulte fustage.

LA quatriesme est des noms des Riuieres, & Estangs, & sont, Fons, Riuus, Fluuius, Fontaines, Ruyssaux, Fleu

Fleuves, ou grosses Riuieres. Torrens, est vne eae qui vient soudain à grande violence, & soudain est appaisée. Gorges, est vn lieu parfond, auquel l'eae tourne, lequel est communement nommé Gouffre. Alueus, est Conduict, ou Bonde: Vadum, vn Gué: Palus, Marefz, Cisterne, Viuiet, & Baings, nommés en Latin Thermæ.

VEV que la superficie de la Terre n'est pas vnue, ains est percee, & interrompue de diuerses eaes: Continens sera la partie, que de tous costés à la plus grand' superficie d'icelle terre est conioincte, vulgairement appelée Terre ferme, comme sont Europe, Afrique, & Asie.

Continés, terre ferme.

ISLE est vne partie de Terre, totalement enuironnee de la Mer, & est separee de la plus grand' part de la Terre habitable, comme sont Angleterre, Sicile, Candie, Rhodes, & autres.

Isle.

PENINSVLE est vne partie de Terre, laquelle n'est pas du tout enuironnee de Mer, ains est ioincte par vn estroict de terre avec le Continens, & ce, comme la iambe, ou le bras sont separés du corps, de toutes ses parties, excepté vne, laquelle est ioincte au corps: par exemple sont Italie, Peloponnese, Taurique, Chersonesus.

Peninsula.

ISTHMOS est le destroict de la terre, contenu entre deux mers, par lequel la Peninsule est ioincte avec le Continent, ou terre ferme.

Isthmus.

DAVANTAGE, auant que venir à la declaration du miroir du Monde, est requis faire mention generalement de la terre, & de ses parties principales nommees

Continens, ainsi que s'ensuit.

De la diuision de la Terre.

CHAP. II.



LA terre habitable, qui est celle qu'est sur l'eau, frequentee des hommes, & autres animaux. Du costé du Leuant est terminee de la terre incongneüe, touchant aux peuples Orientaulx, de la grand' Asie. Et du costé de Mydi, de la terre incongneüe, qui est enuironnee de la mer Indique. Et du costé d'Occident, de la terre incongneüe, qui reçoit le Sinus, plage, ou bras de mer de l'Ethiopie, de Libye, & de la mer Occidentale, qui est ioingnant aux parties plus Occidentales d'Afrique, & Europe. Du costé de Septentrion, par la mer comprenant les Isles de Bretagne, & les parties plus Septentrionales d'Europe, & aussi par la terre incongneüe ioingnant aux regions plus Septentrionales de la grand' Asie, Sarmatie, Scythie, & Serique. Ceste terre habitable ha esté diuisee, par le scientifique Ptolomee, en trois parties nommees Continens, comme dict est, Europe, Afrique, & Asie. Et tout premierement commencerons à parler de l'Europe, comme veut ledict Ptolomee, pource que les lieux Septentrionaulx (à ceulx qui descriuent) sont à la partie superieure, & les Occidentaulx à la partie senestre, & l'Europe, par le regard des deux autres Continens, est Septentrionale, & Occidentale : dont tout premierement conuient parler d'icelle.

L'EV

L'EVROPE est diuisee de l'Asie par la mer Egee, la Palus de Meotide, & le fleuve de Tanais, & d'une ligne droicte (comme meridiem) passant par les fontaines de Tanais, tirant à Septentrion. Dauantage, icelle Europe est diuisee de l'Afrique par l'estroict de Gillebertar, nommé la mer d'Hercules, ou *Fretum Herculeum*, que disons estre nostre mer: laquelle, selon les pais diuers qu'elle enuironne, reçoit diuers noms.

L'AFRIQUE est diuisee de l'Asie par la mer Indique, & par la mer rouge nommée *Sinus*, ou bras d'Arabie. Et dauantage, par une ligne commençant à la cité Heron, passant par l'Isthmon, ou destroict de terre, par lequel l'Asie, & l'Afrique, sont conioinctes tirant à nostre mer.

ICY fault noter, que plusieurs Auteurs ont mis le Nil Notable. pour le terme diuisant l'Asie, et l'Afrique. Mais iceulx reprend Ptolomee, disant estre meilleur le diuiser par mer toutes & quantes fois que lon peut, que par riuieres, ou fleuves. Et dauantage, à fin que l'Egypte ne fust diuisee en deux parties, n'a voulu mettre le Nil pour terme. Toutes choses premises pour l'intelligence du miroir du monde, ne reste plus que la declaration d'iceluy.

Declaration du Miroir du Monde.

CHAP. III.



Le miroir, ou mape monde, est une table ronde située dans la concauité de l'Astrolabe, par laquelle auons la congnoissance de l'espece, ou figure du monde, diuisé, comme est dict, en

trois parties. Ceste table ha plusieurs cercles, dont le plus grand est celuy de Capricorne, autour duquel sont notés les 360. degrés. Il y est aussi l'equinoctial, & le cercle de Cancer: & entre iceulx sont plusieurs autres cercles paralleles, distans de dix degrés les uns des autres, & iceulx sont appellés cercles de latitude, pource que par eulx est trouuee la distance des lieux à l'equinoctial, appellee latitude. Il y ha aussi dixhuit lignes diametrales, qui couppent tous les cercles paralleles en 36. parties egales, & sont icelles lignes meridionales, ou lignes de longitude: dont la premiere est la ligne, ou meridiem, des Isles fortunées, qui nous sont Occidentales. Par icelles lignes est trouuee la distance d'un lieu à l'autre, appelé longitude, laquelle est icy notee de dix en dix degrés, comme le tout tu peulx veoir tant par la figure notee à la 34. page, que par celle qui te sera icy apres mise, supposant toutesfois tant de lignes, ou meridiens, que voudras de l'une à l'autre, & ce selon la longitude des lieux: autant en feras des cercles paralleles, selon la latitude.

Isles fortunées.

CES cercles entendus, nous demonstrerons les longitudes, & latitudes, des parties terrestres, desquelles commencerons premierement, suyuant l'ordre predict, aux tables, qui demonstrent les parties Septentrionales, & Occidentales, à parler de l'Europe, laquelle ha esté descrite par le tres excellent Ptolomee au second, & tiers liure, de sa Geographie en dix tables.

A LA premiere est Irlande, Angleterre, & Escosse.
A la

A la seconde, les trois Espagnes, à sçauoir, Betice, qui à present est nommee Granade: Lusitanie, à present Portugal: & Tarraconensis, en laquelle est le Royaume d'Arragon, de Valence, de Catelogne, de Nauarre, & de Castille. A la troisieme les Gaules, dont la premiere est Aquitaine, Lyonnoise, Belgique, & Narbonoise. A la quatre la grande Germanie, en laquelle sont compris les Saxons, Phrisons, Boëmie, & Sueue, voisine de Baviere. A la cinquieme Rhetia, pais des Grisons, Vindelitia: la cité capitale du pais est nommee Ausbourg: Norico, à present nommé Baviere: Les deux Hongries, Illyris, à laquelle est Ragouffe cité de renom, & Dalmatia. A la sixieme est l'Italie, & Corse. A la septieme Sardaigne, & Sicile. A la huitieme, la Sarmatie de l'Europe, que à present on prend pour la Tartarie, Taurica, Chersonesus, à present Capha. A la neuuiesme, Iaxartes, Metanastie, Dacia, region prochaine de Thrace: Les deux Mysies, à sçauoir, superieure, & inferieure: La Thrace, en laquelle est Constantinoble, & plusieurs autres villes de renom. A la dixieme, Macedoine, Epirus, à present nommee Albanie: Achaie, Peloponnese, à present nommee la Moree: & la bonne & fertile Isle de Candie, iadis appelée Crete la menteuse, tesmoing saint Paul: Tite 1. d. Cretenses semper mendaces, malæ bestiæ, & ventres pigri.

LA seconde partie est Afrique, descripte par ledict Ptolomee en son quatriesme liure en quatre tables, iacoit
k s qu'elle

qu'elle soit plus grande que l'Europe, mais non tant habitée. A la premiere table, sont les Mauritanies, à sçauoir Tingitana & Casariensis, qui à present sont nommees Barbarie. A la seconde est Numidie neufue, en laquelle estoit Carthage, ville de grand renom. A la troisieme, Cyrenaica, qui ha esté dicté Pentapolis, à cause des cinq cités, qui y sont (Bereneice, Arsinoë, Ptholemaide, Apollonia, & Cyrene) Egypte Marmarique, Libye, & Thebais. A la quatrieme les deux Ethiopies, l'une soubz l'Egypte, & l'autre soubz l'equinoctial.

LA troisieme partie du Monde, laquelle est trop plus grande, que nulle des autres, est l'Asie, laquelle est descrite par Ptolomee au cinquieme, sixieme, & septieme liures de sa Geographie, en douze tables. A la premiere table, est Bithynie, region de la petite Asie, contraire à Thrace: par aucuns appelée Pontos (auquel Ouide fut en exil) Lycie, Pamphilie, Galatie, par le passé dicté Gallogrecia, pour cause que les Gaulois venans d'Europe l'ont habitée. La petite Armenie, & Cilicie. A la seconde, est Sarmatia Asiatica. A la troisieme Colchis, Iberie, Albanie, laquelle on pense à present estre subiecte au Turc. La grande Armenie. A la quatrieme Cypres, Syrie, & ses parties, en laquelle sont plusieurs Villes, Montaignes, Fleuves, comme Eufratés, & autres choses de renom, Phenicee, Iudee, Palestine, et curua Syria, les deux Arabies, à sçauoir la deserte, & la pierreuse, Mesopotamie, & Babylone. A la cinquieme, Assyrie, Susiana Media, Perse

Perse, Parthie, & Carmanie la deserte. A la sixiesme, Arabie l'heureuse, & Carmanie la cultivee. A la septiesme, Hyrcanie, Margiana la fertile, en laquelle Alexandre s'estonnant de veoir cespes de vignes, lesquelles à peine deux hommes pouuoient embrasser, & les raisins contenir en rondeur deux coudees, là il edifia la premiere Alexandrie: Bactriana tresfertile, en laquelle estoient mille villes, Sogdiana, à laquelle Alexandre edifia la tierce Alexandrie, pour tesmoignage de ses peregrinations, Saxe, & Scythie, dedans le mont Imaus. A la viii. Scythie, dehors le mont Imaus, & Serica. A la ix. Aria, Paropanifade, Drangiana, Arachosia, Gedrosia, pour le iour d'huy Royaume de Tarse. A la dixiesme, Indie, pres le fleuve Ganges. A la xi. Indie, hors Ganges, & la region des Sinares. Et à la xii. & derniere, l'Isle Taprobana.

Telle est la description des parties du monde, selon le tres excellent Ptolomee, & les autres anciens Geographes: depuis lesquels ne s'est gueres trouué terre, dicte continens, tant de ça, q̄ de là l'equinoctial, excepté vne appelée Amerique, de laquelle ne sommes encores bien asseurés: d'Isles plusieurs, lesquelles ie tais à cause de briefueté. L'Amerique (laquelle est appelée l'Ameque) te descriray succinctement, suivant la metode de Ptolomee, n'ayant egard à tous ceulx qui ont nauigé, & pour le iour d'huy nauigent à intention seulement de traffiquer, ou gaigner, et d'icelle parlēt obscurément, tellement qu'il fault presque deuiner ce q̄ par leurs songes veulent dire. L'Amerique nous est Occidentale, &

Mer

Meridionale : Les parties plus prochaines de nous, & de l'Equinoctial, sont les Canibales. Les parties plus Meridionales soubz le cercle de Capricorne, sont ceulx du Bresil. ET tendât plus oultre vers le Pole antartique (soubz un meridiem) est la region des Geans. Et à la partie Occidentale, & plus loingtaine de nous, approchante à l'Equinoctial, comme les Canibales, excepté qu'elle est Septentrionale, est la region nommee Parias, dont la plus prochaine est Dariana. En icelle Amerique est le Peru, la description de laquelle, & de plusieurs autres, qui ont esté trouuees depuis le temps de Ptolomee, ie lairray pour abreuiation de nostre matiere. Et pource qu'en ceste matiere est requise l'intelligence des longitudes, & latitudes, la plusspart desquelles ont esté obseruees & redigees en tables par Ptolomee, comme ia est predict d'icelles, t'ay mis icy un extraict sommaire, & ce pour ton soulagement, lequel te seruira pour congnoistre de combien de degres les cités principales, & lieux circonuoyzins, tant de nostre Europe, que des autres parties de la terre, distent par leur cercle meridional, de l'Equinoctial. Et combien de degres le cercle meridional desdictes cités, vers l'Orient, ou Occident, en l'Equinoctial, diste du cercle meridional des Isles fortunées, dequoy t'ay faict mention en la page 79. chapitre xxi. & en ceste façon le temps, ou degres des nombres ont esté prins, dont les premiers monstrent les longitudes, & les derniers les latitudes, comme le tout pourras veoir par les tables sequentes.

Tables pour trouuer les longi-
tudes, & latitudes des lieux & vil-
les principales de l'Europe,
Afrique, & Asie.



DE L'EVROPE.				
Noms des lieux & villes.	Longitude.		Latitude.	
	Degrés	Minutes,	Degrés,	Minu.
Ibernie, ou Irlande.				
Manapia	13	30	58	40
Eblana	14		59	30
Rhexa	12		59	45
Iuernis	11		58	10
Angleterre, & Escoffe.				
Londres	20		54	
Caturactonium	20		58	
Eboracum	20		57	20
Edenburgh	27	15	59	20
DES ESPAIGNES.				
Betice.				
Granade	11		37	40
Corduba	9	40	38	6

Seuil

Noms des lieux & villes.	Longitude.		Latitude.	
	Degrés	Minutes,	Degrés	Minutes
Seuille	7	15	37	50
Fornacis	8	30	38	30
Lusitanie, ou Portugal.				
Lisbone	5	10	40	15
Emerida	8		39	30
Tarraconensis.				
Cartago nueva	12	15	37	56
Tarragona	16	20	40	40
Barselona	17	15	41	
Castellõ de pur.	18	45	42	20
Astorga	9	30	44	
Valladolid	10	10	42	
Burgos	12		43	40
Briniesca	12		43	
Ciudad Real	11		42	50
Soria	13	30	42	45
Toledo	10		41	
Valentia	14		39	
Saragoza	14	15	41	30
Pamplona	15		43	45
Girona	16	50	42	40
Mago	17	30	39	30

Aquit

Noms des lieux & villes.	Longitude.		Latitude.	
	Degrés	Minutes,	Degrés	Minutes
Aquitaine.				
Poitiers	17	50	48	20
Limon	19		47	50
Bordeaux	18		45	30
Bayone	17		44	30
Limoges	17	40	47	45
Cahors	18		47	15
Perigord	19	50	46	50
Angouleme	19	50	46	20
Aux	18		45	30
Rodex	17	15	44	10
Gaule Celtique.				
Lyon	23	15	45	20
Paris	23	30	48	40
Orleans	20	40	48	
Sens	21	15	47	10
Renes	20	40	47	20
Nantes	21	15	50	
Le Mans	20	45	49	20
Angiers	18	50	49	20
Porte de Seine	24		47	20
Honfleur	20	15	51	20

Vanes

Noms des lieux & villes.	Longitude,		Latitude.	
	Degrés	Minutes,	Degrés	Minutes
<i>Vannes</i>	17	20	49	15
<i>Bayeux</i>	20	10	50	20
Gaule Belgique.				
<i>Calex</i>	22	45	53	30
<i>Arras</i>	22	30		
<i>Beauvais</i>	22	30	51	30
<i>Teroane</i>	23	20	52	50
<i>Cambray</i>	22	15	52	10
<i>Amiens</i>	22	30	51	30
<i>Tornay</i>	25	15	51	40
<i>Rouen</i>	22	40	50	
<i>Soissons</i>	23	30	48	50
<i>Reims</i>	23	45	48	30
<i>Treues</i>	26		49	10
<i>Metz</i>	25	30	47	20
<i>Tule</i>	26	30	47	
<i>Nancy</i>	25	50	46	40
Gaule Narbonoise.				
<i>Montpelier</i>	22	15	42	40
<i>Aygues mortes</i>	22	30	42	45
<i>Entree du Rof- ne en la mer</i>	22	30	42	40

Lac de

Noms des lieux & villes.	Longitude.		Latitude.	
	Degrés	Minutes,	Degrés	Minutes
Lac de Geneue sortie du Rosne	27	15	47	15
Martegue	23	30	43	
Marseille	24	30	43	6
Tollon	24	50	42	50
Rosillon	19	45	42	
Thouloufe	20	30	44	15
Castres	21	15	44	
Carcassone	20		43	30
Besiers	21	30	43	30
Narbonne	21		42	
Nimes	22		43	
Avignon	23		43	50
Arles	22	45	43	40
Montelhimar	23	30	44	
Valence	23	30	44	20
Vienne	23	20	45	
Grenoble	23		44	30
La grande Germanie.				
Amasia	31	30	51	30
Lupia	34	30	52	45
Vritenberg	37	30	52	20
Nurenberg	31	30	49	

Noms des lieux & villes.	Longitude.		Latitude.	
	Degrés	Minutes,	Degrés	Minutes
<i>Casurgis</i>	39	15	50	10
<i>Cracavv</i>	42	40	51	30
<i>L'Isle de Scan- die.</i>	41	30	58	
Rhætia, partie de Sueve.				
<i>Rockenburg</i>	30		46	40
<i>Brigantium</i>	30		46	
Vindelicia.				
<i>Ratispone</i>	32	15	47	10
<i>Augspurg</i>	32	30	46	15
Norico, à present Bauiere.				
<i>Aredate</i>	35		47	
<i>Iuliū Carnicum</i>	34	30	45	30
Pannonie superieure, Archeduché d'Auftriche.				
<i>Vienna</i>	37	45	46	20
<i>Betta</i>	37	40	45	30
<i>Sacarbantia</i>	39	30	47	
<i>Emona</i>	36	30	45	20
<i>Pratorium</i>	40	45	46	15
<i>Magniana</i>	41		46	0

Noms des lieux & villes.	Longitude.		Latitude.	
	Degrés	Minutes,	Degrés	Minutes
Pannonie inferieure, pour le iour- d'huy Hongrie.				
Bude	42		47	
Belgrade	45		44	30
Serbinum	42	20	46	30
Sirmium	44	50	45	
Illyris, ou Sclauonie.				
Iadera, ou Zara	42		43	45
Salona	43	20	43	10
Epidaurus, ou Ragusia	44	40	42	20
Sidrona S. Hie ronymi patria	43	30	44	30
Italie.				
Nice	28		43	26
Genoua	30		42	50
Napoli	40		40	36
Milan	30	40	44	15
Florence	33	56	43	
Luca	33		43	20
Pisa	33	30	42	45
Siene	34	20	42	30

Noms des lieux & villes.	Longitude.		Latitude.	
	Degrés	Minutes,	Degrés	Minutes
Roma	36	40	41	40
Capua	40		41	10
L'isle de Corseque.				
Palla, cité	31	20	39	20
Syracusa, port	31	26	39	26
Valeria	31	30	40	6
Mariana	31	20	41	40
L'isle de Sardaigne.				
Callier	32	30	36	
Susalei	31	56	36	40
Turris Bissonis	30	15	38	50
Gurullis noua	30	30	37	20
Sicile.				
Lilybæum	37		36	
Syracusa	39	36		
Catania	39	36	37	40
Segesta	37	10	36	30
Sarmatie de l'Europe.				
Tamyraca	59	20	48	30
Naubarum	58	30	50	
Olbia	57		49	
Ordessus	57		48	30

Noms des lieux & villes.	Longitude.		Latitude.	
	Degrés	Minutes,	Degrés	Minutes
Taurica Cherfonefus, petite Tartarie.				
Theodosia	63	40	47	20
Panticapæa	64		47	56
Iazyges Metenastæ.				
Gormanum	43	40	48	15
Furtarca	44	40	40	
Dacie.				
Saline	49	15	47	10
Cron	47	50	45	15
Deux Mysies superieure, & inferieure.				
Rhetiaria	49		43	30
Scupi	48	30	42	30
Odessus	54	50	45	0
Oescus	51	0	40	
Thrace.				
Aenos	53	10	41	30
Apolonia	54	50	44	20
Byzantium, ou Constantinoble	56		43	6

Noms des lieux & villes.	Longitude.		Latitude.	
	Degrés	Minutes.	Degrés	Minutes
<i>Perintus</i>	54	50	42	20
<i>Nicopolis</i>	52	30	43	30
Cherfonefus.				
<i>Elcus</i>	54	30	40	45
<i>Sestus</i>	54	56	41	15
Macedoine.				
<i>Dirachium</i>	45		40	50
<i>Theſſalonica</i>	49	50	40	20
<i>Scampes</i>	45	45	40	20
<i>Amphiopolis</i>	50		41	30
<i>Heraclea</i>	47	40	40	40
<i>Lariſſa</i>	50		39	10
Epirus, ou Albanie, ſoubz l'Empire du Turc.				
<i>Nicopolis</i>	47	36	37	56
<i>Ambracia</i>	48		38	20
<i>Corcira, Isle</i>	45	40	37	45
<i>Cephalenia</i>	47	40	37	10
Achaïe, proprement appellee Grece.				
<i>Megara</i>	51		37	26
<i>Athene</i>	52	45	37	15

Noms des lieux & villes.	Longitude.		Latitude.	
	Degrés	Minutes,	Degrés	Minutes
Peloponnese, à present nommée la Moree.				
Mefena	49	15	35	15
Corintus	51	15	36	56
Tegea	49	50	36	20
Argos	51	20	36	15
Lacedæmon	50	15	35	30
Oenoë	52	20	36	45
Candie.				
Camera	55	10	35	20
Cisamus	52	18	34	50
Polyrrenhia	52	20	34	45
Apteria	53		34	50
Artacina	53	6	34	45
Lappa	54		34	56
Gortyna	54	15	34	50
Gnosfuss	54	50	35	
Isles en Candie.				
Letoa	54	30	34	10
Dia	54	30	35	40
Claudus la cité	52	30	34	0
Porto Gaboso				
Acytos, en Melos	54		35	30

Noms des lieux & villes.	Longitude,		Latitude.	
	Degrés	Minutes,	Degrés	Minutes
DE L'AFRIQUE.				
Les Mauritanies.				
Tingis	6	30	35	56
Zilia	6	30	35	10
Lixa	6	45	34	30
Volubilis	8	15	33	40
Cartenna	14	30	33	40
Iulia Casarea	17	0	33	20
Salde, royaume à Barberousse	22		32	30
Oppidium	16		32	40
Zuchabari	15	50	32	40
Numidie neufue, ou petite Afrique.				
Tabraca	31	15	32	20
Ityca	33	40	32	45
Grād Cartage	34	50	32	20
Adrumentum	36	40	32	40
Leptis grand	42		31	40
Cirta Iulia	26	50	31	20
Siccia Veneria	30	30	30	50
Vihina	34	15	31	20

Noms des lieux & villes.	Longitude.		Latitude.	
	Degrés	Minutes,	Degrés	Minutes
Thysdrus	37	50	32	
Minix	39	30	31	20
Cosira, Isle	37	20	34	20
Malte, Isle	28	45	34	40
Cyrenaica.				
Berenice	47	45	31	20
Arsinoë	48	40	31	20
Tolometa	49	6	31	10
Apollonia	50	10	31	40
Cyrene	50		31	20
Rhaga	49	40	31	
Marmarique avec l'Egypte.				
Chersonesus, g.	52		31	40
Paretonium	57		31	10
Alexandrie	60	30	31	
Memphis	61	50	29	50
Ptolomais, her.	51	50	27	10
Apollinis gran de cité	61	50	24	30
Babylon	62	15	30	
Dios, ou Iouis	22		25	30

Noms des lieux & villes.	Longitude.		Latitude.	
	Degrés	Minutes,	Degrés	Minutes
Libye interieure.				
<i>Autolale</i>	10		23	50
<i>Thamōdocania</i>	23		17	
<i>Garama</i>	43		12	30
<i>Gira</i>	36		18	
Ethiopie foubz Egypte.				
<i>Adulis</i>	67		11	40
<i>Dire</i>	74	30	11	
<i>Mofylon, lieu de marché</i>	79		9	
<i>Aromata, lieu de marché</i>	83		6	
Barbaricus finus.				
<i>Serapionis, port</i>	47		3	<i>Austra- lis.</i>
<i>Napata</i>	63		20	15
<i>Premis, grāde</i>	62		17	
L'isle de Meroë.				
<i>Meroë</i>	61	30	16	20
<i>Coloë palus</i>	69			
<i>Cité de Coloë</i>	62		4	15
<i>Magorum, Isle</i>	68	15	16	

Noms des lieux & villes.	Longitude.		Latitude.	
	Degrés	Minutes,	Degrés	Minutes

DE L'ASIE.

Anotolie, Pontos, ou
Bithynia.

Caledon	56	6	43	6
Nicomedia	57	30	42	30
Apamia	56	50	41	56
Heraclea, pôti	59		43	10

Propre Asie.

Zelia	56		41	30
Lampfacus	55	20	41	26
Troas, alexan.	55	26	40	40
Smyrna	57	26	38	36
Colophon	57	40	38	10
Ephesus	57	20	37	40
Miletus	58		37	
Cnidus	56	15	36	
Troye, Ilion	55	50	41	
Pergamus	57	26	39	45
Sardis	58	40	38	15
Tripolis				
Coos, Longoum	57		36	26
Rhodes	58	30	35	20

Noms des lieux et villes.	Longitude.		Latitude.	
	Degrés	Minutes,	Degrés	Minutes
Lycie.				
<i>Patara</i>	60	30	36	
<i>Andriaca</i>	60	50	36	20
Galatie.				
<i>Sinope</i>	63	50	44	
<i>Amisus</i>	65		43	6
<i>Medacus</i>	62	40	42	
<i>Pessenus</i>	61		41	30
<i>Antiochia, pif.</i>	62	30	39	15
<i>Isaura</i>	63	50	38	40
Pamphilie, surnommée Mopsopia.				
<i>Sida</i>	63	20	36	20
<i>Termessus</i>	62	10	37	15
<i>Perge</i>	62	15	36	56
<i>Aspendus</i>	62	15	36	30
Cappadoce.				
<i>Themisçyra</i>	66	20	43	6
<i>Trapezonde</i>	70	45	43	6
La petite Armenie.				
<i>Satala</i>	69	30	42	10
<i>Nicopolis</i>	69		41	40
<i>Melitene</i>	71		39	30
<i>Comana cappa.</i>	68		38	

Noms des lieux & villes.	Longitude.		Latitude.	
	Degrés	Minutes,	Degrés	Minutes
Cilitie, pour le iourd'huy Armenie.				
<i>Malo</i>	68	30	36	30
<i>Adana</i>	68	15	36	45
<i>Tarfus</i> , pais de <i>S. Paul</i>	67	40	36	50
Sarmatie.				
<i>Hermonassa</i>	65		47	30
<i>Oenanthia</i>				
<i>Tanais</i>	67		54	20
<i>Nauaris</i>	70		51	
Colchis.				
<i>Dioscuria</i>	71	10	46	45
<i>Ploistonie</i>	72	30	44	45
Iberie.				
<i>Artanassa</i>	75	40	40	
<i>Armaetica</i>	75		44	45
Albanie par fois subiecte aux Perfes, Macedoniens, & Romains.				
<i>Getara</i>	79	30	45	
<i>Chabala</i>	80		46	45
La grande Armenie.				
<i>Armauria</i>	76	40	42	54
<i>Thoppia</i>	74	20	49	50

Noms des lieux & villes.	Longitude.		Latitude.	
	Degrés	Minutes,	Degrés	Minutes
<i>Artemita</i>	78	40	40	30
<i>Siaudana</i>	71	30	38	
Cyprus.				
<i>Paphos</i>	64	30	35	
<i>Famagouste</i>	66	40	35	30
<i>Amathus</i>	65	45	35	
<i>Acamas</i>	64	10	35	30
Syrie.				
<i>Laodicia</i>	68	30	35	6
<i>Tyrus</i>	67		33	20
<i>Apama</i>	70		34	45
<i>Damas</i>	69		33	
Palestine de Syrie, appelée Judée.				
<i>Cæsa. Stratonis</i>	66	15	32	30
<i>Ioppe, Iapha</i>	65	40	32	6
<i>Hierusalem</i>	66		31	40
<i>Emaus, ou Nic.</i>	65	45	31	45
Arabie petrea.				
<i>Petrea</i>	66	45	30	20
<i>Modaba</i>	68	30	30	45
Mesopotamie.				
<i>Nicephorium</i>	73	6	35	20
<i>Seleucia</i>	79	20	35	40

Noms des lieux & villes.	Longitude.		Latitude.	
	Degrés	Minutes,	Degrés	Minutes
Edeffa	72	30	37	30
Carra	73	20	36	10
Arabie deferte.				
Sabe	73		33	
Erupa	72	30	31	15
Babylonia.				
Babylon	79		35	
Orchoa	78	30	32	40
Affyrie.				
Ninus, Nimue	78		30	40
Arbela	81	20	37	20
Media.				
Cyropolis	85	30	41	40
Caspie, porte	94		37	
Europus	93	40	36	40
Ecbatana	88		37	45
Sufiana.				
Sufa	84		34	15
Tariana	82		32	30
Perse.				
Persepolis	91		33	20
Ardea	88		32	30

Noms des lieux & villes.	Longitude.		Latitude.	
	Degrés	Minutes,	Degrés	Minutes
<i>Axima</i>	87	45	33	50
<i>Corra</i>	91	20	31	40
Parthia.				
<i>Hecatompylon</i>	96		37	50
<i>Tastache</i>	99		36	20
Carmanie la deferte.				
Arabie l'heureuse.				
<i>Badeo</i>	70		20	15
<i>Pundi</i>	72	30	16	30
<i>Arabia, marché</i>	80		11	30
<i>Rhabana, regia</i>	87		22	
<i>Sabe</i>	76		13	
<i>Dioscoridis</i>	86	40	9	30
Carmanie cultivee.				
<i>Armura</i>	94	30	23	30
<i>Carmana, reg.</i>	100		29	
Hyrcanie.				
<i>Amarusa</i>	96	30	39	50
<i>Hyrcania met.</i>	98		40	
Margiana.				
<i>Antiochia</i>	106		40	10
<i>Nigaa</i>	105	15	41	40

Noms des lieux & villes.	Longitude.		Latitude.	
	Degrés	Minutes.	Degrés	Minutes
Bactriana.				
<i>Charracharta</i>	111		44	10
<i>Ebusini regia</i>	108	20	41	20
<i>Bactra regia</i>	116		41	
<i>Maracanda</i>	112		39	15
Sogdiana.				
<i>Drepfa</i>	120		45	
<i>Alexandrie</i>	122		41	
Sacæ.				
Scythie dens la montaigne Imaus.				
<i>Appabota, cité</i>	102		44	
<i>Danaba</i>	104		45	
Scythie hors la montaigne Imaus.				
<i>Auxacia</i>	144		49	20
<i>Iffedon, Scyth.</i>	150		37	15
Serica.				
<i>Sera metropol.</i>	177	15	38	36
<i>Ottorocora</i>	165		37	15
<i>Drosache</i>	167	40	42	30
<i>Iffedon, Serica</i>	162		45	

Noms des lieux & villes.	Longitude.		Latitude.	
	Degrés	Minutes,	Degrés	Minutes
Aria.				
Alexandrie	110		36	
Arie, cité	105		35	
Paropanifade.				
Naulibis	117		35	30
Carura	118		35	
Drangiana.				
Prophthasia	110		32	20
Ariaspe	108	40	28	40
Arachofia.				
Alexandria	114		31	
Arachotus	118		30	20
Gedrosia.				
Cuni	110		27	
Mufarna	115		27	30
Parfis	106	30	23	20
Arbis	105	20	23	30
Indie dans Ganges.				
Calichut	112		17	
Nitra, marché	115	30	14	40
Curula, aujour d'hui royaume	128		16	

Noms des lieux & villes.	Longitude.		Latitude.	
	Degrés	Minutes,	Degrés	Minutes
Contacoſſyla	134	30	11	30
Coddura	135		11	20
Palura, cité	136	40	11	30
Oriza, cité	145		18	30
Carnaſa	120		34	15
Bucephala	125	30	30	20
Raraſſa	123		26	
Ozene	117		20	
Sageda	133		23	30
Gange, regia	146		19	15
Indie hors Ganges, appelée la petite Indie.				
Baracura	152	30	16	
Berabonna	155	30	10	40
Tacola	160	15	4	15
Balonga	167	30	7	
Sines.				
Cattigara	177	Australis	8	30
Sarata	180	Australis	4	
L'isle Tabrobana.				
Moduta, port tresbon	128		11	20

Noms des lieux & villes.	Longitude.		Latitude.	
	Degrés	Minutes,	Degrés	Minutes
Maagram - mum	127		7	20
La cité de Nu barte	121	40	sous l'équi- noctial.	
Talacori, lieu de marché	126	20	11	40
Hodoca cité à la partie australe	123		2	
Dionysi, ou ci- té de Bacchus	130		1	50
Dagana cité sa- cree à la Lune	126		2	

FIN DES TABLES.

APRES avoir declairé les parties de la terre, conte-
nues en nostre Miroir, reste à present venir à la prati-
que d'iceluy, laquelle te sera facile, si bien as entendu la
doctrine des cercles, declairés à la page 151. chapitre
troisiesme. Et pource que la figure est tres necessaire en
toutes choses, qui requierent demonstration, icelle t'ay
icy mise avec toutes ses parties, qui sont quatre, dont la

LA PARTIE INTERIEVRE,
OV, FACE, DE L'ASTROLABE.



premiere, & plus inferieure, est le Miroir, ou mape mon-
de, laquelle doit estre appliquee à la concavité de l'Astro-

labe, comme les autres tables : & par dessus toutes icel-
 les, quand on s'en veut servir : & sur iceluy Miroir
 l'aranea, sur l'aranea la petite Roüe, à laquelle sont
 marquees les 24. heures avec la ligne de My-
 di, & par dessus tout, l'index ou regle,
 à laquelle sont marqués les degres
 de la latitude Meridio-
 nale, ou Septen-
 triona-
 le.



LA PRACTIQUE

D V MIROIR D V

M O N D E .



Pour trouuer l'assiette d'une chascune region,
Cité, ou lieu circonuoyfin, au Miroir du
Monde.

CHAPITRE I.



SACHANT par les tables antecedentes la longitude, & latitude du lieu, que tu desires, tiens la ligne fiduciale de l'Index du Miroir, sur le bort de ton Astrolabe, au droict de la ligne de Minuiet, qui te seruira à ce lieu pour Mydi, et tourne la table, ou Miroir, iusques à ce, que tu ayes mys pareil degré de longitude (lequel trouueras noté au cercle de Capricone) soubz icelle ligne: ce faict regarde à la latitude, laquelle compter as par les degrés notés à la ligne fiduciale de ton Ostensor, depuis l'Equinoctial, iusques au lieu que tu desires: car si icelle est Septentrionale, sera dens le cercle Equinoctial: & si Meridionale, hors iceluy, comme le tout t'ha esté predict. Et à la fin des nombres droictement soubz la li-

m 4 gne

gne de soy, aura, ou y feras vn poinct, qui te signifiera le lieu, que tu demandes.

Ayant trouué ce que demandes, arreste ton Miroir au lieu de ton habitation, à tout de la cire, à fin qu'il ne bouge, & ce pour t'en seruir cy apres.

Pour sçauoir en quelles regions, Isles, & Cités, le Soleil, & autres Estoilles, à certains iours & heures se meuuent verticalement.

CHAP. II.



Tant arresté ton Miroir au lieu de ton habitation, comme dict est, & sachant le degré du Soleil, metz la ligne fiduciale de ton Index, sur l'heure du limbe extérieur, en laquelle tu veulx sçauoir la vertication, soit deuant, ou apres Mydi, ou enuiron mynuict: et apres auoir tourné le Aranea du zodiaque, & mis le degré de l'ecliptique, soubz lequel est le Soleil, précisément soubz la ligne fiduciale de l'Index, à ceulx la donc le Soleil est perpendiculairement sur leur chef, au temps assigné, c'est à dire, que le Soleil passe, ou est sur leur teste. Oultre l'aranea estant lors immobile te monstrera les regions, sur lesquelles les Estoilles sont perpendiculairement sur leur chef à la mesme heure.

Pour congnoistre sur quelz, le Soleil, vne fois, deux fois, ou iamais se meult sur leur chef.

CHAP. III.



L fault entendre, que estans trois cercles principaulx en nostre Miroir, à sçauoir, Cancer, Equinoctial, & Capricorne, ceulx qui habitent soubz iceulx, l'un desquelz est le tropique de Cancer, soubz lequel est la Getulie, les Arabes, les Mahometistes, & autres, une fois l'an le Soleil se mouuera perpendiculairement sur leur chef. Et à ceulx qui sont entre les tropiques, qui sont les Ethiopiens, l'Isle Taprobane, & autres, deux fois, à cause de ce ont deux estés, & deux hyuers: mais leur hyuer est comme à ceulx de Paris l'esté, ou enuiron (l'entend à ceulx qui habitent soubz l'Equinoctial) car le Soleil estant au premier point du signe de Capricorne, ou de Cancer, est esloigné de leur Zenith enuiron vingt quatre degres, & le semblable est à Paris, ou enuiron, le Soleil estant au premier point du signe de Cancer, car il s'en fault enuiron vingt cinq degres, qu'il ne vienne iusques à leur Zenith: parquoy ha esté appelée la Zone inhabitable, & intemperee, pour le respect de la nostre qui est temperee, mais elle est trouuee habitable, & merueilleusement bonne, & fertile, comme plus à plein tu pourras veoir par les Auteurs, & modernes Geographes. Ceulx qui sont hors les tropiques (comme est nostre climat, & autres) n'auront iamais le Soleil verticalement. Ceste regle est tres veritable, si la latitude d'aucun lieu excède vingt quatre degres, que le Soleil ne passera iamais sur leur Zenith. Parquoy errent ceulx qui disent, que les habitans de Hieru-

Getulie, &
Arabie.

Ethiopie.
Taprobane.

Regle tresve
ritable.

saalem n'ont point d'ombre à mydi, pour cause que le Soleil est perpendiculairement sur leur chef, qui est contraire à raison: car Hierusalem est à la latitude Septentrionale de 32. degrés, ou environ, & le tropique de Cancer, qui est la plus grande declination, que puisse faire le Soleil vers les parties Septentrionales, ne peut estre, que de 24. degrés, ou environ: parquoy est chose tres manifeste, que Hierusalem, ny ses circonuoyssins, ne peuvent estre soubz le zodiaque, l'extreme partie duquel decline vers Septentrion (selon Ptolomee) environ 30. degrés. S'ensuyura donc, que à ceulx là, le Soleil ne passera sur leur Zenith, pour cause qu'il s'en fault environ huit degrés, que ilz ne soyent soubz l'ecliptique, qui est la ligne qui diuise la largeur d'iceluy zodiac en toute longueur, également, comme le tout t'a esté predict à l'exposition de la Sphere, en la page 12.

Pour sçauoir quelle heure il est, en quelque region, ou Cité en tout temps.

CHAP. II II.



Et la ligne fiduciale de l'Index au limbe exterieur, sur l'heure pour laquelle tu demandes sçauoir l'heure de la region, ou autre lieu, & ton Index ainsi arresté, tourne la petite roue des heures, iusques à ce, que la ligne de Mydi d'icelle, soit droictement sur le lieu duquel tu veulx sçauoir l'heure, & la ligne de foy de ton Ostensor te monstresira

*stirera à la petite roue, l'heure de la region, ou lieu, com-
ptee de Mydi, ou de Minuict.*

*ET ce te suffise, quant à la declaration des choses
tant terrestres, que celestes contenues
en ce present traicté.*

FIN.

SPERNIT OTIA VIRTVS.

1800
The first of the year
The first of the year
The first of the year
The first of the year
The first of the year

The first of the year
The first of the year
The first of the year
The first of the year
The first of the year

The first of the year
The first of the year
The first of the year
The first of the year
The first of the year

The first of the year
The first of the year
The first of the year
The first of the year
The first of the year

The first of the year
The first of the year
The first of the year
The first of the year
The first of the year





THE
LIBRARY
OF THE
MUSEUM
OF
COMPARATIVE ZOOLOGY
AND ANATOMY
HARVARD UNIVERSITY
CAMBRIDGE, MASS.

RPJCH



MIROIR DV MONDE



es deux figu
s doiuent es-
c coupees,
mises sur la
ce de l'A-
rolabe en la
age 181. ainsi
ne Lautre
ist mention
n la mesme
age, & en la
age suyuâte,

ARANE A






Ceste figure
doit estre
coupee et mise
sur la Sphe-
re, page 15.

85-166

e
s
e
r
ic
ro
ag
m
ic
a
ag
ag





L22/2/LHT

E546
F652p

Previous edition original

